

# ՈՒՂԵՐՁՆԵՐԻ 12-ՐԴ ՇՐՋԱՆ

1 հունիսի, 2010 թ. – 21 հունիսի 2010 թ.

## ՍԱՆԱՏ ԿՈՒՄԱՐԱ

1 հունիսի, 2010 թ.

## ՈՒՍՄՈՒՆՔ

## ՊԱՏԱՍԽԱՆԱՏԿՈՒԹՅԱՆ ՄԱՍԻՆ

ԵՍ ԵՄ Սանատ Կոմարան՝ մեր դեսպանորդի միջոցով կրկին ձեզ այցի եկածը:

Այսօր ես եկել եմ, որպեսզի կրկին ձեզ հիշեցնեմ մոլորակի ընթացիկ իրավիճակի և Երկրի այդ իրավիճակի նկատմամբ ձեր պատասխանատվության մասին: Երբ մարդկությունն ունակ դառնա գիտակցելու Երկրի մոլորակի վրա տեղի ունեցող ամեն ինչի նկատմամբ իր ողջ պատասխանատվությունը, մենք թեթևացած շունչ կքաշենք, քանի որ ամբողջ այն ընթացքում, քանի դեռ մարդկության գիտակցության մակարդակը համապատասխանում է մանկան գիտակցության մակարդակին, մենք ստիպված կլինենք խնամք տաձել նրա նկատմամբ և հետևել, որ մարդիկ իրենց անմտությամբ մի այնպիսի աղետ չստեղծեն, որից հետո կյանքը մոլորակի վրա դառնա անհնարին:

Իսկ այժմ, երբ ձեզ վորք-ինչ համալարեցի մոլորակի իրավիճակի իմ ըմբռնման ալիքի հետ, պատրաստ եմ տալ ոչ մեծ Ուսմունք, որը լսելը ձեզ համար օգտակար կլինի:

Քանի որ ձեր գիտակցությունն ի վիճակի չէ երկար ժամանակով կենտրոնանալու մի որոշակի նյութի վրա, մենք ստիպված ենք լինում գալու բազմաթիվ անգամներ և ձեզ հիշեցնելու շատ պարզ ճշմարտություններ, որոնց մասին հավանաբար գիտեք, բայց, չգիտես ինչու, մոռանում եք և՛ դրանք կիրառել գործնականում, և՛ պահել դրանք ձեր գիտակցության մեջ:

Ես եկել եմ մեր դեսպանորդի միջոցով Երկրի մարդկության հետ տարվող մեր աշխատանքի երկարատև ընդմիջումից հետո: Եվ ողջ այդ դադարի ընթացքում ես հնարավորություն ունեի նուրբ ոլորտից դիտելու մոլորակի իրադարձությունների զարգացման ընթացքը: Դուք նույնպես հնարավորություն ունեիք հետևելու իրադարձությունների ընթացքին, սակայն՝ միայն ֆիզիկական ոլորտից: Եվ այն մարդիկ, ովքեր վերլուծելու հակում ունեն ու խորհել գիտեն, կարող էին նկատել, որ մոլորակի իրադարձությունն օր օրի շի-

կանում է: Եվ այդ իրադարձության մասին տագնապ են հնչեցնում գործնականում չընդհատվող երկրաշարժերն ու հրաբուխների ժայթքումները, ռազմական ընդհարումներն ու ահաբեկչական գործողությունները, սոցիալական պայթյուններն ու հեղաշրջումները, որոնք մոլորակի վրա տեղի են ունենում այս ու այնտեղ:

Այդ ամենը ձեզ բնական է թվում, կարծես ոչ մի անսովոր բան չկա: Իրոք, մարդկային գիտակցության անկատարության այդ դրսևորումներն առաջ էլ գոյություն ունեին, հարյուր տարի առաջ, հարյուրավոր տարիներ առաջ: Բայց այդ բացասական երևույթների հաճախականությունն ու ընդգրկումը, ինչպես նաև այն բացասական ուժերը, որոնք կանգնած են այդ երևույթների հետևում, երբեք այսքան մեծ չէին եղել:

Սա ես եմ ձեզ ասում: Իմ հիշողությունն անհամեմատ ավելի լավն է, քան ունի ներկայումս մարմնավորված մարդկությունը: Ես հնարավորություն ունեմ զննելու ակաշայի ժամանակագրությունները և ձեր իրադարձությունը համեմատելու ցանկացած այլ ժամանակի իրադարձության հետ: Համեմատության արդյունքն ի նպաստ ներկայիս իրադարձության չէ: Մեզ՝ Համբարձյալ Դասերիս, ավելի ու ավելի շատ էներգիա է պետք գալիս, որպեսզի կարգավորենք մոլորակի իրադարձությունը և թույլ չտանք ամենաահավորը մարդկության համար՝ ֆիզիկական հարթակի ոչնչացումը:

Ձեզ թվում է, թե ես այնպիսի բաներից եմ խոսում, որոնց հետ դուք անմիջական առնչություն չունեք: Դե՛, ինչ-որ տեղ ինչ-որ մեկի գործողությունների հետևանքով խախտվել է մոլորակի հավասարակշռությունը, որի հետևանքով էլ հրաբուխներ են ժայթքում ու մրրկահողմեր են առաջանում...

Պաշտելիներս, պետք չէ դատել այդքան համոզված ու միանշանակ: Ներկայումս Երկրի վրա մարմնավորված անհատները կարմայորեն այնպես են իրար հետ միահյուսված, որ հնարավոր չէ

վատահասակ, թե հատկապես ով կամ ովքեր են իրենց գործողություններով համադրել առաջացնում մոլորակի վրա:

Մարդկության տեղեկատվական դաշտն ավելի ու ավելի է նմանվում այնպիսի մի ընդհանրական դաշտի, որից անհնարին է առանձնացնել որոշակի որևէ անհատի ներդրումը: Հաղորդակցության ժամանակակից միջոցների զարգացումը հանգեցրել է այն բանին, որ վայրկյանի մասերի ընթացքում լուրերը հասնում են երկրագնդի ամենահեռավոր անկյունները: Եվ յուրաքանչյուր ոք, ով արձագանքում է այդ լուրերին, իր ներդրումն է ունենում մոլորակի էներգետիկական իրադրության մեջ:

Ոչ բոլոր լուրերն են բավարար արձագանքի արժանանում: Տեղեկատվության մեծ մասը թաքցվում է մարդկությունից, քանզի եթե մարդկությունն իրագրել դատնա ողջ տեղեկատվությանը, թե ինչ ավերիչ ազդեցություն ունեն ներկայումս մոլորակի վրա տեղի ունեցող բաները, ապա մարդկանց ուղեղներում դրանց նկատմամբ արձագանքը կստանա անկառավարելի բնույթ:

Ուղղակի բարեբախտություն է ձեզ համար, որ ձեր հիշողությունը կարճ է, և դուք ունակ չեք գիտակցելու մոլորակի վրա տիրող իրավիճակի ողջ ծանրությունը:

Շատ բարձր գիտակցություն է հարկավոր, որ իր մեջ տեղավորի մոլորակի ողջ անհամակշիռ վիճակը և այն համակշիռ իր ներքին նվաճումների օգնությամբ: Չեմ թաքցնի ձեզնից, որ մարմնավորված որոշակի թվով անհատներ կան, որոնք իրենց վրա են վերցրել մոլորակի էներգիաների համակշռման գործը: Եվ հենց այդ անձնագոհ հոգիների շնորհիվ է, որ մոլորակը հնարավորություն ունի շարունակելու իր գոյությունը: Սակայն դուք ևս, որ հիմա կարդում եք այս տողերը, պետք է ավելի շատ ժամանակ հատկացնեք ձեր ներքին աշխատանքին: Քանզի միայն ձեր ներքին նվաճումներով է հնարավոր համակշռել իրավիճակը մոլորակի այն կետում, որտեղ դուք ապրում եք:

Կան որոշ մարդիկ, որոնք իրենց անգիտության պատճառով շարունակում են ճոճել մակույկը: Դրանով էլ հենց վատնում են իրենց բարի կարմայի վերջին մնացորդները՝ էլ ավելի աղտոտելով մոլորակի տեղեկատվական դաշտը, որն առանց այդ էլ չափազանց աղտոտված է:

Ձեր յուրաքանչյուր անտրակ միտքը բազմապատկվում է միլիոնավոր անգամ: Այդ գործընթացի մի նմանօրինակը կարող եք տեսնել համացանցում: Վիրտուալ այդ տարածությունում կան բազմաթիվ էջեր, որոնց օգտատերերից ոմանք կեղծ անվան տակ հորինում են որևէ անհեթեթություն կամ բացահայտ մի սուտ: Եվ տեսեք, թե ինչպե՞ն են դեպի այդ «լուրը» սլանում բազմաթիվ միամիտներ և այն տարածում ողջ համացանցով մեկ:

Ահա այդպես էլ դուք կարնա եք ստեղծում ուշք չդարձնելով ու հաշիվ չտալով ձեր գործողությունների համար:

Հիմնարար ու անկյունաքարային Ուսմունքներից մեկը, որը տրվել է մեր դեսպանորդի միջոցով, վերաբերում է Աստծո էներգիայի խնայողական օգտագործմանը: Դուք պատասխանատու եք Աստծո աշխարհից ստացած էներգիայի ամեն մի էրգի համար: Եվ կախված այն բանից, թե ինչպես եք ծախսում Աստծո էներգիան, կան ձեզ համար Լույսի անմահ մարմին եք գործում, կան այնպիսի սարդոստայն, որով անդառնալիորեն ձեզ կապում եք Երկիր մոլորակի ֆիզիկական ոլորտին և խափանում ավելի նուրբ ու բարձրյալ աշխարհներում ձեր հետագա զարգացման հնարավորությունը:

Այսօր ես մի Ուսմունք տվեցի, որը կոչված էր ձեզ հիշեցնելու ձեր պատասխանատվության մասին: Եվ կարծում եմ, որ մոլորակի ընթացիկ իրադրության պայմաններում ձեզ համար ավելորդ չի լինի այս Ուսմունքը ևս մեկ անգամ լսելը:

*ԵՄ ԵՄ*

*Սանատ Կումարան: ՕՄ*

## ՊԱՇՏԵԼԻ ԱԼՖԱ

*2 հունիսի, 2010 թ.*

### ԺԱՄԱՆԱԿՆ Է ՊԱՏՐԱՆՔԻ ԱՇԽԱՐՀԻՑ ԵԼՆԵԼՈՒ ԴԵՊԻ ԱՍՏԾՈՒ ԻՐԱԿԱՆ ԱՇԽԱՐՀԸ

ԵՄ ԵՄ Ալֆան՝ կրկին ձեզ այցի եկածը:  
Օրվա ունայնությունը ձեզնից ծածկում է Հավերժը:

Եվ հենց այդ Հավերժն է, որ ես եկել եմ

հաստատելու ձեր գիտակցության մեջ: Իմաստ ունի միայն այն, որ Երկրի վրա ձեր լինելը նվիրաբերեք Հավերժին ու անանց արժեքներին, որոնք կմնան ձեզ հետ, երբ կթողնեք երկրային

դպրոցն ու անցում կկատարեք էվոլյուցիոն զարգացման նոր գալարին:

Իսկ հիմա դեռ ձեզ թվում է, թե այն, ինչ ես ասում եմ, ինչ-որ վերացական մի բան է, որին չգիտեք, թե ինչպես առնչվեք և ինչպես օգտագործեք այն ձեր առօրյա կյանքում:

Ձեր Հավատը Բարձրագույն աշխարհների և Արարչի նկատմամբ կստեղծի ձեզ համար բոլոր անհրաժեշտ պայմաններն ու նախադրյալները, որպեսզի ֆիզիկական աշխարհում ձեր գոյությունն ավելի մոտարկված լինի Բարձրագույն աշխարհներին: Ձեզ մնում է միայն, որ ձեր էության ներսում գտնեք այն կետը, որը ձեզ համար հավերժական Կյանքի հեռանկար է բացում: Ձեզնից ոչ բոլորին է հասու մտքի նման խոյանքը: Շատերը չեն հասկանա և, որ ավելի վատ է, կնտածեն, թե խոսքը ինչ-որ երևակայական ու անհրաական բանի մասին է: Սիրելիներս, դուք չեք կարողանա առնչվել հեռավոր աշխարհների հետ, քանի դեռ հավատ չեք ընծայում դրանց գոյությանը: Հարկավոր է ճեղք բացել ձեր գիտակցության մեջ՝ ձեր պաշտպանական գծի վրա, որով օրվա մեջ 24 ժամ դուք աչալուրջ պաշտպանվում եք մեր աշխարհից՝ չկամենալով ոչ հավատալ, ոչ էլ մուտք գործել այնտեղ: Ձեր աշխարհում շատ հնարամտություններ են մտածված, որոնք ձեզ մտցնում են պատրանքային աշխարհի մեջ և թույլ չեն տալիս, որ մտածեք Հավերժի մասին:

Ես մտադիր չեմ մրցակցել այն բանի հետ, ինչը ձեր գիտակցության մեջ այնքան բարձր արժեք ունի, որ իրենով ձեր մեջ ծածկում է Աստծուն: Ինձ վայել չէ ոչ ձեզ ստիպելը, ոչ էլ պնդելը, որ արթնանաք:

Լինում է այնպես, որ վարդի կոկոնն այդպես էլ չի բացվում ու թառամում է՝ առանց իր թերթիկները Հավատի, Հույսի ու Սիրո արևին ուղղելու: Դուք ինքներդ եք ընտրում, թե ինչ աստվածների պաշտեք և ինչ ուղով ընթանաք: Ես միայն ձեզ հիշեցնում եմ, որ ժամանակն է վերադառնալու Իրականությանը, ժամանակն է, որ դուրս ելնեք պատրանքի աշխարհից դեպի Աստծո իրական Աշխարհը: Ինքներդ սեփական ջանքերի գնով պետք է լարվեք այնպես, որ բացվեն ձեր հոգու թերթիկները և ձգվեն դեպի Բարձրագույն աշխարհներ: Երբեմն հնարավոր չի լինում, որ լսեք ձեր հոգու ցանկությունը, քանզի ձեր շուրջն ամեն ինչ դրան հակառակ է ուղղված: Բայց ես վստահ եմ, որ դուք դրանից գլուխ կհանեք:

Կան միայն երկու հիմնական հատկանիշներ, որոնք, ինչպես թելը, կարող են ձեզ դուրս հանել պատրանքի բավիղից: Դրանցից առաջինը Հավատն է, իսկ երկրորդը՝ Սերը:

Մեկի համար առաջին տեղում Սերը կլինի, իսկ երկրորդ տեղում՝ Հավատը: Իսկ մի ուրիշը կասի, որ տարբերություն չկա Հավատի ու Սիրո միջև, քանի որ ճշմարիտ Հավատը միշտ հիմնված է լինում Սիրո, Աստծո, մերձավորի, համայն Կյանքի նկատմամբ Սիրո վրա:

Հարկ է, որ ուշադրություն դարձնեք այն բաներին, որոնք խոչընդոտում են ձեր կյանքում այդ երկու հատկանիշների դրսևորմանը և աստիճանաբար վերացնեք այն ամենը, ինչը խանգարում է, որ հաղթահարեք պատրանքը և ելնեք աստվածային գիտակցության գագաթը:

Ձեզնից ամեն ոք մի քանի հիմնական խոչընդոտներ ունի, որոնք պետք է հաղթահարվեն ձեր կողմից: Եվ յուրաքանչյուրիդ կթվա, թե առանց ձեր այդ որակների չեք կարող գոյատևել ու զարգանալ: Բոլորովին այդպես չէ, սիրելիներս:

Ես հասկանում եմ, որ պատրանքն այնքան ուժեղ է, որ կախարդում է ձեզ իր գրավչությամբ ու մոգականությամբ: Բայց Աստծո Աշխարհն էլ կարող է ձեզ հմայել իր հրաշագեղությամբ ու գեղապանությամբ:

Դուք գտնվում եք երկու աշխարհների միջև ընտրություն կատարելու կետում: Եվ մոտակա ժամանակներում արդեն ձեզնից յուրաքանչյուրը պետք է կատարի իր վերջնական ընտրությունը՝ ընթանալ հետագա էվոլյուցիայի ուղով, թե՛ շարունակել խաղալիքներով խաղալ այն պատրանքային աշխարհում, որը ձեզ իրական է թվում:

Ինչպես տեսնում եք, ձեզ շրջապատող կյանքի ողջ բազմազանությունը միայն այն բանի համար է, որպեսզի հանձնեք ձեր ավարտական քննությունը և պատրանքային աշխարհից անցում կատարեք Աստծո իրական Աշխարհ:

Գլխավորի մասին շատ է խոսվում: Խոսվում է շատ պարզ խոսքերով: Եվ ինքս էլ չեմ հոգնում գալուց և կրկնելուց այդ պարզ բաները՝ հուսալով, որ որևէ հոգի, ինձնից խթան ստանալով, պատրանքի քնից կարթնանա հավերժական Կյանքի համար: Իմ խնդիրն է հնարավորինս շատ հոգիների արթնացնել, որպեսզի բարի հատիկների բերք հավաքեն երկնային շտեմարանում:

Ձեզ հարկավոր է միայն հավատալ ու ապրել ըստ այն սկզբունքների, որոնք պատգամվել են բոլոր ժամանակների մարգարեների կողմից:

Ամեն ինչ հայտնի է: Ամեն ինչ տրված է: Հարկավոր է վճիռ կայացնել և ընտրություն կատարել: Հենց հիմա: Հետո ուշ կլինի:

*ԵՍ ԵՄ Ալֆան՝  
ձեր հոգիների նկատմամբ  
հայրական Սիրով*

## ՏԵՐ ՍՈՒՐԻԱ

3 հունիսի, 2010 թ.

### ԺԱՄԱՆԱԿՆ Է, ՈՐ ՄԱՐԴԿՈՒԹՅՈՒՆԸ ՄՂՎԱԾՈՒԹՅՈՒՆ ԴՐՍԵՎՈՐԻ ԵՎ ԲԱՐՁՐԱՆԱ ԳԻՏԱԿՑՈՒԹՅԱՆ ՆՈՐ ՄԱԿԱՐԴԱԿԻ ՎՐԱ

ԵՍ ԵՄ Սուրիան՝ մեր դեսպանորդի միջոցով կրկին ձեզ այցի եկածը:

Այսօր ես չեմ եկել որևէ նոր բան հաղորդելու համար, այլ եկել եմ հիշեցնելու այն, ինչը հրաշալի գիտեք: Բայց երբ ձեզ ծանոթ առարկաներին նայում եք նոր տեսանկյունով, ապա, նոր ընկալման շնորհիվ, ոչ միայն պարզապես իմանում եք, այլև գիտելիքը ձուլվում է ձեզ հետ և դառնում ձեր մի մասը: Եվ դուք ձեր գիտակցությամբ ունակ եք դառնում ոչ միայն իմանալու ու հասկանալու շատ բաներ, այլ նաև ձեր ներքին էությունն այնքան փոխելու, որ կարողանաք բարձրանալ գիտակցության նոր մակարդակի վրա, մոտենալու ձեզ վիճակված գիտակցության մակարդակին և վերջապես հասնել դրան:

Ամեն անգամ, երբ ուղերձ տալու հնարավորություն եմ ունենում, իմ հոգևոր տեսողությամբ մտասևեռվում եմ ձեր աշխարհի վրա: Եվ ամեն անգամ համակվում եմ ուրախությամբ, որ հնարավորություն ունեմ կիսելու ձեզ հետ իմ Իմաստությունը և ձեզ հաղորդակից դարձնելու ողջ Կյանքին Սպասավորելու իմ ցանկությամբ:

Աստծո ողորմածությամբ համայն տիեզերքում Կյանքը կառուցված է զարմանահրաշ կերպով: Կյանքի յուրաքանչյուր շերտը հնարավորություն ունի զարգանալու իր օրենքներին համապատասխան, բայց միևնույն ժամանակ այն ենթարկվում է համայն տիեզերքի Արարչի ընդհանրական Մտահղացմանը: Ուստի լավ կլինեք, որ ձեր գիտակցության մակարդակով յուրացնեիք, թե որն է այս տիեզերքի Օրենքը, և ընդունեիք, որ պետք է ենթարկվել դրան: Օրենքին ենթարկվելու ձեր չկանությունը պետք է փոխարինվի Արարչի կամքին հնազանդությամբ:

Այլ կերպ չի կարող լինել: Եվ այն խաղերը, որ հիմա խաղում եք, պետք է փոխարինվեն իրական գործողություններով՝ ուղղված Կյանքին օգնելուն: Այնժամ, երբ կգիտակցեք Կյանքի յուրաքանչյուր մասնիկի հետ ձեր միասնությունը և ձեր ուշադրությունը կկենտրոնացնեք օգնության կարիք ունեցողներին օգնելու վրա, դուք կբարձրանաք գիտակցության այն մակարդակի վրա, որը ձեզ անհրաժեշտ է ունենալ ձեր էվոլյուցիայի ներկա փուլում: Այն ամենը, ինչ չի համապատասխանում

գիտակցության այդ մակարդակին, ձեր էգոյի՝ ձեր անիրական մասի բոլոր մզլապատ կապվածությունները պետք է թշվեն բարեփոխումների քամիով և սրբվեն Երկիր մոլորակի ֆիզիկական ոլորտի երեսից:

Մղվածությունն ունենալ դեպի բարեփոխումներ, դեպի Նոր Կյանք. ահա թե ինչ է ձեզ անհրաժեշտ ներկա փուլում: Պետք է վեր նայել, հայացքն ուղղել շրջապատող կյանքի ունայնությունից ավելի վեր՝ ձգտելով տեսնել այն ապագա աշխարհը, որն արդեն պատրաստ է ընդունելու ձեր հոգիները հետագա զարգացման համար:

Ձեզ թվում է, թե ես ինչ-որ վերացական բաներից եմ խոսում, որոնք որևէ կերպ կապված չեն ձեր կյանքի հետ:

Ընդհակառակը, վստահեցնում եմ ձեզ, որ ես խոսում եմ հենց այն ամենագլխավոր բաների մասին, որոնք պետք է առաջնահերթ տեղ զբաղեցնեն ձեր գիտակցության մեջ: Միայն այն դեպքում, երբ հարկ եղած չափով կուղղորդեք ձեր մղումները, կկարողանաք շարունակել էվոլյուցիան ձեր մոլորակի վրա:

Ձեր գիտակցությունը ծաղկի չբացված կոկոն է հիշեցնում: Ավելի համարձակ շրջեք ձեր գլուխը դեպի արևը, և նա իր քնքուշ ճառագայթներով սիրով կկատարի գործը, որպեսզի բացի ձեր աստվածային գիտակցության լուստուն այն Նոր Օրվա հանդեպ, որն ուր որ է կբացվի:

Ավելի համարձակ ձերբազատվեք ձեր կապվածություններից: Մի վախեցեք փոփոխություններից: Մի վախեցեք ընկնելուց ու վնասվելուց: Նա, ով հավատ ունի, նվիրվածություն ու նկրտում, մշտապես գտնվում է մեր աննիստ հայացքի տակ: Եվ մենք հոգաուար կերպով կկանխենք ձեր բոլոր անզգույշ շարժումները, որպեսզի ձեր հոգու հատիկը պահպանվի էվոլյուցիոն զարգացման ողջ ընթացքում:

Չէ՛ որ դուք խնամք եք տածում ձեր բույսերի ու տնկիների նկատմամբ: Խնամում և ջրում եք դրանք: Նույն կերպ մենք էլ հոգում ձեր մասին, ձեր հոգու մասին ոչ միայն ձեր ուղու այն հատվածում, որն անցնում է մոլորակի վրա, այլ նաև այն ապագայի աշխարհներում, որտեղ անպայման մուտք կգործեք: Դուք պետք է մշտապես համա-

հնչունություն պահպանեք Բարձրագույն աշխարհների հետ: Ձեր թրթիռները պետք է մշտապես պահեք արժանավայել մակարդակի վրա: Այն ամենը, ինչ խանգարում է, որ մշտապես կենտրոնանաք Աստծո, Բարձրագույն աշխարհների վրա, աստիճանաբար պետք է դուրս մղվի ձեր կյանքից:

Հարկ է, որ ավելի շատ ժամանակ հատկացնեք ձեր հոգուն, ձեր հոգու հետ զրույցին: Իհարկե, ձեզ սիրի շատերի համար նույնիսկ կարճ ժամանակով դեմ առ դեմ ինքն իր հետ մնալը մեծ փորձություն է ու մեծ թեստ: Մի վախեցեք միայնությունից: Մի վախեցեք ինքնեդ ձեզ հետ մենակ մնալուց: Հավատացե՛ք ինձ, դա թվացյալ մենակություն է: Հենց որ ձեր գիտակցության մեջ հաղթահարեք մենակության զգացողությունը, հանկարծ կբացահայտեք, որ ձեր շուրջը հազարավոր Լույսի էակներ կան: Եվ միայն ձեր խնդիրներին ու երկրային կապվածություններին հրաժեշտ տալ չկամենալն է, որ ձեզ բաժանում է Լույսի ողջ Հիերարխիայից: Մենք բոլորս կանգնած հետևում ենք ձեր գիտակցության աճին: Եվ մենք ամեն անգամ ցավ ենք զգում, երբ հետ եք դառնում ձեր հին կապվածություններին և ցուցադրում ձեր հին վարվելակերպերը:

Հասել է այն ժամանակը, երբ մարդությունը պետք է մղվածություն դրսևորի և դուրս գա գիտակցության նոր մակարդակի վրա: Դա անխուսափելի գործընթաց է:

Ձեր գիտության բոլոր նվաճումներն անհամեմատելի են այն հնարավորությունների հետ, որոնք ձեր առաջ կբացվեն գիտակցության նոր մակարդակին անցնելուց հետո: Բոլոր հնարավորությունները քնած են ձեր էության մեջ: Եվ շատ

շուտով դուք կսկսեք զգալ այդ չդրսևորված ուժերի ու հնարավորությունների ներկայությունը ձեր էության ներսում: Միայն թե պետք է ձեր ներսում մաքրեք ուղին՝ հրաժարվելով ձեզ համար սովորական դարձած վարքի կարծրատիպերից:

Այն ամենը, ինչ խանգարում է գիտակցության նոր մակարդակի վրա բարձրանալուն, աստիճանաբար կսկսի մեռնել: Հավատացե՛ք ինձ, շատ ու շատ բաների ու վիճակների հետ ձեր կապվածությունը նման է անցած տարվա ձյունի ու խաշամի հետ ունեցած կապվածությանը:

Կծագի պայծառ գարնանային արևը և կհալեցնի ձեր անկատարության ձյունն ու սառույցը: Եվ արևի քնքուշ ճառագայթների ներքո կաճեն նոր խոտածածկույթն ու տերևները: Մի վախեցեք հնին ու իր դարն ապրածին հրաժեշտ տալուց: Մղվեք առանց՝ դեպի ամեն ինչում նորի ու Աստվածայինի դրսևորումը:

Քանի դեռ երեխան չի անի իր առաջին քայլը, չի սովորի քայլել: Եվ եթե նույնիսկ ձեր առաջին քայլն անհաջող լինի ու ձեզ ցավ պատճառի, ապա մի վիստովեք: Եթե ձեր շարժառիթը մաքուր է և մղումն՝ ուժեղ, ապա դուք կհաղթահարեք ժամանակն ու տարածությունը և վստահորեն կշարունակեք ձեր ընթացքը տիեզերքի լայնարձակության մեջ:

Վեր ելեք: Դեն նետեք վախն ու անվստահությունը:

Խիզախե՛ք:

Առանց...

*ԵՍ ԵՄ Մորիան*

## ՎԵՀԱՊԵՏ ԷԼ ՄՈՐԻԱ

4 հունիսի, 2010 թ.

### ՀԱՍԱՎ ԼՈՒՐՁ ԽՈՍԱԿՑՈՒԹՅԱՆ ՊԱՇՏՈՒՆՆԵՐԻ

ԵՍ ԵՄ Էլ Մորիան...

Այս օրով ես եկել եմ շատ լուրջ խոսակցություն սկսելու համար, որն արդեն վաղուց է հասունացել: Միայն Երկիր մոլորակի կենսահոսքերին Սպասավորելու մեր անսահման ցանկությունն ու Մերն են մինչև այժմ պատճառ հանդիսացել, որ մենք շարունակենք տալ մեր ուղերձները:

Մակայն ամեն ինչ իր վերջն ունի, և հնարավոր չէ անվերջ օգտվել մեր էներգիայից՝ փոխաբերելու ոչինչ չտալով:

Մենք պատասխանատու ենք այն Լույսի համար, որը տալիս ենք Երկրի մարդկությանը, ուստի և հասավ լուրջ խոսակցության պահը: Իսկ հիմա,

երբ ես արդեն ձեզ հայտնի դարձրի մեր այսօրվա զրույցի թեման, կուզենայի մի քանի տարով դեպի հետ նայել՝ դեպի այն ժամանակները, երբ մենք սկսեցինք մեր աշխատանքը մեր դեսպանորդի հետ: Հիշո՞ւմ եք, թե որքան շատ էր ուրախությունը, որքան շատ էին հույսերը: Համբարձյալ Դասերն ուղղակի ցնծում էին Աստծո նոր շնորհի դրսևորման առիթով... Եվ ահա անցել է որոշակի ժամանակ, և եկել է ամբողջ արվածի արդյունքներն ամփոփելու պահը:

Երբեք չի եղել այնպես, որ Լույսը մեր կողմից չկշռադատված ձևով շաղ տրվի աջ ու ձախ: Ուստի եկել է այն պահը, երբ պետք է փակեք ձեր հաշիվ-

ները և փոխհատուցեք ձեր նկատմամբ տաժած մեր վստահության քվեի համար:

Եվ այսպես, ինչպիսին է մեր դեսպանորդի միջոցով մեր կատարած հնգամյա աշխատանքի արդյունքը: Ինչ նվաճումների ենք հասել ֆիզիկական ոլորտում: Մենք Ուսմունք տվեցինք այս տխուր ժամանակների համար հնարավոր ամենաբարձր մակարդակով: Մենք հույսեր էինք փայփայում, որ Ռուսաստանի և ողջ աշխարհի համար բացված աստվածային հնարավորությունն այս անգամ ի կատար կածվի:

Բայց ինչ ունենք հիմա. ունենք անթաքույց ու չափը կորցրած հարձակումներ ընդդեմ մեր դեսպանորդի և նրա նկատմամբ հարուցված անվերջանալի դատական գործընթացներ ու քաղաքացիական հայցեր: Եվ որպես այդ ամենի արդյունք և պսակ՝ ունենք աննախադեպ մի իրավիճակ, երբ Աշրամին հատկացված հողերն անհետ կույ գնացին ու անհետացան Ռուսաստանի չինովնիկության ու բյուրոկրատական ապարատի որովայնում:

Հնգամյա աշխատանքի հրաշալի արդյունք է...

Հավատացե՛ք Երկրի մարդկության հետ ունեցած իմ աշխատանքի փորձին. երբեք Լույսի մեր առաքելությունները հարթ չեն ընթացել՝ առանց փշերի ու խորդուրդությունների: Միշտ էլ մեր աշխատակիցների վրա հարձակվել են մութ ուժերի ամբողջ գործադրեր: Այնուհանդերձ ամեն անգամ, երբ Լույսի առաքելություն կրողին ուղարկում ենք մարմնավորման և երբ նախապատրաստում ենք մեր դեսպանորդներին, մենք հույս ենք կապում, որ մարդկությունը խելքի կգա:

Լույսի առաքելությունները մեզ համար յուրահատուկ լավնուսի թղթեր են, որոնց օգնությամբ մենք դատում ենք այն մասին, թե որքանով է մարդկային միջավայրն ազդեցիվ տրամադրված Լույսի և այն ողջ Աստվածայինի նկատմամբ, որը Երկիրը պատրաստ է լինում մատուցելու ձեզ:

Ահա և մենք ունեցանք տխուր փորձի ևս մեկ արդյունք: Ունեցանք ևս մեկ դեպք, երբ մարդկությունը չհանձնեց թեստը և Ոսկեդար մուտք գործելու իրավունք ձեռք չբերեց:

Ձեզ հայտնի է, որ մոտավորապես հարյուր տարի առաջ Ռուսաստանի համար նախաձեռնվեց մեր Լույսի առաքելություններից մեկը: Այն ժամանակ մեր դեսպանորդը պատրաստ էր իր առաքելության իրականացմանը և մարմնավորվեց Ռոմանովների տան ցարական ընտանիքի կազմում: Ձեզ հայտնի է այն տխուր արդյունքը, որը եղավ անցյալ դարի սկզբում. ամբողջ ցարական ընտանիքը գնդակահարվեց: Եվ այն ապագան, որը պատրաստ էր բացվելու երկրի առաջ, փակվեց երկար հարյուրամյակով: Եվ ողջ այդ ընթացքում երկիրը մինչև ծնկները խրված էր արյան մեջ՝ առանց Աստծո և հավատի: Մինչև այժմ ռուսաստանաբնակները վայելում են այն անաստվածության ու կամայականությունների պտուղները, որոնք թույլ

տրվեցին անցյալ դարի սկզբում: Աստված ողորմած է ու համբերատար:

Եվ մենք նորից հանդերձավորեցինք մեր դեսպանորդին, նորից դեսպի Ռուսաստան: Իմանալով այդ երկրի վիթխարի ներուժի մասին, իմանալով նաև, թե ռուս ժողովուրդը որքան է կարոտ ճշմարիտ հավատի՝ մենք հույս կապեցինք, որ այս անգամ մեր առաքելությունը հաջողություն կունենա: Սակայն մեր հնգամյա ջանքերի արդյունքն այն եղավ, որ մեր դեսպանորդը չապաքինվող վերքեր ձեռք բերեց իր նուրբ մարմիններում:

Այո, փոխվել են մեզ հակադիր ուժերի գործունեության մեթոդները: Բայց, ըստ էության, ոչինչ չի փոխվել մարդկանց գիտակցության մեջ: Աստվածային հնարավորությանը հակադրվելու մեթոդները դարձել են ավելի նրբանեղ: Հիմա նրանց ձեռքի տակ են չինովնիկական-բյուրոկրատական ապարատը, դատարանը և նույնիսկ նոր գյուտը՝ համացանցը...

Տխուր է համընդհանուր քայքայման այդ պատկերը դիտելը:

Կան որոշակի մեթոդներ, որոնցով միլիոնավոր տարիների ընթացքում մենք աշխատում ենք Երկրի մարդկության հետ: Եվ դրանց մեջ հիմնականն այն է, որ մենք առաքում ենք մեր դեսպանորդներին ու մարգարեներին, և մեր ավետաբերների գործողությունների նկատմամբ մարդկանց ցուցաբերած արձագանքից ելնելով՝ դատում ենք այն մասին, թե ինչպիսի առաջխաղացում է ունեցել մարդկությունն իր զարգացման մեջ:

Ձեր ժամանակները ոչնչով չեն տարբերվում միջին դարերից: Միայն մեթոդներն են փոխվել: Ուստի մենք ուշադիր հետևում ենք այն իրադրությանը, որը հաստատվում է մեր դեսպանորդի շուրջ: Ազգը հանձնում է իր թեստը: Ռուսաստանն անցնում է իր թեստով, որպեսզի իրավունք ձեռք բերի ժողովուրդների առաջատարը դառնալու: Երկիրը անցնում է իր թեստով՝ հանձինս իշխանական ընտրյալ խավի, բյուրոկրատական ապարատի, լրատվության զանգվածային միջոցների որոշակի ներկայացուցիչների: Եվ իր թեստն է հանձնում ազգի ընդհանրական ենթագիտակցականը՝ Ռուսաստանի էգրեգորը:

Ես վերջնական եզրակացություն անելու իրավասություն չունեմ: Ես միայն եկել եմ, որպեսզի նկարագրեմ այն իրավիճակը, որը մենք տեսնում ենք մեր գիտակցության համբարձյալ դիրքից:

Ցավալի է տեսնելը, թե ինչպես է Ռուսաստանի հսկայական ներուժը մնում չբացահայտված: Եվ դեռ ավելին, մեր ուղերձներից ստացված էներգիան աղավաղվում է՝ ստեղծելով կարմա: Նոր կարմա: Իսկ ձեզ հայտնի է, որ կարմայական պարտքերը հարկ կլինի վճարել: Եվ մեր հաշիվը չի ուշանա, որ դրվի ձեր առջև: Ինչ է այս անգամ սպասվում Ռուսաստանին...

Հիմա ես գերծ կմնամ կանխատեսումներ անելուց: Իմ էությանը ես լավատես եմ: Եվ, չնայած իմ

որոշակի կոշտությանն ու հայրական խստությանը, ես հարյուր տոկոսով գործադրում եմ իմ բոլոր ջանքերը, որպեսզի փոխեմ իրավիճակը և նպաստեմ այն բանին, որ անդառնալիորեն ջարդվի այն վայրի գազանի ողնաշարը, որը նստած է Ռուսաստանի մեջքին:

Ես ձեր օգնության կարիքն եմ զգում: Խնդրում եմ, օրվա մեջ 24 ժամ պահեք ձեր գիտակցությունը ձեզ համար հնարավոր ամենաբարձր մակարդակի վրա: Այդ դեպքում ես և կապույտ բոցի հրեշտակները կկարողանանք ներկա լինել ձեր աշխարհում: Գիտակցության ցանկացած բացասական վիճակ, ցանկացած դատապարտում, որ դուք ունենում եք, հետ է մղում Ռուսաստանի և ամբողջ աշխարհի համար նախատեսված աստվածային հնարավորությունը: Մենք փորձում ենք պահպանել մեր

դիրքերը: Եվ ձեզնից ամեն ոք, կախված մեր դեպանորդի նկատմամբ իր ունեցած վերաբերմունքից, Արմագեդոնի ռազմադաշտում կանգնում է այս կամ այն ուժերի կողմում: Հնարավոր չէ խույս տալ դիրք գրավելուց: Ձեր թրթիռներով դուք ձգվում եք դեպի այն կողմը, որի սկզբունքները ձեզ ավելի մոտ են՝ ըստ ձեր ներքին էության:

Ոչ ոքի դեռևս չի հաջողվել խորամանկելով խաբել Աստծուն: Եվ այն աշխատանքը, որը մենք կատարում ենք Երկիր մոլորակի վրա, կոչված է ի հայտ բերելու բոլորին, ովքեր ընտրել են Աստծուն հակադրվելու ուղին:

Ես ներկայացա տխուր ուղերձով: Բայց ավելի երկար լռելու համար այլևս տիեզերական հնարավորություն չկար:

*ԵՍ ԵՄ ԷՆ Մորիան*

## ՎԵՀԱՊԵՏ ԷԼ ՄՈՐԻԱ

5 հունիսի, 2010 թ.

### ՄԵՆՔ ՄԵՐ ՕԳՆՈՒԹՅԱՆ ՁԵՌՔՆԵՐ ՄԵԿՆՈՒՄ ՅՈՒՐԱՔԱՆՉՅՈՒՐԻՆ, ՈՎ ՄԵՁՆԻՑ ՕԳՆՈՒԹՅՈՒՆ Է ԽՆԴՐՈՒՄ

ԵՍ ԵՄ ԷՆ Մորիան: Եկել եմ, որպեսզի որոշ բացատրություններ տամ երեկվա իմ ուղերձի վերաբերյալ, ինչպես նաև ներկայացնեմ իմ ու Համբարձյալ Դասերի վերաբերմունքը Երկրի վրա հաստատված իրադրության նկատմամբ:

Չարժե՛, պաշտելիներս, վիատության գիրկն ընկնել: Իրավիճակն իրոք ծանր է: Եվ մեծ աշխատանք է պահանջվում, որպեսզի այն շտկվի: Սակայն երբեք չեն լինում անելանելի իրավիճակներ: Եվ միշտ վերջին պահին Աստված փրկարար ճոպան և օղակ է նետում, որպեսզի մարդկությունը կարողանա շարունակել իր էվոլյուցիան:

Ես չգիտեմ, թե ինչ կձեռնարկվի այս անգամ: Ձեզ հայտնի է, որ ամառային արևադարձից անմիջապես հետո կայանում է Կարմայական Վարչության նիստ, որտեղ քննարկվում է մոլորակի իրադրությունը, և արվում են եզրահանգումներ, որոնք ներկայացվում են Մեծ Կենտրոնական Արևի հաստատմանը:

Հավատացե՛ք ինձ, հաշվի կառնվեն բոլոր ձեր դիտողություններն ու առաջարկները, որոնք տեղ կգտնեն Կարմայական Վարչությանը հղած ձեր նամակներում:

Երբեք չի եղել այնպես, որ Համբարձյալ Դասերը մարդկությանը միայնակ թողնեն իր բախտի

հետ: Մարդկային գիտակցության մեծ պատրանքն է այն, թե մարդկությունն ունակ է զարգանալու իր սեփական օրենքներով, որոնք կտրված են համայն տիեզերքում գործող Օրենքից: Գոյություն ունի համայն տիեզերքում գործող միասնական Օրենք, և դրա մի դրույթն էլ վերաբերում է այն բանին, որ իրենց զարգացման մեջ մեծ հաջողությունների հասածները պետք է էվոլյուցիայի ուղու վրա օգնեն հետ մնացողներին: Ուստի ես և մյուս Համբարձյալ Վեհապետները մոլորակի վրա հաստատված ներկա իրավիճակի պայմաններում անում ենք մեզնից կախված հնարավոր ամեն ինչ: Եվ ձեզնից նրանք, ովքեր իրենց համարում են հոգևոր առումով զարգացած ու առաջադիմած, ինչո՞ւ չհետևեն մեր օրինակին: Ձեզ թվում է, թե կենսահոսքերին օգնելն անպայման ինչ-որ վերամբարձ և ուրախ բան է, որը ձեզ կկանգնեցնի պատվի պատվանդանին և դափնեպսամկ կղնի ձեր գլխին...

Մխավրնում եք, պաշտելիներս: Առավել հաճախ՝ դեպքերի 99 տոկոսում, մենք և մեր մարմնավորված աշխատակիցները զբաղված ենք լինում սովորական, քրտնաթոր աշխատանքով: Սակայն տարբերություն կա նմանատիպ աշխատանք կատարող ու սովորական կյանքով ապրող մարդկանց և մեր աշխատակիցների միջև: Եվ գլխավոր

տարբերիչ առանձնահատկությունն այն շարժառիթն է, որով դուք կատարում եք ձեր աշխատանքը: Հանուն ինչի՞ եք կատարում ձեր աշխատանքը:

«Իհարկե, որպեսզի փող վաստակենք», - կատասխանեն մեր ուղերձները կարդացող մարդկանց 99 տոկոսը: Եվ ընդամենը մեկ կամ ավելի քիչ տոկոսն է, որ իր գիտակցությամբ հասել է էվոլյուցիայի հաջորդ աստիճանին և կատասխանի, որ կատարում է իր աշխատանքը հանուն Ընդհանուր Բարօրության, հանուն ամբողջ մարդկության և հանուն Կյանքի Սպասավորության:

Եվ այդ շարժառիթային տարբերությամբ է պայմանավորված այն, որ մարդկանց մեծամասնությունն զբաղված է կարմայաստեղծ գործունեությամբ այն դեպքում, երբ մեր աշխատակիցները բարի կարմա են ստեղծում ողջ մարդկության համար, որը կարող է օգտագործվել Երկրի էվոլյուցիոն գործընթացը կարգավորելու համար:

Ձեզնից շատերի համար իմ ասածները երևում են որպես կատարելապես աներևակայելի ու հանելուկային բաներ: Սակայն ձեր վերաբերմունքն աշխատանքի նկատմամբ սկզբունքային նշանակություն ունի: Ձեր աշխատանքի հիմքում դրված շարժառիթը փոխում է ձեր գործադրած ջանքերի արդյունքը:

Հենց դրանում է ասվածի\* իմաստը, որ դաշտում ցանքս անող երկուսից մեկը կվերցվի, մյուսը կթողնվի. այլուր աղացող երկուսից մեկը կվերցվի, մյուսը կթողնվի: Քանզի եթե պատրաստ չեք ձեր գիտակցությամբ անցնելու էվոլյուցիոն զարգացման նոր գալարին, ապա ձեր աշխատանքն ուղղված կլինի պատրանքների բազմապատկմանը. իսկ եթե ձեր աշխատանքով հաստատում եք Նոր Կյանքն ու էվոլյուցիոն զարգացման նոր փուլը, որեմն ինքներդ էլ պատրաստ եք այդ փուլին: Ուրեմն ձեր գիտակցությունն արդեն հասունացել է էվոլյուցիոն զարգացման նոր փուլին անցնելու համար:

Նախ և առաջ փոխվում է ձեր գիտակցությունը և, մասնավորապես, ձեր վերաբերմունքն աշխատանքի նկատմամբ: Ուստի ես եկել եմ և հույս ունեմ, որ ապագայում դեռ էլի կգամ, որպեսզի մեկ անգամ ևս ձեզ հասցնեմ այս պարզ ճշմարտությունը, որն այնքան է ակնհայտ, որ հասկանալի է նույնիսկ երեխայի համար, բայց, չգիտես ինչու, մշտապես վրիպում է ձեր ուշադրությունից:

Եվ այսպես, աշխատանքի նկատմամբ ձեր վերաբերմունքը՝ ձեզ գործի դնող շարժառիթը, շատ կարևոր է: Ըստ էության, հենց դա է որոշում ձեր հետագա զարգացման ուղղությունը: Եվ աստվածային հնարավորությունը, որը ձեզ է մատուցվում այս ուղերձների փոխանցմամբ, կոչված է նախ և առաջ այն բանին, որ ձեզ տրվեն ճշմարիտ ուղեւիշներ և շարժման ճիշտ ուղղություն:

Ըստ այդմ՝ անցած տարի Մեծ Կենտրոնական

Արևի վրա ես ձեռք բերեցի թողության շնորհ, որպեսզի այս դեսպանորդի միջոցով կատարվող աշխատանքը շարունակություն ունենա: Նաև այս տարվա ընթացքում կանեմ ինձնից կախված ամեն ինչ, սակայն ես չեմ վերջնական որոշում ընդունողը: Բոլոր հնարավորությունները մանրակրկիտ կերպով կշռվում են տիեզերական կշեռքով: Եվ փաստորեն դեր է խաղում մեր ուղերձների հետ առնչվող յուրաքանչյուր մարդու մտածածը՝ նրա վերաբերմունքը մեր Խոսքին, որը խնամքով, աշխարհների միջով անցնելով, մենք բերում-հասցնում ենք ուղիղ ձեր տուն:

Մեր Ուսմունքի նկատմամբ ձեր վերաբերմունքն այն կովաններից մեկն է, որը որոշիչ դեր է խաղում հետագա էվոլյուցիայի համար: Այն բանից ելնելով, թե հասարակությունն ինչպես է վերաբերվում Աստծո կողմից տրված Խոսքին, միշտ էլ որոշվել է ինչպես հասարակության զարգացման մակարդակը, այնպես էլ հետագա էվոլյուցիային նրա ունակ լինելու կամ չլինելու հարցը:

Ուշադրություն դարձրեք այն մտքին, որ հիմա ծագել է ձեր գլխում: Եթե այն քննադատական բնույթ է կրում, ուրեմն դուք փաստորեն քվեարկեցիք ընդդեմ նոր աստվածային հնարավորության՝ ընդդեմ Երկիր մոլորակի մարդկության էվոլյուցիայի: Քանզի ձեր յուրաքանչյուր միտքը հավերժորեն գրանցվում է ակաշի ժամանակագրություններում: Եվ հետո ինչ էլ որ ասեք, ինչպես էլ արդարանաք, միևնույնն է, ձեր միտքն արդեն տպվել ու մշակում է անցել տիեզերական «համակարգում»: Մենք հնարավորություն ունենք հետևելու յուրաքանչյուրի արձագանքին, ով կարդում կամ լսում է մեր ուղերձները: Առայժմ մեր ուղերձները կարդացող մարդկանց մեծամասնությունը հակված չէ մեզ հավատալու և քննադատաբար է տրամադրված:

Մենք ձեզ կուրորեն հավատալու կոչ չենք անում: Մենք ձեզ կոչ ենք անում, որ բարձրանաք գիտակցության այնպիսի մակարդակի վրա, որտեղ ունակ կլինեք ճաշակելու ճշմարիտ Հավատ: Հավատ, որը ոչ թե դրսից է ձեր գլխին կապվում, այլ բխում է ձեր սրտերից: Միայն այդ դեպքում մենք կհասնենք այն նպատակին, որին ձգտում ենք: Քանզի ճշմարիտ հավատ ունեցող մարդն ունակ է դառնում անցնելու էվոլյուցիայի հաջորդ աստիճանին:

Ձեր աշխարհում ամեն ինչ իրար է միախառնված: Եվ ձեր կարմայական պարտքերը ձեզ հեռացնում են այնպիսի վիճակից, որում անհետանում են ձեր կասկածները, երկյուղներն ու անվստահությունը:

Մենք մեր օգնության ձեռքն ենք մեկնում յուրաքանչյուրին, ով մեզնից օգնություն է խնդրում և անկեղծ նկրտումներ ունի:

Բայց հենց ինքներդ եք հրաժարվում մեր օգնության ձեռքից և գերադասում խորտակվել

\*Մտթ., 24: 40, 41

պատրանքների ծովում ձեր եսասիրության և Հավատի բացակայության պատճառով:

Ուստի միշտ իմացեք, որ ես կնետեմ իմ փրկարար ճոպանը յուրաքանչյուրին, ով անկեղծ խընդրանքով կդիմի ինձ:

Մի երկնչեք խնդրելուց և օգնության ակնկալիքով դիմելուց, և մեր օգնությունն անպայման կհասնի ձեզ:

*ԵՍ ԵՄ ԷՆ Մորիան*

## ՍՊԻՏԱՄԱ ԶՐԱԴԱՇՏ

6 հունիսի, 2010 թ.

### ՊԱՏԻՎ ՈՒ ԳՈՎՔ ՈՒՂՂԱՀԱՎԱՏՆԵՐԻՆ...

ԵՍ ԵՄ Զրադաշտը...

Ես այսօր եկել եմ, որպեսզի ձեր սրտերում բորբոքեմ Հուրը...

Ա՛խ, մարդկանց հիշողությունը որքան կարճ է: Թերևս ձեզնից շատ քչերն են հիմա հիշում, որ ես շատ անգամ եմ մարմին առել Երկրի վրա, որպեսզի Երկրի մարդկությանը մատուցեմ իր աստվածային բնույթի մասին Ուսմունքը: Եվ Հուրն է, որ ամենից ավելի լավ է նշանավորում մարդու աստվածային բնույթը:

Դուք մոռացել եք ձեր աստվածային ծագման մասին: Ուստի մեզ՝ Մեծ Սպիտակ Եղբայրության Վեհապետներին, վիճակվում է կրկին ու կրկին ձեզ այցի գալ տարբեր դեսպանորդների միջոցով, որպեսզի ձեզ հիշեցնենք ձեր Աստվածայնության մասին:

Ես եղա իմ Ուսուցչի՝ Արամազդի մարգարեն: Հավանաբար հիմա ձեզ ավելի քաջածանոթ է իմ Ուսուցչի մի այլ անունը՝ Սանատ Կումարա...

Այո, այո՛, Սանատ Կումարա... Այդ Մեծ Ոգին շատ բան է արել Երկրի մարդկության համար և հիմա ևս շարունակում է Իր Գործը:

Եվ ձեզնից շատերը, շատ շատերը կարող են հիշել իրենց վաղեմի կապը Սանատ Կումարայի հետ: Այդ հուշը ներքին մակարդակներով առկա է ձեր ներսում և հազիվհազ է դրսևորվում ձեր արտաքին գիտակցությամբ:

Ո՛վ Սանատ Կումարայի ուղղահավատներ...

Ո՛վ Սանատ Կումարայի մաքրակյացներ...

Ձեզնից շատերը հիմա կարդում են իմ այս Ուղերձը: Ձեզնից շատերն այժմ մարմնավորվել են մոլորակի վրա, որպեսզի համակշռություն պահպանեն, որպեսզի իրենց մարմիններով անցկացնեն Հուրը, արարչական Հուրը, որի նշանը ֆիզիկական ոլորտում կրակի բոցն է: Այն ձեզ հիշեցնում է ձեր էության մասին. քանզի նուրբ ոլորտից դուք երևում եք հենց կրակի բոցերի պես: Եվ ես բերկրանք եմ զգում, երբ մոլորակին տիրած խավարում այս ու այնտեղ հանկարծ բռնկվում է Սպասավորության

ջահը: Եվ ձեր շուրջը լուսավորվում է Պայծառացման այն Լույսով, որով լեցուն է ձեր էությունը:

Ես մտաբերում եմ այն հեռավոր ժամանակները, երբ մարդկանց նվաճումները չէին գնահատվում ո՛չ քսակի հաստությամբ, ո՛չ էլ զբաղեցրած պաշտոնով: Հիշում եմ այն ժամանակները, երբ մարդիկ աշխարհում ամենից առավել բարձր էին դասում արարչական Հրի ի հայտ գալը մարդու ներսից: Եվ այդ Հուրն անգնե աչքով տեսանելի էր լինում: Հնարավոր չէր լինում ո՛չ թաքցնել սեփական նվաճումները, ո՛չ էլ մարդկանց մոլորեցնել կեղծ ձեռքբերումներով, որովհետև ամեն ինչ ակներև էր դառնում: Աստծո Հուրը միայն աչքերից չէր շողարձակում, այլ բառացիորեն պարուրում էր բոլոր մարմինները, ներառյալ նաև ֆիզիկականը:

Դրանք երանավետ, ոչնչի հետ չհամեմատվող ժամանակներ էին: Իսկ Սանատ Կումարան հնարավորություն ուներ տարին մեկ անգամ՝ Հրո տոնի ժամանակ, ներկա գտնվելու մեր մեջ: Եվ բոլորը հնարավորություն էին ստանում տեսնելու Նրա պատկերն այն Հրի միջով, որով Ինքն իջնում էր:

Որքան բարձր էին լինում մարդու հոգևոր նվաճումները, այնքան նա ավելի շատ էր կարողանում մոտ գալ Արամազդին և խոնարհվել Նրա առաջ: Իսկ նրանք, որոնց աստվածային բանականությունը մթազնած էր լինում, նույնպես փորձում էին մոտենալ՝ հավակնելով ցուցադրել Աստծո հետ իրենց միասնությունը: Սակայն անմիջապես այրվում էին Արամազդի արարչական Հրում կամ շուտափույթ հեռու էին փախչում խանձված կատուների պես:

Ձեր օրոք այդպես չէ: Դուք պատվում եք ոչ թե բարեմասնությունը, այլ արատը: Եվ չունեք չափանիշ, որով կարողանայիք գնահատել մեկը մյուսից: Ամեն ինչը ձեզ նույնաբար գորշ ու անբարետես է երևում: Սակայն ես պնդում եմ, որ ձեր մեջ կան ուղղահավատներ: Եվ ես դեպի նրանց սրտերն եմ առաքում իմ Հուրը. այդ ճառագայթն այժմ կարող է Կրակ բորբոքել նրանց սրտերի զոհարանի վրա:

Եվ մարմնող ճրագների միջավայրում նորից կոր-  
բոքվի արարչական Հուրը:

Ձեր խնդիրն է ետ բերել այն օրհնյալ ժամա-  
նակները, երբ աստվածային Էակները կարողա-  
նում էին այցի գալ ձեզ: Թեկուզ կարճատև, թեկուզ  
տարին մեկ անգամ, բայց եթե դա հաջողվի, ապա  
դուք ի վիճակի կլինեք ամբողջ տարվա ընթաց-  
քում բարձր պահելու ձեր գիտակցությունը և թույլ  
չտալու այն պարսավելի անապատացումը, որն  
այժմ տիրում է ձեր աշխարհում:

Ձեր գիտակցության բոլոր մգլապատ անկյուն-  
ները, նրա վրա նստած ողջ վաղեմի փոշին ան-  
հրաժեշտ է այրել արարչական Հրով:

Թող որ հրե սալամանդրներն այժմ զբաղվեն  
Երկիր մոլորակի տարածքի մաքրման գործով:

Թող որ Երկիրը ստանա իր մկրտությունը  
Հրով և մաքրագերծվի խավարից ու քայքայումից:

Ես եկել եմ ձեր սրտերում կրկին բորբոքելու  
Հրի պաշտամունքը: Եկել եմ ձեր սրտերում հաս-  
տատելու հավատն ու նվիրվածությունը Արա-  
մազդի՝ Սանատ Կումարայի նկատմամբ:

Նոր դավանանքներ ի հայտ եկան այն կրոնի  
փոխարեն, որը ես հիմնադրեցի և որի մարգարեն  
եղա: Իրենց հիմքում այդ նոր դավանանքները  
ոչնչով չէին հակասում զրադաշտականությանը:  
Սակայն Հրի դրսևորումը նվազեց: Եվ մարդիկ  
կորցրին գիտակցության այն բարձր մակարդակը,  
որի շնորհիվ կարողանում էին արարչական Հուր  
իջեցնել Երկիր մոլորակի համար: Եվ ամեն ինչը  
ենթակա դարձավ ավելի ու ավելի շատ անապա-

տացման: Մարդիկ դադարեցին տարբերել Լույսը  
խավարից:

Ձեր խնդիրն է վերականգնել Հրի անցումը ձեր  
աշխարհով: Դուք դա կարող եք անել ձեր չակրա-  
ների միջոցով:

Նվիրյալ ու ճշմարիտ Այրեր Սանատ Կումա-  
րայի. 144 000 Քրիստոս-Էակներ, որ մշտապես  
մարմնավորվում և կրում եք ձեր Մպասավորու-  
թյան ջահը. ձեր ժամը հասել է: Արթնացեք...

Ձեր հերոսական ջանքերի շնորհիվ է հենց, որ  
այս ողջ ժամանակի ընթացքում մոլորակը հարա-  
տևում է: Բայց այժմ հասել է այն պահը, երբ դուք  
պետք է սրընթաց առաջ անցնեք:

Պատիվ ու գո՛վք ուղղահավատ առաջամար-  
տիկներին...

Ձեզ վիճակված է անխոնջ կերպով աստվա-  
ծային սկզբունքներ հաստատել մոլորակի վրա:  
Գործունեության ամեն մի բնագավառում: Ամեն  
ինչում...

Եվ ձեր էության խորքից վեր հատնող արաչա-  
կան Հրից խանձված կատունների պես հեռու  
կփախչեն բոլոր նրանք, ովքեր կփորձեն մնալ հին  
գիտակցությամբ և պահպանել իրենց եսակենտ-  
րոնությունն ու վատագույն վարվելակերպերը:

Մաքրակյացներ Սանատ Կումարայի, Ոգու  
մարտիկներ, առաջ...

Հիմա ձեր հերթն է...

*ԵՍ ԵՄ Զրադաշտը՝ հանուն Երկրի  
մարդկության Սպասավորության Բոցում՝*

## ԲԱԲԱԶԻ

7 հունիսի, 2010 թ.

## ՈՒՍՄՈՒՆՔ ԱՇԽԱՏԱՆՔԻ ԵՎ ԴՐԱՄԻ ՆԿԱՏՄԱՄԲ ՎԵՐԱԲԵՐՄՈՒՆՔԻ ՄԱՍԻՆ

ԵՍ ԵՄ Բարաջին: Ես կրկին ձեզ այցի եմ եկել:  
Քանի դեռ կկարողանամ Ուսմունք տալ այս  
դեսպանորդի միջոցով, ես այցի կգամ ձեզ:

Իհարկե, զգալիորեն ավելի լավ կլինեք, եթե  
մարմնապես գայի ձեզ մոտ և, ինչպես այն ժամա-  
նակ, որ գտնվում էի Հեյրախանի իմ Աշրամում, իմ  
Ուսմունքը ձեզ տայի անմիջականորեն:

Բայց այդ ժամանակներն արդեն անցել են: Եվ  
նոր մարմնավորումը Համբարձյալ Դասերից նշա-  
նակալի ջանքեր կպահանջեր: Ուստի ես օգտվում  
եմ այն հնարավորությունից, որն այժմ առկա է:  
Քանզի այս հնարավորությունն էլ կարող է իր  
ավարտն ունենալ:

Մարդկությունը չի սովորում և չի ուզում սովոր-  
ել: Ամբողջ բանը ձեր հոգիների ծուլությունն է՝  
ուզում են հանգստանալ և չեն ուզում աշխատել:

Ինչպիսի հիմարություն, որ պետք է հանգստա-  
նալ: Ինչի՞ց եք եզրակացրել, որ երջանիկ կլինեք,  
եթե հանգստանաք:

Ես Ուսմունք տվեցի Կարմա յոգայի մասին: Եվ  
հիմա էլ եմ իմ գիտակցության համբարձյալ դիր-  
քից պնդում, որ միայն Կարմա յոգան՝ հանուն  
Ընդհանուր Բարօրությանն ուղղված ստեղծագործ  
աշխատանքի ձեր ջանքերն են, որ ունակ կլինեն  
փոխելու և բեկելու այն իրադրությունը, որն այժմ  
տիրում է աշխարհում:

Հասկապես աշխատանքը, ճիշտ կազմակերպված աշխատանքը, կարող է ամեն ինչ փոխել:

Քանի դեռ աշխատում եք դրամ վաստակելու համար, դուք ստաջ չեք շարժվի: Ինչպիսի հիմարություն՝ աշխատանքը կապել ֆիզիկական ուրուրտին պատկանող ինչ-որ արդյունքի հետ: Ինքնին աշխատանքն իրենից արդեն մեծագույն արժեք է ներկայացնում: Եվ ճշմարիտ աշխատանքը մեծագույն բարիք է մարդկային հոգու զարգացման համար:

Փոխեցնեք ձեր վերաբերմունքն աշխատանքի նկատմամբ: Հարց տվեք ինքներդ ձեզ, թե ինչն աշխատանքն այլևս ձեզ ուրախություն չի պարգևում:

Ուղղակի զարմանալ կարելի է... Աշխատանքի արդյունքը տեսնել ինչ-որ թղթի կտորներ ձեռք բերելու մեջ: Իսկ ինչ արժեք ունեն թղթի կտորներն Աստծո Աշխարհում: Դրանք ձեր աշխարհին են պատկանում, պատրանքային աշխարհին: Աստծո Աշխարհում նշանակություն ունի ձեր աշխատանքի բոլորովին ուրիշ արդյունքը՝ այն հմտություններն ու անզին փորձը, որ անհրաժեշտ են ձեր անհատականության զարգացման համար:

Ձեր մարմնավորումից հետո կներկայանաք մենաստանները և զարմանքով կհայտնաբերեք, որ ձեր կյանքն անցել է կատարելապես անիմաստ և աննպատակ: Դուք ընկել եք դրամ կոչվող ինչ-որ թղթիկների հետևից, որպեսզի կյանքից անընդհատ հաճույքներ ստանաք: Բայց ինչ հաճույք էլ որ ստացել եք, որոշ ժամանակ անց դրանք ձեզ ձանձրացրել են, և դուք նորից եք վազել դրամի հետևից, որպեսզի դրանով ձեզ համար նոր հաճույքներ գնեք:

Իսկ ամենազլխավորը՝ աշխատանքի հաճույքը, որը նույնքան բնական է ձեզ համար, որքան շնչելը, չգիտես ինչու, ձեզ համար կորսված է: Չափազանց շատ եք խորացել պատրանքի մեջ: Եվ ամենապարզ բաները, որոնք մատչելի են երեխայի համար, ձեզ համար դարձել են անհասկանալի: Երեխան աշխատում է առավտից մինչև երեկո: Նա մշտապես ինչ-որ բանով զբաղված է: Նա ստեղծագործում է: Նա դեռ հիշում է Աստծո Աշխարհը և գիտե, թե ինչի համար է մարմնավորվել: Բայց անցնում է ընդամենը մի քանի տարի, և, շփվելով ձեր արժեհամակարգի հետ, երեխան արդեն կորցնում է հետաքրքրությունն աշխատանքի նկատմամբ: Որովհետև ինքնին աշխատանքը չի գնահատվում ձեր հասարակությունում: Ձեր հասարակությունն արժևորում է միայն դրամ վաստակելու կարողությունը:

Այն ընթացքում, երբ գտնվում էի մարմնավորման մեջ, ես վկա եղա դրամի նկատմամբ մարդկանց կապվածությանը: Եվ ես սիրում էի փորձության ենթարկել նրանց, ովքեր ձգտում էին մոտ լինել ինձ և գալիս էին Աշխատում ապրելու: Ես նրանց պարտավորեցնում էի որոշակի գումար հավաքել և ամբողջը տալ ինձ:

Այդ կերպ ես որոշում էի, թե որքանով է տվյալ մարդը նվիրված ինձ և իմ տված Ուսմունքին:

Փաստորեն ես ստիպում էի նրանց, որ հրաժեշտ տային այն ամենազլխավորին, որի հետ ունեին ամենամեծ կապվածությունը՝ դրամին:

Նրանցից շատերը մտածում էին, որ այդ փողերն ինձ պետք են Աշխատ կառուցելու համար, կամ էլ մտածում էին, որ այդ կերպ ես փող եմ հավաքում իմ տված Ուսմունքի դիմաց:

Հիմարություն է կարծել, թե Ուսմունքը կարելի ձեռք բերել փողով:

Ոչ մի ճշմարիտ արժեք հնարավոր չէ ձեռք բերել դրամի օգնությամբ: Մերը հնարավոր չէ գնել փողով: Նվիրվածությունը՝ նույնպես: Սպասավորությունը՝ նույնպես:

Դրամի միջոցով դուք կարող եք ստանալ այդ աստվածային հատկանիշների սուկ հեռավոր նմանակումը:

Հապա փորձեք սոխակի ստիպել, որ երգի փողի համար: Նույն արդյունքը կլինի, եթե փորձեք փողով Ուսմունք ստանալ:

Ինչպես դրամը, այնպես էլ մյուս բոլոր էներգիաները ձեզ Աստված է տալիս: Եվ միայն Աստծուն պետք է շնորհակալ լինեք ամեն ինչի համար՝ սննդի համար, որ ուտում եք, հագուստի համար, որ կրում եք, ծածկի համար, որ ունեք, Ուսմունքի համար, որ ստանում եք մեզնից:

Մտորեք իմ խոսքերի շուրջ, երբ ժամանակ կունենաք: Երբ մի փոքր ազատված կլինեք ունայնությունից և փողի դիմաց հաճույքներ ստանալու մրցավազքից:

Կա և մյուս կողմն այն Ուսմունքի, որն այսօր տալիս եմ ձեզ: Դա հարգալից վերաբերմունքն է դրամի էներգիայի նկատմամբ, ինչպես և մյուս բոլոր էներգիաների նկատմամբ: Քանզի ամեն ինչ Աստծուց է բխում: Եվ քանի դեռ ձեր հասարակության անկատարությունն արտահայտվում է դրամի գոյությամբ, դուք պետք է դրամի նկատմամբ ճիշտ վերաբերմունք մշակեք: Ձեր սրտի խորքից բխող այն ցանկությունը, որ դրամական նվիրատվություն անեք բարի գործերի համար, շատ խոր արմատներ ունի և լիովին արդարացված է: Որովհետև բարի գործերի համար հատկացված ձեր փողերն ունակ են բեռնաթափելու ձեր կարման: Այդ ձևով դուք մաքրվում եք կարմայից:

Բայց դա կարող է գործել միայն այն դեպքում, եթե ձեր գոհողությունն անում եք անկեղծորեն և չեք ափսոսում ձեր տված փողերը: Քանի դեռ հասարակության մեջ կա դրամաշրջանառություն, պետք է ուշադիր հետևեք, թե ինքներդ ինչպես եք վերաբերվում փողին, ինչպես եք այն ծախսում:

Ինչպես ձեր պատրանքային աշխարհում ամեն ինչը, դրամը ևս ունի երկակի բնույթ: Դուք կարող եք այն ծախսել ինչպես պատրանքների բազմապատկման, այնպես էլ պատրանքի հետ հավաքման համար: Առաջին դեպքում դուք կարմա եք ավելացնում, իսկ երկրորդ դեպքում բեռնաթափում եք այն:

Ես այօր եկա, որպեսզի Ուսմունք տամ աշ-

խատանքի ու դրամի նկատմամբ վերաբերմունքի մասին: Հուսով եմ, որ այս Ուսմունքով կառաջնորդվեք ձեր կյանքում: Հակառակ դեպքում, եթե ստանում եք Ուսմունք և գործնականում չեք կիրա-

ռում այն, ապա նույնպիսի կարմա եք ստեղծում, ինչպիսին ստեղծում եք ձեր սխալ արարքներով:

*ԵՍ ԵՄ Բաբաջին*

## ՎԵՀԱՊԵՏ ՆԻԿՈԼԱՅ ՌԵՐԻՆ

8 հունիսի, 2010 թ.

### ԽՈՍԱԿՑՈՒԹՅՈՒՆ ՌՈՒՍԱՍՏԱՆԱԲՆԱԿՆԵՐԻ ՀԵՏ

ԵՍ ԵՄ Նիկոլայ Ռերիլը:

Ասորվա մեր խոսակցությունը լուրջ բնույթ կկրի: Ուստի տրամադրվեք դրան: Ո՞վ, եթե ոչ՝ ես, ձեզ ճշմարտացի տեղեկություն կհաղորդի մոլորակի նուրբ ոլորտի գործերի վիճակի մասին: Ո՞վ, եթե ոչ՝ ես, իրագրել կդարձնի այն վտանգներին, որոնք այժմ ձեզ սպառնում են: Իհարկե, առաջին հերթին ես կուզենայի իմ խոսքն ուղղել Ռուսաստանի բնակիչներին: Քանզի այդ երկրի հետ ունեցած իմ կարմայական կապերը պարտավորեցնում են ինձ աշխատելու նրա բարօրության համար: Մարմնավորման մեջ գտնվող շատերի հետ եմ ես կապված կարմայորեն: Ուստի հույս ունեմ, որ նրանցից որևէ մեկը կկարդա իմ այս ուղերձը: Միայն ձեր շնորհիվ և ձեր միջոցով ես կարող եմ գործել: Որովհետև այլևս հնարավորություն չկա հետագային թողնելու այն, ինչը վաղուց հասունացել է և արդեն իսկ տեղի է ունենում: Եվ երկիրը հիմա կանգնած է ընտրության առաջ:

Դեպի ապագա տանող ճշգրիտ ուղենիշներ չկան: Գուցե թե կարելի էր միառժամանակ էլ փորձարկել արևմտյան նմուշի շապիկը սեփական մաշկի վրա: Սակայն արդեն իսկ ակնհայտ է, որ այդ շապիկը նեղ է գալիս ռուսական հոգուն:

Անհրաժեշտ է վերադառնալ Ռուսիայի ակունքներին: Անհրաժեշտ է վերհիշել ողջ այն հերոսականն ու լուսավորը, որը եղել է Ռուսիայի պատմության մեջ. ոչ միայն հեռավոր ժամանակներում, այլ նաև այն սերնդի հիշողության մեջ, որը դեռևս ապրում է՝ աստիճանաբար լքելով ֆիզիկական ոլորտը:

Շանտ մութ ու անհրապույր բաներ են եղել անցյալում: Բայց եղել են նաև ոչնչի հետ չհամեմատվող հերոսության, նվիրվածության, սիրո և հայրենասիրության դրսևորման դրվագներ: Հարկավոր է ընտրել դրանցից լավագույնը և այն աճեցնել մարդկանց գիտակցության մեջ: Ոչ այն բանի համար, որ մենք ուզում ենք հաստատել ռուս ազգի առաջնայնությունը, այլ որովհետև մեզ անհրաժեշտ է վերականգնել ազգային արժանապատվու-

թյունն ու ազգային հպարտությունը: Մենք ունենք հպարտանալու բաներ: Եվ Ռուսաստանի պատմությունն ամենաբարձր մակարդակով պետք է դասավանդվի երկրի բոլոր ուսումնական հաստատություններում:

Բնակչության բոլոր շերտերը գիտակցության ծայրահեղ ճնշված վիճակում են: Քանզի չկա մի ազգային գաղափար, որը միավորեր ու համախմբեր մարդկանց: Եվ մարդկանց ընդհանուր վիճակն այժմ շատ ավելի վատ է, քան սոցիալիզմի օրոք էր: Ամեն դեպքում, այն ժամանակ մարդկանց մեջ ներարկվում էր մղվածություն և նվիրվածություն գաղափարներին:

Ժողովուրդը, որը գուրկ է ազգային գաղափարներից, ժողովուրդը, որը չի հիշում իր հերոսական անցյալը, ապագա չունի:

Պետք է խորհել այս մասին, և նման վիճակը պետք է շտկվի: Ռուսաստանին նվիրված մարդիկ կան պետական իշխանության բոլոր մակարդակներում, հասարակության բոլոր շերտերում: Ուստի առաջնահերթ խնդիր պետք է դառնա այն ամեն լուսավորի հաստատումը, որը դեռևս առկա է հասարակության մեջ: Մարդկանց անհրաժեշտ են իդեալներ, դեպի որոնք նրանք պետք է մղվեն: Մարդիկ հոգնել են անհավատությունից ու կեղծավորությունից:

Առաջ էլ են եղել անբան ու ծույլ մարդիկ, որոնք նստել են պետության վզին: Սակայն այժմ ձրիակերությունն ու անբանությունը, փողը կուռք դարձնելն ու հաճույքամոլությունն աստվածացվում են զանգվածային լրատվության բոլոր միջոցներով:

Ինչպե՞ս եք պատրաստվում շարունակել ձեր երթը, և ինչպե՞ս պետք է Ռուսաստանն ի կատար ածի իր աստվածային առաքելությունը, եթե այլանդակությունն է դեռևս ղեկավարում պարահանդեսը: Դեռ երբեք Ռուսաստանում այնպես չէր եղել, որ անբարոյականությունն ու ստորակարգությունը ձեռք բերեին համարյա պետական քաղաքականության կարգավիճակ:

Աշխարհիկ կյանքից և հեռատեսիլի էկրան-

ներից այլանդակության ու ստորակարգության հեռացումը դիտվում է որպես դեմոկրատիայի հիմքերի խարխուլում:

Գիտակցությունը նախ և առաջ պետք է հասու լինի դեմոկրատիային: Այդ դեպքում կարելի կլինեն և քննարկման դնել դեմոկրատիայի թեման: Բայց այժմ հարկավոր է զարկել բոլոր զանգերը և փրկել այն, ինչը դեռևս հնարավոր է փրկել այն դիվային իշխանակազմի ձեռքից, որը ղեկավարում է պարահանդեսը:

Լրջորեն մտորել է պետք Ռուսաստանի բնակիչներին: Ոչ մի ամենալավ կառավարություն ոչինչ չի կարող անել, եթե ժողովուրդն անհավատ է ու խավարամիտ:

Իհարկե, հեշտ է կառավարել ժողովրդին, եթե նրա գիտակցությունը ամենացածր մակարդակի վրա է: Ողջ կառավարումն ի կատար է ածվում կենդանական բնագոյների մակարդակով: Սակայն ո՞ւմ է պետք այն հասարակությունը, որի անդամները մտածում են միայն իրենց ֆիզիկական մարմնի մասին և իսպառ մոռացել են Աստծո և հոգու մասին:

Ըստ այդմ՝ ես եկել եմ և դեռ էլի կգամ ու կխոսեմ, քանի դեռ աստվածային հնարավորությունը չի ավարտված: Ժամանակն է լրջորեն խորհելու Ռուսաստանի ապագայի մասին և գործելու այն մտայնությամբ, որ թշնամին արդեն դռան առջև է: Պահանջվում է ժողովրդական համախմբում ընդդեմ անաստվածության ու այլանդակության: Երբեք չեմ հոգնի կրկնելուց, որ ապագա սերնդի կրթության պատասխանատվությունն ընկած է բոլոր նրանց վրա, ովքեր հիմա որոշումներ են ընդունում և որոնցից կախված է ինչ-որ բան:

Այժմ Ռուսաստանը հասել է բեկումնային կետի: Իսկ հակադիր ուժերը նշանակալիորեն գերակշռում են:

Ուստի դուք, որ հիմա կարդում եք այս տողերը, մի՛ կարծեք, թե դա ձեզ չի վերաբերում, թե դուք իշխանության մեջ չեք, և ձեզնից ոչինչ կախված չէ: Ազգի ընդհանուր ենթագիտակցականը ձևավորվում է ձեզնից յուրաքանչյուրով: Իսկ հերոսություն հնարավոր է դրսևորել ոչ միայն մարտի դաշտում:

Դեռևս ժամանակ կա: Բայց հնարավորության

դռներն ուր որ է կփակվեն: Ամեն անգամ գալիս եմ և ամեն անգամ փորձում եմ ձեր հոգիներն արթնացնել քնից:

Արթուն հոգին չի հարցնի, թե ինչ անի, և չի սպասի հստակ ցուցումների: Արթուն հոգին գործում է ներքին ցուցումներով և պատրաստ է սխրանքի, որտեղ էլ այն դրսևորվելու լինի: Եվ երբեմն շատերիդ համար սխրանք է լինում հենց այն, որ հրաժարվեք այն ամենից, ինչը նպաստում է հասարակության բարոյական նորմերի անկմանը՝ ակոհոլից, թմրանյութերից, ծխախոտից, գիտակցությունը մթագնող երաժշտությունից, հեռուստատեսության ու ռադիոյի անճաշակ հաղորդումներից: Փող շինելու ողջ այդ «ինդուստրիան» գոյատևում է միայն այն բանի շնորհիվ, որ դուք նրան կերակրում եք ձեր փողերով ու ձեր էներգիայով:

Հասարակությունը հիվանդ է: Սակայն եթե բարեփոխման հնարավորությունը չլիներ, իմաստ չէր ունենա մեր գալն ու մեր ուղերձներ տալը:

Հավանականություն կա, որ ամեն ինչ կփոխվի և կփոխվի դեպի լավը: Հարկ է, որ այդ հավանականությունը գերազանցի 50 տոկոսը, իսկ դատելի կունենա միայն այն դեպքում, երբ դուք ոչ միայն կարդաք իմ խոսքերը, այլ նաև դրանք կիրառեք ձեր կյանքում:

Ռումբեր չեն պայթում, բայց մարդիկ կարծես մահանում են ոմբակոծությունից: Եվ, որ ավելի վատ է, մահանում են նրանց հոգիները: Մահանում են հանդարտ և անիմաստ: Երկիրը չի բռնագավթված, բայց մարդիկ ենթարկվում են ամենադաժան կտտանքների այն թշնամու կողմից, որը թաքնված է յուրաքանչյուրի տանը՝ մարդկային գիտակցության մուտք անկյուններում:

Ես այսօր եկա Ռուսաստանի մարդկանց հետ լուրջ խոսակցություն վարելու համար: Եվ ես հավատում եմ այդ երկրի մեծ ապագային:

Միշտ էլ ամենամուտք գիշերվան փոխարինել է լուսաբացը: Եվ ես հուսով եմ, որ աստվածային գիտակցության լուսաբացը դեռևս հասանելի կլինի Ռուսաստանի մարդկանց համար:

*ԵՍ ԵՄ՝ Նիկոլայ Ռեբիխը*

## ՎԵՀԱՊԵՏ ՍԵՆ ԺԵՐՄԵՆ

9 հունիսի, 2010 թ.

### ՈՍԿԵԴԱՐԸ ՊԵՏՔ Է ՎԵՐ ՀԱՌՆԻ ՆԱԽ ԵՎ ԱՌԱՋ ՁԵՐ ԷՌՈՒԹՅԱՆ ԽՈՐՔՈՒՄ

ԵՄ ԵՄ ՍԵՆ ԺԵՐՄԵՆ...

Մեր վերջին հանդիպումից հետո այնքան էլ քիչ ժամանակ չի անցել: Եվ, ինչ էք կարծում, ինչո՞վ էի ես զբաղված ողջ այդ ընթացքում: Ուշադրությամբ հետևում էի, թե ձեզնից ո՞վ քաջություն կդրսևորի, որպեսզի մոտենա և ոսկե սկուտեղի վրայից վերցնի ընձեռված աստվածային հնարավորությունը:

Հիշեցնեմ, որ մենք խոսում էինք Ոսկեդարի կառուցման մասին\*: Եվ ասացինք, որ պահանջվում են խիզախ ու նպատակապես մարդիկ, որպեսզի իրենց վրա վերցնեն Վեհապետների մտահղացման իրականացման գործը:

Եվ ես հիմա չեմ կարողանում ծիծաղս զսպել, երբ հիշում եմ, թե ինչեր տեսա այս ընթացքում: Իրոք, ռուս մարդկանց մտածելակերպն ու մենտալիտետը շատ խիստ տարբերվում է ամերիկյանից: Բնչ նախաձեռնեցին ռուսները, ձեռնամուխ եղան համայնքներ ստեղծելու գործին և այս ու այնտեղ սկսեցին շենքեր ու բնակատեղիներ կառուցել:

Արևմուտքում ոչ մեկը նման ձևով գործ չէր նախաձեռնի: Դուք նույնիսկ չմտածեցիք էլ, թե այդ ամենն ինչպե՞ս պետք է աշխատի: Պլան չկազմեցիք:

Եվ ինչպե՞ս էք մտադիր գործել Համբարձյալ Վեհապետների առաջնորդությամբ, որպեսզի ի կատար ածեք նրանց պլանները, եթե նույնիսկ հարկ չհամարեցիք ուշադրություն դարձնել այն գլխավոր պայմանին, որը դրված է ձեր և աստվածային հնարավորության միջև: Այն է՝ անցնել անհրաժեշտ թեստերով, որպեսզի վստահ լինեք, որ գործում էք Վեհապետների համար, ծառայում էք Վեհապետներին, այլ ոչ թե ձեր էգոյի ինչ-որ քմայքներին ու հետաքրքրություններին:

Ոչ ոք լրջորեն չմտածեց այն հարցի շուրջ, թե ինչպե՞ս է հնարավոր կյանքի կոչել Վեհապետների պլանները՝ առանց ունենալու Նրանց վստահության քվեն:

Հավատացե՛ք ինձ և իմ փորձին. դուք հաջողության չէք հասնի, քանի դեռ համահունչ չէք դառնա Աստծո Աշխարհի հետ: Հարկ չկա, որ Ոսկեդարը կառուցեք ձեզնից դուրս: Ոսկեդարը պետք է վեր հաննի նախ և առաջ ձեր ներսում՝ ձեր էության

խորքում: Իսկ դրա համար հարկ է, որ փոխեք ձեր գիտակցությունը և ձեր ներքին էությունը: Եվ այն, ինչ արտաքին աշխարհում է՝ ձեզնից դուրս, հնազանդորեն կնմանվի ձեր ներսի եղածին:

Որքան ենք մենք Ուսմունք տվել այն մասին, որ աշխարհը պարզապես ձեր գիտակցության արտացոլանքն է: Եվ ամեն անգամ, երբ ինչ-որ բան էք նախաձեռնում, դուք իսպառ մոռանում էք այդ պարզ ճշմարտությունը:

Մեզ իրոք ոգու ասպետներ են պետք՝ գործիչներ, որոնք պատրաստ են իրենց կյանքը նվիրաբերելու Երկրի մարդկությանն ու Մեծ Սպիտակ Եղբայրությանը ծառայելուն: Բայց ինչից եզրակացրիք, որ հարկավոր է կառուցել որոշակի քանակությամբ շենքեր ու ավաններ: Մի՞ մտածեք արտաքինի մասին: Մտածեք ձեր հոգու որակներին մասին: Արտաքինն ինքն իրեն կլինի, եթե ձեր ներսում ոսկու բնակատեղիներ չողջողան՝ ձեր աուրան գունազարդելով ոսկեգույնի պայծառությամբ:

Մենք գալիս ենք Ուսմունք տալու, հետո ուշադիր հետևում ենք, թե ինչպես էք դուք այն կիրառում գործնական կյանքում: Եվ երբեմն այն տպավորությունն է ստեղծվում, թե ավելի լավ կլինե՞ր՝ ոչինչ չանելիք, քան թե անելիք այնպես, ինչպես սովորաբար անում էք: Ներքին և արտաքին աշխատանքների միջև պետք է գտնվի ոսկե միջինը: Բայց ամեն դեպքում ներքին աշխատանքին պետք է նախապատվություն տրվի: Մի՞թե ձեզ համար հերիք չեղավ սոցիալիստական փորձը: Երևի որոշեցիք, որ հիմա էլ է պետք այնպիսի բաներ կառուցել, ինչպես այն ժամանակներում էր՝ գետեր շուտ տալ հակառակ ուղղությամբ, բերնեբերան լցնել պետական շտեմարանները կամ կառուցել արդյունաբերական հսկաներ:

Պետք չէ արժեզրկել մեծ գաղափարը: Կանգ առեք և մտորեք: Նախ և առաջ հարկ է, որ նստեք դասասեղանի առջև և սերտեք Աստծո Օրենքի հիմունքները: Հարկ է, որ մուտք գործեք Համբարձյալ Վեհապետների մենաստանները և անցնեք ողջ ուսուցման դասընթացը: Հարկ է, որ նախապես հրաժեշտ տաք ձեր տգիտությանը և հեշտ հաղթանակի հասնելու հավակնությանը:

Ոսկեդարը կառուցողները դուք չեք: Վեհապետներն են կառուցելու Ոսկեդարը: Իսկ դուք միայն

\* Տես՝ 2010 թ.-ի հունվարի 10-ի ուղերձը

ոսք ու ձեռք եք ծառայելու Վեհապետների համար: Եվ ձեր շինարարության արդյունքը նախ պետք է երևա այնպիսի բարեմասնությունների ձեռքբերման տեսքով, ինչպիսիք են հնագանդությունը, խոնարհությունը, նպատակապայացությունը:

Ձեզ դժուր է գալիս առաջինը լինելու գաղափարը: Հրաշալի է: Ապացուցեք, որ ներքուստ պատրաստ եք այդ դերի համար: Հեռու վանեք ձեզնից գառամ եսասիրությունը: Համահունչ եղեք Վեհապետների հետ: Դե, թեկուզ նախ պայմանավորվեք մեր դեսպանորդի հետ: Հետաքրքիր է, որ հատկապես մեր անհաջողակ աշակերտներից շատերը նետովեցին զբաղվելու համայնքային շինարարության գործով: Ձեզ ոչ թե կառուցել է պետք, այլ նորից նստել առաջին դասարանցու դասասեղանի առջև, որովհետև դեռ չեք յուրացրել Համայնքի հիմունքները: Իսկ ձեր հասկացած համայնքը ոչ մի բանի պետք չէ: Ես ձեր աշխատանքը երկուսից հանած եմ գնահատում...

Մոցիայիստական ժամանակների շատ շինարարներ անհամեմատ ձեզնից առաջ էին իրենց գիտակցությամբ: Քանզի նրանք իրոք աշխատում էին ի շահ Ընդհանուր Բարօրության և ամբողջովին նվիրված էին գաղափարին: Իսկ դուք նվիրվել եք ձեր էգոյին և զբաղված եք նրա հետաքրքրությունները բավարարելով:

Ինչպես տեսնում եք, բոլոր ժամանակներում էլ եղել են հոգևոր նվաճումների հասած մարդիկ, նույնիսկ այն ժամանակներում, որոնք ընդունված է նույնացնել անաստվածության հետ:

Ցանկացած պայմաններ, ցանկացած հասարակարգ և ցանկացած հանգամանքներ Աստված օգտագործում է, որպեսզի դուք կարողանաք զարգանալ: Որպեսզի ձեր հոգիները կարողանան զարգանալ: Եվ ձեր օրերում նույնպես դուք կարող եք լիովին դրսևորել ասպետական հատկանիշներ: Ու՛ր են այն իսկական ասպետները, որոնք պատ-

րաստ էին հանուն իրենց սիրեցյալի զոհաբերելու սեփական կյանքը: Միայն թե մի ասեք ինձ, թե ժամանակները փոխվել են: Ասպետական ոգին՝ հանուն հայրենիքի կյանքը զոհաբերելու ունակությունը, երբեք չի վերացել: Արիություն, քաջություն, խիզախություն, անվեհերություն, հավատարմություն, պատիվ և արժանապատվություն. ինչո՞ւ եք մոռացության մատնում հոգու այս հատկանիշները:

Հարկ կլինի, որ մանրագին կերպով քրքրեք և գտնեք ձեր հոգում այդ հատկանիշները, քանի որ դրանք ձեզ անպայման պետք կգան մոտակա ժամանակներում:

Իսկ անցյալի ասպետական մենամարտերը լիովին կարող են փոխարինվել մեծագույն ձեռնադրյալների աշխատանքների իմացության մրցումներով: Ո՛չ այն ձեռնադրյալների, որոնք իրենք են իրենց այդպիսին համարում և հանուն փողի սեմինարներ կազմակերպում, այլ Նրանց, որոնց անունները հավերժացված են պատմության մեջ՝ Պյութագորաս, Օրիգեն, Կոնֆուցիոս, Սոկրատես, Լաո Յզի, Բլավատսկայա... Առանց գիտելիքի սրին տիրապետելու, առանց ձեր էգոյի ձիուն սանձահարելու՝ դուք չեք կարողանա դառնալ բոլոր ժամանակների Խոսքի ասպետ:

Մի վախեցեք անհաջողությունից, մի վախեցեք սխալվելուց: Հետևեք մեր ցուցումներին. բոլոր ուղենիշներն առկա են ուղու վրա, նշված են Ուղու բոլոր ոլորանները և վտանգավոր հատվածները:

Միայն կատարյալ անշտրիքներն ու ծուլերը չեն կարողանա հաղթահարել ակնկալվող խնդիրները:

Ո՛վ ոգու ասպետներ, զբաղվեք արժանավայել գործերով, այլ ոչ թե պատկեք բազմոցին և հեռուստացույց դիտեք: Վեր կացեք ձեր տեղից և գոնե մի երկու քայլ արեք մեր մատնանշած ուղղությամբ...

*ԵՍ ԵՄ ՍԵՆ ԺԵՐՄԵՆԸ*

## ՀԱՌԻԹԱՄԱ ԲՈՒԴԴԱ

10 հունիսի, 2010 թ.

### ԶՐՈՒՅՑ ԲՆԱՎՈՐՈՒԹՅԱՆ ՈՐՈՇ ԲԱՑԱՍԱԿԱՆ ԳԾԵՐԻ ՀԱՂԹԱՀԱՐՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

ԵՍ ԵՄ Հառիթամա Բուդդան:

Ուրախ եմ մեր նոր հանդիպման առիթով... Այսօր կուզենայի կանգ առնել ձեր հոգեբանության որոշ խնդիրների վրա, որոնք կարող են խոչընդոտել հոգևոր ուղով ձեր առաջընթացը: Եվ հատկապես ես կուզենայի իմ գրույցում հատուկ առանձնացնել Ռուսաստանի բնակիչների վարքի հոգեբանական որոշակի առանձնահատկությունները, քանզի, այնուամենայնիվ, ապագայի մեր հույսերը կապում ենք այդ երկրի հետ:

Եվ այսպես, կան ազգային բնավորության որոշ գծեր, որոնք խոչընդոտ են հանդիսանում հոգևոր ուղու վրա: Ահա դրանցից մեկը՝ ցանկացած հաջող սկիզբը ձայնողելու անհաղթահարելի ցանկությունը: Կարծես դեն ամեն ինչ խառնշտորում է, երբ հանկարծ ինչ-որ լուսավոր բան է տեղի ունենում: Անմիջապես հայտնվում են այդ լուսավորը սևացնելու և մթագնելու սիրահարները: Եվ նման բան մշտապես տեղի է ունենում ոչ միայն Ռուսաստանում, այլ նաև երկրագնդի այս կամ այն վայրում: Ձեզ ծանոթ է այն, ինչի մասին խոսում եմ: Եկեք կյանքից կոնկրետ օրինակ բերենք: Ենթադրենք, թե ձեր ծանոթը կամ հարևանը հասարակական կարևորություն ունեցող ինչ-որ գործ է անում: Ասենք՝ բարեկարգում է տարածքը, ծառեր է տնկում, նստարաններ է տեղադրում: Կարծում եք՝ նրա գործն արժանանում է համընդհանուր հավանության: Բոլորովին ո՛չ: Անմիջապես հայտնվում են նրանք, ովքեր տնկիները փչացնում են ու ջարդում նստարանները:

Նման արարքների պատճառները թաքնված են աուրայի էներգիաներում և մաքրագործում են պահանջում: Հենց այդ էներգիաներն են ենթագիտակցական խառնակիչների դեր կատարել ռուսական շատ խոռվությունների ու հեղափոխությունների ժամանակ: Եվ այդ էներգիաներն այնպիսի խոր արմատներ են ձգել ազգի ենթագիտակցության մեջ, որ այդ կարմայական կծիկը հնարավոր է քանդել միայն ողջ աշխարհի ուժերով:

Եվ հիմա, երբ տարբերակում է ընթանում, հասարակությունը շերտավորվում է ունևորների և չունևորների, այդ էներգիան նորից սկսում է գլուխ բարձրացնել: Թեև խոռվություններ չկան, բայց տնկիների ու նստարանների օրինակը շատ բնու-

րոշ է ներկայի համար: Եվ դա ցույց է տալիս, որ ազգի այդ չբեռնաթափված էներգիաները շարունակում են իրենց ավերիչ գործողությունը: Մեծագույն մասով՝ մտքերի ու զգացմունքների ոլորտում: Այժմ խնդիրն այդ բացասական էներգիաների հաղթահարումն է:

Բերեմ կյանքից ևս մեկ օրինակ: Ձեր հարևանը նոր մեքենա է գնել կամ վերանորոգել է իր բնակարանը: 100-ից 90 տոկոսի դեպքում կողքից արձագանքը բացասական է լինում: Ձեր մեջ գլուխ է բարձրացնում նախանձը կամ որևէ այլ բացասական զգացմունք:

Հենց այդ չարացածությունն ու նախանձն են ընկած ձեր ու այն հրաշալի ապագայի միջև, որի մասին ասում են Վեհապետները, իրավիճակին հարմարվել չկամենալն ու ամեն մի լուսավոր ու դրական բանի ծիլերը ոտնատակ տալու ցանկությունը, որտեղ էլ դրանք երևալու լինեն: Դուք երբեք երջանիկ չեք լինի և կյանքից բավարարություն չեք ստանա, քանի դեռ ձեր հաշիվները չեք փակել այդ բացասական էներգիաների հետ: Դա մեկն է այն հիմնական Ուսմունքներից, որոնք ես տվել եմ Հառիթամա Բուդդա եղածս ժամանակ: Դուք պետք է ուրախանաք ուրիշ մարդկանց ձեռք բերումներով: Պետք է անկեղծորեն ուրախանաք: Այդ դեպքում դուք կկարողանաք ձեռք բերել այն մարդկանց բարեմասնությունները, որոնք արարում են՝ ի հեճուկս պատրանքի դիմադրության: Եվ եթե մի արդար արարքը դրական արձագանք գտնի տասը մարդու սրտում, ապա այն տասնապատիկ կշատանա:

Իսկ ձեր դեպքում՝ դուք ձեր բացասական արձագանքով ի չիք եք դարձնում մարդկանց հոգու ամենահրաշալի պոռթկումները: Եվ ամենատարածված արտահայտությունը հետևյալն է լինում. «Դու, ինչ է, բոլորից շատ ես ուզում ունենալ»:

Իսկ ճիշտ արտահայտությունը, որը պետք է հնչի ձեր շուրթերից, հետևյալը պետք է լինի. «Շնորհակալ եմ քո ջանքերի համար, որոնք ուղղված են բարիքը շատացնելուն»:

Շատերի լեզուն պարզապես չի պտուլի նման արտահայտություն արտաբերելու համար: Հիմա դուք համարյա թե ֆիզիկապես պետք է զգաք ձեր մեջ այդ էներգիայի առկայությունը, որն ամենից

առաջ արգելակում է հենց Ուղով ձեր անձնական առաջընթացը:

Կա և այդ բացասական հատկանիշի մյուս կողմը, որը մոլորեցնում է մարդկանց և կաշկանդում նրանց ամենալուսավոր մղումները: Դա ձեռք բերվող փողերը ծախսելու անհագ ցանկությունն է: Դուք աչ ու ձախ փողեր եք շաղ տալիս, որպեսզի ստանաք ամենաաներևակայելի բաներն ու հաճույքները: Դրամն Աստծո էներգիայի փոխարժեքն է ձեր աշխարհում: Եվ այն մարդիկ, որոնց տնօրինմանն է հանձնվում դրամական մեծ էներգիա, մեծ թեստ են անցնում՝ այդ էներգիան խելամիտ օգտագործելու առումով: Եվ եթե գոնե մի ակնթարթ մտորեք այն մասին, թե որքան կարմա եք ստեղծում դրամական էներգիայի անիմաստ ծախսումով, նաև այն մասին, որ այդ կարման անխուսափելիորեն այս կամ հաջորդ մարմնավորման ընթացքում վերադառնալու է ձեզ աղքատության, չքավորության և անօթևանության տեսքով, ապա հնարավոր է, որ ավելի մտածված ձևով վերաբերվեք Աստծո էներգիային ընդհանրապես և դրամական էներգիային՝ մասնավորապես:

Եթե թերահավատությամբ եք վերաբերվում վերամարմնավորումների ուսմունքին և քիչ եք մտահոգված հաջորդ մարմնավորմամբ, ապա գոնե մտածեք ձեր երեխաների ու թոռների մասին, որոնք իրենց վրա են վերցնում ձեր անզուսպ վատնումների կարմայի մի մասը և արդեն տառապում հենց այս կյանքում՝ կրելով զանազան տկարություններ ու կապվածություններ:

Եթե ձեր տրամադրության տակ հայտնվում են դրամական միջոցներ, ապա դրանից չի հետևում, որ դրանք պետք է ծախսեք հաճույքների ու ժամանցների վրա: Աստված ձեզ միաժամանակ հնարավորություն է տալիս ճիշտ տնօրինելու ձեր փողերը: Արդ, համակշռեք ձեր կարման և ձերբազատվեք անցյալի մարմնավորումների կարմայից: Այն է՝ ձեր դրամական էներգիան պետք է հատկացնեք Համընդհանուր Բարօրությանը: Քանզի դրամական փորձությունը հնարավոր է հաղթա-

հարել՝ միայն խելամիտ ձևով ծախսելով դրամը: Այդ դեպքում հին կարման բեռնաթափվում է, և չի ստեղծվում նորը:

Նորից դիմում եմ այն մարդկանց, որոնք նախանձ կամ այլ բացասական հույզեր են ապրում ուրիշների ունեցածից: Որպեսզի հաղթահարվի այն պատնեշը, որն ընկած է ընթացիկ պահի և ձեր հետագա լիառատ կյանքի միջև, պետք է հաղթահարեք ձեր մեջ առկա բացասական էներգիաները, համակերպվեք ստեղծված իրադրության հետ և կարողանաք ուրախանալ ուրիշի ձեռքբերումով:

Շատ լավ եմ հասկանում, որ խորհուրդ տալն ավելի հեշտ է, քան այն կյանքի կոչելը: Սակայն ձեր անցյալի կարմայի բեռնաթափման անհրաժեշտությունը որոշակի պայմաններ է թելադրում, որոնք պետք է պահապանեք, որպեսզի անցնեք կարմայի զագաթնակետից: Այլապես տեղի կունենա այն, ինչ տեղի է ունենում, երբ տիրապետող է դառնում անմտությունը. դուք անխուսափելիորեն ձեզ կմոտեցնեք հերթական արհավիրքը և կարման կբեռնաթափեք արագացված ռեժիմով:

Մենք ձեզ ուսուցանում ենք ավելի հեշտ և անվտանգ ուղին: Սակայն, չգիտես ինչու, դուք այն անընդունելի եք համարում: Եվ բնավորության որոշ գծեր չեք կարողանում հաղթահարել նույնիսկ համամոլորակային աղետի վտանգի առկայության դեպքում: Ձեզ թվում է, թե համենայն դեպս այս մարմնավորման ընթացքում դա ձեզ չի սպառնա:

Ես խորհուրդ կտայի, որ լայնացնեիք ձեր ընկալումների շրջանակները և ձեր գիտակցությամբ դուրս գայիք մեկ մարմնավորման սահմաններից: Այդ դեպքում ձեզ համար ավելի հեշտ կլինի կշռադատված որոշումներ կայացնելը, որպեսզի բեռնաթափեք հին կարման և չստեղծեք նորը:

Ես ուրախ կլինեմ, եթե այսօրվա իմ գրույցն օգտակար լինի ձեր հոգիների զարգացման համար:

*ԵՍ ԵՄ Հառութամա Բուդդան*

## ԵՐՁԱՆԻԿ ԿՅԱՆՔԻ ՈՂՋ ՄԵԽԱՆԻԶՄԸ ԴՐՎԱԾ Է ՁԵՐ ՆԵՐՍՈՒՄ

ԵՍ ԵՄ Մայր Մարիամը՝ այսօր կրկին ձեզ այցի եկածը:

Ձեզնից շատերն այսօրվա մեր հանդիպումը երկար կհիշեն: Քանզի ձեր արտաքին գիտակցության համար կասեմ մի բան, որը ձեզ հնարավորություն կտա հիշելու իմ Մենաստանում ինձ հետ ունեցած ձեր հանդիպումները:

Շատերը ձեզնից, հատկապես նրանք, ովքեր առանձնահատուկ հոգեհարազատություն են զգում իմ նկատմամբ և կարդում իմ Վարդարանները, գիշերային քնի ընթացքում այցելում են իմ Մենաստանը: Եվ ես հնարավորություն եմ ունենում գրուցելու ձեզ հետ: Թեև արթնանալուց հետո դուք մոռանում եք մեր գրույցները, այնուամենայնիվ դրանք այս դժվար ժամանակներում զգալիորեն օժանդակում են ձեր հոգուն:

Շատերիդ հոգիները չեն դիմանում այն ամենին, ինչ տեղի է ունենում ձեզ շրջապատող կյանքում: Եվ, գալով ինձ մոտ, դուք սովորաբար տրտնջում եք ձեր կյանքից և խնդրում, որ ձեզ հանեն մարմնավորումից: Շատ ու շատ հոգիներ՝ ամենապուստավորներն ու մաքուրները, ոչ մի կերպ չեն կարողանում հարմարվել ֆիզիկական ոլորտում տիրող իրականությանը, և նրանց հոգիները նմանվում են ցեխի մեջ ռտատակ ընկած վարդերի: Եվ ամեն գիշեր, երբ ես հնարավորություն եմ ունենում հանդիպելու ձեզ, հարթեցնում եմ ձեր թերթիկները և լվանում դրանք իմ արցունքներով:

Ես շատ լավ եմ հասկանում ձեր դրությունը: Սակայն, սիրելիներս, ձեր աշխարհի վիճակն այժմ այնպիսին է, որ լավագույն հոգիներն այդտեղ իրենց ճնշված են զգում և չեն ուզում ապրել: Մինչդեռ այն մարդիկ, որոնք աչքի չեն ընկնում մեծ բարեմասնություններով, այդտեղ իրենց հրաշալի են զգում:

Պաշտելիներս, ձեր հոգիներն իրենց վրա ծանր բեռ են վերցրել՝ մարմին առնելով Երկրի համար այս բարդ ժամանակներում: Եվ ես միայն կարող եմ հիշեցնել ձեզ այդ մասին, մխիթարանքի խոսքեր ասել և սրբել ձեր արցունքները: Բայց ձեզ վիճակված է շարունակել ձեր առաքելությունները: Ձեզնից յուրաքանչյուրը շատ թանկ է իմ սրտին, և ինձ հետ ունեցած այդ հատուկ կապը միշտ ձեզ օգնության կհասնի այն պահերին, երբ ձեզ կթվա, թե այլևս ուժ ու հնարավորություն չունեք դիմանալու ձեր շուրջը տիրող կոպտությանն ու տգիտությանը:

Ձեր կյանքի ամենադժվար պահերին ձեր մեջ ուժ գտեք, որպեսզի մտնեք ինձ հետ մտավոր հարողակցության մեջ: Պարզապես մտածեք իմ մասին, և ես կկարողանամ ներկա լինել ձեր կողքին ու թեթևացնել ձեր բեռը: Եվ թեթևանալով դուք կկարողանաք շարունակել ձեր կյանքն ու մինչև վերջ իրականացնել ձեր Սպասավորությունը:

Ձեր Սպասավորության մեջ տեղ ունի և այն, որ լսեք շրջապատի մարդկանց քննադատող, դիմանաք ձեր շուրջը տիրող կոպտությանը: Սակայն, պաշտելիներս, չարժե, որ սկսեք դատապարտել: Ես և իմ քույր Գուան Ինը ձեզ ուսուցանում ենք, որ կարենկացանքով վերաբերվեք այն մարդկանց հոգիներին, որոնք գտնվում են պատրանքի իշխանության տակ: Գեղեցիկի նկատմամբ այն անհագ կարոտը, որն առկա է շատ մարդկանց հոգիներում, բայց համապատասխան նմուշներ չի գտնում շրջապատող աշխարհում, հանգեցնում է ներքին ավերածության և վերածվում խռովքի, որն արտահայտվում է վնասակար սովորություններով. և դա այլ բան չէ, քան ինքնակործանման ճգոտում:

Ձեզ բոլորիդ չի հերիքում սերն ու ներդաշնակությունը: Ինչ-որ ժամանակ ձեր արարքներով դուք վատ կարմա եք ստեղծել և հիմա վայելում եք դրանց պտուղները: Պաշտելիներս, եթե դուք հիմա լսում եք ինձ, եթե իմ խոսքերը ձեր հոգում արձագանք են գտնում, ապա խնդրում եմ, հիշեք, որ ձեզ բաժին հասած ողջ ծանրությունն ինքներդ եք ստեղծել անցյալի ձեր սխալ արարքներով: Ուստի ես չեմ հոգնում ձեզ հիշեցնելուց զոջման և այն մասին, որ ընդունեք անցյալի ձեր մեղքերն ու սխալ արարքները:

Հենց որ ներքուստ ընդունեք, որ ձեր շուրջը տեղի ունեցող ամեն ինչը ձեր իսկ ստեղծածն է, դուք կկանգնեք միակ ճշմարիտ ուղու վրա: Եվ եթե հաստատակամորեն ընթանաք այդ ուղով, ապա այն ձեզ դուրս կհանի կյանքից դժգոհելու և ապրել չցանկանալու փակուղային վիճակից: Դուք կզգաք տարբերությունը ձեզ շրջապատող կյանքի և Աստծո պատգամած կյանքի միջև: Ձեր շրջապատում դուք կկարողանաք գտնել այն գեղեցիկը, որը կյանքում առկա է, բայց վրիպում է ձեր հայացքից, քանի որ մշտապես մղվում եք այն ուղղությամբ, որը ցուցանում են լրատվության զանգվածային միջոցները:

Մենք չենք կարող նույնքան բարձրագույն լինել, որքան ձեր լրատվության զանգվածային միջոց-

ներն են: Մեր ձայները նման են խոտի սոսափյունի և առվի հանդարտ խոխոջյունի, ուստի անհրաժեշտ է, որ ձեր ներքին ընկալումը համալարեք մեր այլքի հետ: Եվ այնժամ մենք կկարողանանք մերձենալ իրար: Եվ դուք կրկին ձեռք կբերեք կյանքի ուրախությունն ու ձեր գոյության իմաստը: Երբ ձեր հոգին լցված է լինում Աստծո էներգիայով, դուք ձեզ երջանիկ եք զգում, քանի որ Աստծո էներգիան ունակ է ձեր թրթիռները հասցնելու ձեզ համար հնարավոր ամենահրաշալի վիճակներին՝ հրճվանքի, սիրո, ներքին ներդաշնակության ու անդորրի:

Ցավոք, ձեր աշխարհի երևույթների մեծ մասն ուղղված են հատկապես այն բանին, որ իջեցնեն ձեր թրթիռները, որի հետևանքով դուք զրկվում եք Աստծո Աշխարհի հետ համահնչունությունից և դառնում ասպերջանիկ:

Ես անում եմ ինձնից կախված ամեն ինչ, որ ձեզ հիշեցնեն աշխարհի հրաշագեղության մասին: Աշխարհի ձեր ընկալումը փոխվում է՝ այն բանից կախված, թե համահունչ եք արդյոք Աստծո Աշխարհի հետ, թե՛ կտրված եք Աստծո Աշխարհից:

Ձեր շրջապատում շատ բաներ կան, որ կարող են իջեցնել ձեր թրթիռները, և դուք ասպերջանիկ եք դառնում միայն այն բանի պատճառով, որ ինքներդ ձեզ շրջապատել եք սխալ, ոչ աստվածային կերպերով:

Իհարկե, Աստծո Աշխարհի հետ ձեր համահնչունությունը դրսևորվում է ձեր ներսում՝ ձեր սրտերում: Սակայն դուք պետք է հոգ տանեք, որ ձեր այդ համահնչությունը չխափանվի ձեր աշխարհի անորակ դրսևորումների պատճառով: Ես հասկանում եմ, որ շատ դժվար է ապրել աշխարհում և չկրել դրա ազդեցությունը: Բայց եթե ձեր սրտերում նախընտրում եք համահունչ մնալ Աստծո Աշխարհի հետ, ապա ունակ եք դառնում

աստիճանաբար փոխելու ձեզ շրջապատող իրականությունը՝ քայլ առ քայլ, մեկը մյուսի հետևից վերացնելով ցածրորակ դրսևորումները:

Ամեն ինչը, պաշտելիներս, իր առանձնահատուկ թրթռանքն ունի: Ամենայն ինչ թրթռանք է: Ձեր սնունդն օժտված է որոշակի թրթռանքով, ձեր երաժշտությունն օժտված է որոշակի թրթռանքով: Որոշակի թրթռանքով են օժտված ձեր քաղաքների ճարտարապետությունը, ձեր ամենօրյա գործածության իրեղենն ու առարկաները: Իրերի մի մասը դրական թրթռանք ունեն, մյուսները՝ բացասական: Եվ երբեմն ընդամենը մեկ աններդաշնակ իրը կարող է ձեզ զրկել հոգեկան հանգստությունից ու ներդաշնակությունից:

Որքան առանձնահատուկ զգույշ պիտի լինեք, երբ ձեզ ենթարկում եք անընդհատ միացված հեռուստացույցի և ռադիոընդունիչի ազդեցությանը: Դուք մշտապես ձեզ ենթարկում եք կասկածելի բնույթ ունեցող սնունդների ազդեցությանը, որի հետևանքով երկար ժամանակով կորցնում եք գիտակցության աստվածային վիճակ ապրելու, Աստծո Աշխարհի հետ համահունչ լինելու հնարավորությունը: Իմ ասածներն այնքան բնական բաներ են, որ ես տարակուսում եմ, երբ տեսնում եմ, որ ինձ լսելուց, նույնիսկ ինձ հետ համաձայնելուց հետո, հենց որ ավարտում եք իմ ուղերձի ընթերցումը, անմիջապես նորից անցնում եք ձեր հին կենսակերպին:

Հարկ է, որ հավատարիմ մնաք մեր հանձնարարականներին, և այդ դեպքում ստիպված չեք լինի իմ Մենաստանում արցունքներ հեղելու և կյանքից դժգոհելու:

Երջանիկ կյանքի ողջ մեխանիզմը դրված է ձեր ներսում: Ինչո՞ւ չեք օգտվում դրանից:

*ԵՍ ԵՄ Մայր Մարիամը, ձեզ հետ եղա այսօր*

## ՎԵՀԱՊԵՏ ԿՈՒԹՇՈՒՄԻ

12 հունիսի, 2010 թ.

### ՈՒՍՄՈՒՆՔ ԹՐԹՈՒԱՆՔՆԵՐԻ ԵՎ ԱՅՆ ԱՄԵՆԻ ՓՈԽԿԱՊԱԿՑՎԱԾՈՒԹՅԱՆ ՄԱՍԻՆ, ԻՆՉ ԳՈՅՈՒԹՅՈՒՆ ՈՒՆԻ ԵՐԿՐԻ ՎՐԱ

ԵՍ ԵՄ Կոթեումին:

Հույս ունեն, որ մեր այսօրվա գրույցը ճանաչողական նշանակություն կունենա ձեզ համար և կստիպի ձեզ այլ կերպ նայել այն բաներին, որոնք սովոր եք տեսնել ձեր շուրջը: Ես կաշխատեմ ձեզ

տալ մի հայեցակետ, որն առավելագույնս մոտ կլինի Համբարձյալ Վեհապետների այն հայեցակետին, որը վերաբերում է ձեզ շրջապատող ամեն ինչին և աշխարհի ընթացիկ իրավիճակին:

Զգում եմ, որ շարժեցի ձեր հետաքրքրասիրու-

թյունը: Մեր շատ ուղերձներում մենք մշտապես խոսում ենք թրթիռների և դրանց բարձրացման անհրաժեշտության մասին: Այդ վերացական հասկացությունն ունի իր լիովին կոնկրետ դրսևորումը ֆիզիկական աշխարհում: Եվ եթե ջանայիք աչքի ընկնել ավելի շատ հետաքրքրասիրությամբ, ապա կհայտնաբերեիք, որ ձեր աշխարհիկ գիտության տվյալներով արդեն իսկ բացահայտված է թրթիռների բարձրացման երևույթը: Եվ եթե գիտական հետազոտությունների արդյունքները լայնորեն լուսաբանված լինեին, ապա դա անխուսափելիորեն պայթյուն կառաջացներ ձեր գիտակցության մեջ: Դե ինչ, ավելի շատ շարժեցի ձեր հետաքրքրասիրությունը, այնպես չէ...

Ես պնդում եմ, որ աշխարհի շատ գիտնականներ արդեն իրենց տրամադրության տակ ունեն տվյալներ այն մասին, թե ինչպես են մարդու բջջի թրթիռները փոխվում այն կենսակերպի ազդեցության տակ, որով ապրում է տվյալ մարդը: Նաև այն մասին, թե ինչպես են այդ թրթիռներն ազդում մարդու առողջական վիճակի վրա, մասնավորապես՝ նրա հիմնական օրգանների և համակարգերի աշխատանքի վրա:

Ամեն ինչ կարելի է չափել: Եվ ամեն ինչն ունի իր գիտական բացատրությունը: Ես ինքս մասնակցություն եմ ունեցել շատ հայտնագործությունների առաքմանը՝ ձեր աշխարհ՝ աշխատելով կենսաբանների ու կենսաֆիզիկոսների հետ:

Մարմնի բջիջների թրթիռներն իրարից շատ տարբեր են՝ կախված այն բանից, թե մարդն ինչ սնունդ է օգտագործում, ինչ պայմաններում է ապրում, վնասակար սովորություններ ունի, թե ոչ, և նույնիսկ այն բանից, թե հակված է արդյոք տվյալ մարդը լսելու այնպիսի երաժշտություն, որն իր մեջ պարունակում է աններդաշնակ թրթռանքներ: Հենց միայն խոշոր քաղաքում ապրելն արդեն բերում է բջիջների թրթիռների կտրուկ իջեցման: Ուստի, որքան էլ, խոշոր քաղաքում ապրելով, ջանաք անցում կատարել էվոլյուցիոն զարգացման նոր աստիճանի վրա, ձեզ դա չի հաջողվի անել: Քաղաքային ինֆրակառուցվածքն արձակում է ցածրհաճախային գվիոց, որը հարյուրավոր կիլոմետրերով տարածվում է գերհսկա և խոշոր քաղաքների շուրջ, իսկ տասնյակ կիլոմետրերով՝ ավելի փոքր քաղաքների շուրջ:

Ուստի այն հոգևոր նվաճումները, որոնք, իբր, դուք ունեք՝ ապրելով խոշոր քաղաքներում, միայն մեր ժպիտն են շարժում: Պետք է լրիվ անգետ լինեք և հոգևոր գործընթացներից բոլորովին զլուխ չհանեք, որպեսզի համարձակություն ունենաք վկայակոչելու ձեր բարձր հոգևոր զարգացումը՝ միաժամանակ ապրելով որևէ քաղաքում:

Հենց միայն քաղաքում ձեր ապրելն անհնարին է դարձնում ձեր բջիջների թրթիռների աճը նույնիսկ այն դեպքում, եթե ճիշտ կենսակերպ ունեք. չեք ծխում, չեք օգտագործում ալկոհոլ և թմրանյութեր, մասկեր չեք և չեք լսում ոռք երաժշտու-

թյուն: Ձեր աշխարհում ամեն ինչ փոխկապակցված է, և դուք ձեր շրջապատի հետ մեկ միասնական համակարգ եք կազմում: Ուստի ձեր բջիջների թրթիռները չեն կարող ավելի բարձր լինել քաղաքների համար մատչելի առավելագույն սահմանից: Եվ թրթիռների այդ մակարդակը կարելի է չափել:

Այն դեպքում, երբ տեղափոխվում եք բնակվելու ավելի մաքուր վայր, ձեր բջիջների թրթիռները բարձրանում են: Եվ դուք ստանում եք հոգևոր աճի ու առաջընթացի հնարավորություն: Ես նկատի ունեմ ճշմարիտ հոգևոր առաջընթացը:

Այսբանից հետո ձեզ կարող է թվալ, թե հոգևոր աճի հետ կապված ձեր բոլոր ջանքերը, որոնք ձեռնարկում եք՝ ապրելով քաղաքներում, անտեղի են: Անտեղի ոչինչ չի լինում: Իհարկե, դուք չեք կարող ակնթարթորեն հասնել այն թրթիռներին, որոնք բնորոշ են Տիբեթի ճգնակյացներին: Դրան ձեր օրգաններն ու համակարգերը չէին դիմանա: Մակայն աստիճանաբար առաջ ընթանալով հոգևոր ուղով՝ դուք կնկատեք, որ քաղաքում ապրելը ձեզ համար անհնարին է դառնում, և ավելի ու ավելի շատ եք նմանվում ափ նետած ձկան:

Ամեն ինչ կարելի է փոխել, բայց պետք է իմանալ, թե ինչին ձգտել և ինչպես հասնել դրան: Հասարակությունն իր ամբողջության մեջ դեռևս անպատրաստ է ընկալելու այն պարզ ճշմարտությունները, որոնց մասին հիմա խոսում եմ: Ուստի մեզ մնում է միայն սպասել, թե երբ կհասունանաք (կամ չեք հասունանա), որպեսզի անցում կատարեք էվոլյուցիոն զարգացման հաջորդ փուլին:

Պետք է փոխեք ձեր կենսակերպը: Պետք է փոխեք ձեր սովորությունները: Պետք է փոխեք սպառողական վերաբերմունքը բնության նկատմամբ:

Ցածր թրթիռներ ունեցող մարդն իր ներսում ապրելու պայմաններ է ստեղծում միլիոնավոր մակարոյծների համար: Եվ համարյա երկրի ողջ բնակչությունը մարդագլուխ ետում է դրանցով: Հենց դրանից էլ ծագում է ձեր վատ զգացողությունը, ուժերի կորուստն ու ապրել չուզենալը:

Իսկ գիտեք, թե ինչն է ձեր այդ վիճակի պատճառը. ձեր վերաբերմունքը բնության, ամբողջ Կյանքի և այն ամենի նկատմամբ, ինչը ձեզ հետ համատեղ գոյություն ունի Երկրի վրա: Օրենքն իմաստուն է գործում: Երկիր մոլորակի ու բնության նկատմամբ ձեր մակարոյծ վերաբերմունքը ծնունդ է տալիս ձեր օրգանիզմում մակարոյծների բուռն աճին: Եվ ճիշտ այնպես, ինչպես մաքրիչ գործողություններով կարելի է ազատվել ձեր ներսում բույն դրած մակարոյծներից, նույն կերպ էլ Երկիրը ժամանակի ընթացքում ստիպված է լինում զբաղվել մաքրիչ գործողություններով: Եվ չարժե տրտնջալ, երբ հերթական ջրհեղեղը Երկրի երեսից սրբում է այն անհատներին, որոնք չեն ուզում հրաժարվել իրենց գիտակցության մակարոյծ վիճակից:

Էվոլյուցիայի հաջորդ փուլը ենթադրում է խելամիտ համագործակցություն Երկրի և նրա վրա եղած ամեն ինչի հետ: Բայց այն կարման, որը

կուտակվել է բնության նկատմամբ ձեր ունեցած գիշատիչ ու բարբարոսական վերաբերմունքի հետևանքով, դուք ստիպված կլինեք բեռնաթափելու ձեր հիվանդությունների, արհավիրքների և տելխանածին համադեղությունների օգնությամբ:

Կարմայի վերադարձի ծանրությունը կարելի է կարգավորել գիտակցության նոր մակարդակի վրա բարձրանալու միջոցով, որին մասնակից պետք է դառնան համայն Կյանքի հետ իրենց միասնությունը գիտակցելուն ունակ ավելի ու ավելի շատ անհատներ:

Այժմ դուք գտնվում եք կրիտիկական կետում: Եվ արդեն երկրորդ հարյուրամյակն է, ինչ մարդկությունը համակշռություն է պահպանում այդ կետի վրա: Ամեն անգամ մեր միջամտությունն է օգնել, որպեսզի կանխվի իրադարձությունների անբարենպաստ զարգացումը: Սակայն ես այսօր եկա՝ որոշակի նպատակ ունենալով ձեզ տալ բանալիներ, որպեսզի դուք հնարավորինս անցավ կերպով կարողանաք հաղթահարել ճգնաժամը

առաջին հերթին ձեր գիտակցության մեջ: Այլապես ձեզ կվիճակվի ավելի ու ավելի հաճախ նորություններով լսել այն մասին, որ այս ու այնտեղ տեղի է ունեցել հերթական արհավիրքը: Կամ թե այս ու այնտեղ Երկրի երեսից սրբվել են քաղաքներ, իսկ հետո էլ՝ մայրցամաքներ: Ապա դա ձեզ համար սովորական կդառնա, և ձեզ կթվա, թե դա բնական բան է, և այդպես եղել է միշտ:

Մարդկության հիշողությունը շատ կարճ է: Շատերը չեն հիշում նույնիսկ այն, ինչ երեկ է եղել, ո՞ր մնաց, թե խոսենք ավելի երկար ժամանակահատվածների մասին:

Որպեսզի տխուր նոտայով չբաժանվենք իրարից, հնարավոր եմ համարում ձեզ տրամադրել այն բանին, որ հավանականություն կա, որ Երկրի իրադարձությունները բարենպաստ զարգացում կունենան: Բայց այդ հավանականությունը կարող է կյանքի կոչել հենց մարդկությունը:

*ԵՍ ԵՄ Կուլթհուսին*

## ՏԵՐ ՄԱՅՏՐԵՅԱ

*13 հունիսի, 2010 թ.*

### **ԶՐՈՒՅՑ ՊԱՏՐԱՆՔԻ ԱՇԽԱՐՀԻՑ ԵԼՆԵԼՈՒ ԵՎ ԱՍՏԾՈ ԱՇԽԱՐՀ ՄՈՒՏՔ ԳՈՐԾԵԼՈՒ ՄԱՍԻՆ**

ԵՍ ԵՄ Մայտրեյան:

Ես կրկին եկել եմ: Առաջվա պես այսօր ես կուզենայի ձեզ որոշ իմացություն տալ և փոխանցել ձեզ իմ գիտակցության մի մասնիկը: Մենք էներգիաներ ենք փոխանակում և դրա ընթացքում փոխադարձաբար իրար հարստացնում ենք:

Այդ պատճառով է, որ ես գալիս եմ նորից ու նորից: Եվ ամեն անգամ հայացք եմ նետում ձեր աշխարհին:

Երբ ձեր գիտակցությունն ունակ կլինի ընկալելու հավերժական ճշմարտություններ, մենք կկարողանանք հաղորդակցվել անմիջականորեն: Իսկ քանի դեռ ձեր գիտակցությունը զբաղված է պատրանքային բաներով, մենք կարող ենք միայն կարճ ժամանակով իրար ձեռք սեղմել՝ ձեռք մեկնելով աշխարհների միջով:

Ձեր՝ տպավորություններ և մատերիական էներգիաներ ստանալու կիրքը խանգարում է մեր հաղորդակցությանը: Ձեր գիտակցությունը մշտապես կլանված է ձեր աշխարհի այլազան առարկաներով: Չկա ազատություն: Եվ քանի որ ձեր գիտակցությունը գուրկ է ազատությունից, մեր հաղորդակցությունն անհնարին է դառնում: Դուք

բանտի մեջ եք: Եվ այդ բանտը ձեր այն պատրանքն է, որով շրջապատված եք մատերիական աշխարհում: Ձեր գիտակցությունը մշտապես թափառում է պատրանքի թավուտներում: Անգամ մի րոպեով դուք չեք կարողանում կենտրոնանալ մեր աշխարհի վրա: Էլ ինչպե՞ս հասկանանք իրար:

Դուք ձեր գիտակցությամբ կարող եք ինձ մերձենալ միայն այն դեպքում, եթե ձեր չորս ստորին մարմիններից հեռացնեք պատրանքի շղարշները: Եվ դա հենց կնշանակի, որ կանգնել եք Ձեռնադրումների Ուղու վրա և ընթանում եք այդ Ուղով:

Աշխարհի վիճակը հիմա այնպիսին է, որ որպեսզի դուրս պրծնեք պատրանքի ցանցից, պետք է մեծ ջանքեր գործադրեք ձեր մարդկային գիտակցության՝ ձեր մարմնական խելքի, և ձեր ցանկությունների հաղթահարման ուղղությամբ: Ուստի և այդ Ուղին ներկա ժամանակահատվածում շատ ցավազին է դառնում ձեզ համար: Կարծես հարկ է լինում կտրվածք անել կենդանի մարմնի վրա, երբ փորձում եք ձերբազատվել այն ամենից, ինչը ձեր աշխարհում համարվում է պատվարժան ու անհրաժեշտ:

Հազիվ թե իմ այս ուղերձի խոսքերը հասկա-

նալի լինեն ձեզնից շատերի համար, քանի որ մենք տարբեր լեզուներով ենք խոսում: Եվ մենք չենք կարողանա հասկանալ իրար, մինչև ձեր գիտակցությունը լոտոսի ծաղկի պես չբացվի Աստծո այն Ճշմարտության հանդեպ, որի մասին ես խոսում եմ, և որի մասին խոսում են մյուս Համբարձյալ Վեհապետները:

Այն միտքը, որ պետք է հրաժարվեք ձեզ շրջապատող ամեն ինչից, դուք որպես բռնություն եք ընկալում, որպես ինչ-որ անհասկանալի ու կասկածներ հարուցող մի բան:

Այո, անցյալում էլ էր այդպես: Մենք դիմում էինք քչերին, որոնք պատրաստ էին լինում իրենց գիտակցությունը ծովախեցու պես ուղղորդելու դեպի մեր կողմը: Բայց նույնիսկ այդ քչերն էլ դժվարությամբ էին ընկալում մեր ասածները:

Հասկացեք, մենք ձեզ միայն Բարիք, միայն Մեր ենք կամենում՝ այն լավագույնը, որ կարող է լինել: Սակայն մեր ու ձեր բարիքի, սիրո և լավագույնի ընկալումները տարբեր են, որովհետև ձեր աշխարհը շուտ տված աշխարհ է: Եվ այն, ինչ մեզ համար վեհ է ու աստվածային, ձեզ թվում է կասկածելի ու վհատեցուցիչ:

Հենց դրանում է մեր աշխարհների փոխազդեցության դժվարությունը: Եվ գիտակցության փոփոխության հարցը՝ դրա բարձրացումն այնպիսի մակարդակի, որի վրա հնարավոր կդառնար նույն լեզվով խոսելը, ներկայումս հրատապ է ու կարևոր: Եվ դա հենց ձեր ժամանակի գլխավոր խնդիրն է:

Միթե կարծում եք, թե Աստված չի կարողանա հոգավ ձեր մասին, եթե ձեզ լիովին հանձնեք Իրեն: Միթե կարծում եք, թե հոգածու ձեռքերը չեն ապահովի ձեր անվտանգությունը, երբ դուք դեռևս անվստահ քայլերով ընդառաջ գաք Նոր Աշխարհին:

Մարմնավորումից մարմնավորում դուք բախվում եք չափազանց շատ հուսախաբությունների և անհաջողությունների: Եվ այն սպիները, որ կրում եք ձեր հոգիներում, ոչ մի կերպ չեն ամոքվում ու անհետանում: Դա է ձեր Հավատի բացակայության պատճառը: Եվ դրա պատճառով է, որ մեր խոսքերը չեք ընկալում որպես Ճշմարտություն: Դուք չափազանց հաճախ եք վառվել: Եվ երբ եկել է այն ժամանակը, որ պետք է լսեք մեր ձայնը, որը նախկինում էլ եք լսել մեր մարգարեների միջոցով, դուք սկսում եք կասկածներ ունենալ: Դուք ունկնդրում եք, բայց չեք լսում: Կարդում եք ու չեք վստահում: Եվ դա ձեր իրավունքն է:

Կա մի օրենք, որը գործում է պատրանքային աշխարհում: Գործում է անթերի ու անխափան: Այդ օրենքն ասում է, որ ձեզ հետ տեղի է ունենում ճիշտ այն, ինչին հավատում եք և ինչին ձգտում եք: Ուստի և մենք խոսում ենք Հավատի դրակի և Վեհապետների նկատմամբ նվիրվածության դրակի մասին:

Երբ ձեր էության մեջ բռնկվում են Հավատն ու

նվիրվածությունը, դուք կարծես յուրահատուկ մագնիսի եք վերածվում, որը ձգվում է մեր աշխարհի կողմը: Բայց քանի որ այսօր հավատում ու ձգվում եք, իսկ վաղը նորից մղվում դեպի ձեր աշխարհի որևէ առարկայի կողմը կամ կամենում նորից թաղվել պատրանքի մեջ, ապա մենք չենք կարողանում ձեզ դուրս կորզել պատրանքի միջից:

Մեզ պետք է, որ ձեր մղման, Հավատի ու նվիրվածության կրակը վառվի կայուն ու հավասարաչափ բոցով: Այդ դեպքում մենք կկարողանանք ճանաչել ձեզ և միջոցներ ձեռնարկել ձեզ ընդառաջ գալու համար:

Ուստի մենք խոսում ենք աստվածային հատկանիշներ մշակելու անհրաժեշտության մասին: Քանզի դրանք այն զանձերն են, որոնք մշտապես ձերը կլինեն: Իսկ ձեր պատրանքային հրապուրանքները կչքանան պատրանքի աշխարհի հետ մեկտեղ:

Ես գալիս եմ, որպեսզի ճիշտ ուղղություն տամ ձեր մղումներին: Քանի որ պատրանքն անընդհատ ամրապնդում է իր դիրքերը, ձեզնից պահանջվում է, որ կրկնակի և նույնիսկ բազմակի անգամ ուժեղացնեք ձեր աստվածային հատկանիշերը:

Դեռ երբեք այնպես չի եղել, որ մեր աշակերտներն առանց ցավի ու տառապանքի ձերբազատվեն իրենց էգոից: Պայծառացման գործընթացն անխուսափելիորեն ուղեկցվում է ողջ պատրանքայինից մաքրվելու գործընթացով: Իսկ քանի որ ձեր էգոն ձեր իսկ մի մասն է, դուք տառապանք եք կրում՝ կտոր առ կտոր ինքներդ ձեզնից հատելով ձեր էգոյի հատվածները և այրելով ձեր կապվածություններն ու ցանկությունները:

Դա շատ դժվարին ուղի է: Պահանջվում է ներքին բավարար պատճառաբանվածություն և անվերապահ Հավատ, որպեսզի դիմանաք այդ Ուղուն և ընթանաք մինչև վերջ: Միայն եզակիներն են դրան ընդունակ:

Մենք անում ենք ամեն ինչ, որպեսզի հեշտացնենք ձեր անցումը պատրանքի աշխարհից դեպի Աստծո իրական Աշխարհը: Մենք տիտանական ջանքեր ենք գործադրում: Սակայն ձեզ մոտիկ է ձեր աշխարհը, և դուք լսում եք նրա ձայները, զգում նրա ձգող ուժը: Որովհետև մեզ լսելու համար անհրաժեշտ է լոռություն, առանձնացում և կարմայից որոշակի աստիճանի մաքրվածություն:

Ամեն ինչ այնքան վատ չէ, ինչպես թվում է: Քանզի ձեր աշխարհն ավելի ու ավելի անհրապույր է դառնում: Եվ այն հոգիները, որոնք հասունացել են մեր աշխարհ անցում կատարելու համար, ավելի ու ավելի ակնառու են դա զգում:

Ես այսօր խոսեցի ամենագլխավորի՝ պատրանքի աշխարհից դեպի Աստծո Աշխարհ ձեր ելքի մասին: Եվ դա ներկայումս ամենաառաջադեմն է ձեզ համար:

*ԵՍ ԵՄ Մայրերյան*

# ԱԹԵՆԱՍ ՊԱԼԼԱՍ

14 հունիսի, 2010 թ.

## ՄԵՆՔ ԶԵՉ ՅՈՒՅՑ ԵՆՔ ՏԱԼԻՍ ՈՒՂԻՆ, ՈՐԸ ԿՈՉՎԱԾ Է ՓՈԽԵԼՈՒ ՄՈԼՈՐԱԿԻ ԻՐԱԴՐՈՒԹՅՈՒՆԸ

ԵՍ ԵՄ Աթենաս Պալլասը:

Մեր վերջին հանդիպումից հետո որքան արագ անցավ ժամանակը: Եվ ահա նորից Կարմայական Վարչության նիստի նախօրյակն է:

Այդ նիստերը տեղի են ունենում տարեկան երկու անգամ և համապատասխանեցված են ամառային ու ձմեռային արևադարձերի օրերի հետ: Մենք դրանց ընթացքում ամփոփում ենք նախորդ նիստից հետո ընկած ժամանակի համար նախատեսված գործերի արդյունքները և որոշում ապագայի պլանները:

Այս անգամ մենք չենք շտապում ձեզ իրազեկ դարձնել մեր պլաններին: Քանզի որքան էլ փորձեցինք մարդկությանը նախապես հաղորդակից դարձնել փոխհարաբերության գործընթացին, ոչինչ չստացվեց: Ուստի և այսօր մեր պլանների մասին ես ոչինչ չեմ խոսի:

Շատ շուտով ինքներդ ամեն ինչ կտեսնեք: Եվ ես հուսով եմ, որ Մեծ Կենտրոնական Արևը հովանի կլինի մեր պլանների կենսագործմանը:

Մենք խաղաղորոյք դրեցինք իրադարձությունների արագ զարգացման և գիտակցության կայծակնային աճի վրա: Եվ դա հնարավոր բան էր: Բայց այժմ աստեղային հնարավորությունը փոխվել է, և մեր գործողությունները ճշտորեն կհամապատասխանեցվեն նոր իրադարձությանը:

Իսկ այժմ ես կցանկանայի անդրադառնալ այն գործերին, որոնք ձեզ համար ավելի հրատապ են ու հասկանալի: Այն է՝ կուզենայի ձեզ հետ քննարկել մեր համագործակցությունը մի բնագավառում, որն առնչվում է ձեզ շրջապատող բնական միջավայրի նկատմամբ հոգածությանը: Անհրաժեշտ է հրատապ կերպով փոխել մարդկության բռնած ուղղությունը, որն արտահայտվում է բնության նկատմամբ ցուցաբերվող անվերահսկելի ու գիշատիչ վերաբերմունքով: Բնության հետ հարաբերությունների ներդաշնակեցումն ունակ կլինի հանելու մարդկանց կյանքը նոր մակարդակի վրա: Քանզի այն էներգիան, որը գիշատիչ կերպով դուք խլում եք բնությունից, իրականում սփռված է ամենուրեք: Այն հոսում է նաև ձեր միջով: Եվ միայն ձեր գիտակցության ցածր մակարդակի պատճառով է, որ չեք կարողանում օգտվել այդ էներգիայի տեսակներից:

Երբ դուք գալիս եք ներդաշնակ վիճակի և համալարվում բնության ուժերի հետ, նրանք ձեզ հնազանդ են դառնում և կառավարվում ձեր կողմից:

Տեր Հիսուս ցուցադրեց մատերիայում էներ-

գիայի կառավարման հնարավորությունը: Եվ նրա գործած հրաշքները հնարավոր դարձան իր ներքին նվաճումների շնորհիվ:

Իհարկե, ձեր կենսակերպը հեռու է կատարելությունից, և դուք չեք կարող տիրապետել չորս տիեզերական ուժերին, քանի դեռ կարգի չեք բերել ձեր ներսն ու ձեր ողջ շրջապատը:

Հավատացե՛ք ինձ, ձեր մեխանիզմների ու մեքենաների կարիքը չկա, որպեսզի բնական կյանք վարեք աշխարհում: Ամեն ինչը կարելի է կազմակերպել շատ ավելի խելամիտ, ներդաշնակ ու հեշտ:

Եթե բնության հետ փոխազդեցության մեջ մտնելիս չբռնանաք նրա վրա, ապա այն էներգիան, որը դուք ծախսում եք, որպեսզի հաղթահարեք բնական գործընթացները, կվերդառնա ձեզ այնպիսի հայտնագործությունների տեսքով, որոնք կհեշտացնեն ձեր կյանքը:

Անհրաժեշտ է ավելի նրբանկատ լինել այն կյանքի նկատմամբ, որը ձեզ հետ համատեղ գոյություն ունի Երկրի վրա, բայց չի արժանանում ձեր ուշադրությանը: Խոսքս տարրոգիների՝ բնության ոգիների կյանքի մասին է:

Ձեր ողջ գործունեությամբ դուք խանգարում եք նրանց աշխատանքին: Այնինչ պետք է համագործակցե՛ք նրանց հետ: Եվ այդ դեպքում աշխարհի անտեսանելի հազարավոր էակներ կկարողանան ինչ օգնել ձեզ և հոգալ ձեր մասին: Իսկ հիմա նրանք տագնապահար փախչում են, հենց որ մարդ են տեսնում:

Ձեր ներքին ներդաշնակությունն ու Աստծո Աշխարհի հետ համահնչունությունը կարող են շտկել ստեղծված իրադարձությունը:

Ես վստահ չեմ, որ բոլոր մարդկային անհատներն ունակ են համագործակցելու տարրոգիների հետ: Մակայն պետք է նպաստել այն բանին, որ երիտասարդ սերունդը սովորի լսել բնությանը և դիտել նրա անտեսանելի կյանքը:

Երբ զգալիորեն հեռանում եք բնակավայրերից, ապա, անկախ այն բանից, թե որտեղ եք գտնվում՝ լեռներում, դաշտերում թե անտառներում, ամենուրեք թփերի հետևից ձեզ դիտում են անտեսանելի էակներ: Որոշները դրանցից, որոնք երբեք մարդ չեն տեսել, շատ հետաքրքրասեր են և կարող են մոտենալ ու շոշափել ձեզ: Առանձնահատուկ զգայուն պետք է լինեք, որ զգաք տարրոգիների ներկայությունը: Այդ էակներն իրարից տարբերվում են տարերքներով, և նրանց միջոցով

դուք կարող եք կառավարել հրի, օդի, ջրի և հողի տարերքները: Միայն թե մի կարծեք, թե այդ էակները կօգնեն ձեզ, որ կառուցեք ամբարտակներ ու հողմադաշններ: Բնության ուժերի կառավարումն անհամեմատ ավելի նուրբ ոլորտների գործ է: Եվ մարդկության այն նրբացումը, որը մենք առաջադրում ենք, թույլ կտա կապ ստեղծել տարրօգիների կյանքի հետ և օգտվել այն էներգիայից, որն ամենուրեք սփռված է ձեր շուրջը: Ամենայն ինչ էներգիա է: Բայց այդ էներգիայից դուք կկարողանաք օգտվել միայն այնժամ, երբ հասնեք գիտակցության այնպիսի մակարդակի, որում ձեզ համար հնարավոր կդառնա բնության թագավորությունների հետ փոխազդեցությունը:

Առայժմ դեռ տարրօգիները փախուստի են դիմում, հենց որ որևէ տեղ մարդ է երևում: Նրանց կյանքը շատ է տուժում այն անհասկացողությունից, որը դուք դրսևորում եք իրենց նկատմամբ. այնպես, ինչպես փոքր երեխաներն են տարակուսում մեծահասակների այն վարքից, որով խախտվում են բնության օրենքներն ու ռոնահարվում աստվածային սկզբունքներն ու արժեքները:

Մարդկության այն նրբացումը, որի մասին ասացի, հնարավոր կլինի միայն այն դեպքում, երբ մարդկությունը կբարձրանա իր էվոլյուցիոն զարգացման հաջորդ աստիճանին: Բայց առայժմ դուք տեղում դուրս եք պատրանքի մեջ՝ իրար հետևից փոխելով տեսարժան բաներն ու հաճույքները:

Ձեր աշխարհի ոչ մի տեսարժան բան կամ հաճույք չի կարող փոխարինել բնության, տարրօգի-

ների և Աստծո հետ ունեցած ձեր հոգու համատեղ ստեղծարարությանը: Մարդը ծնված է ստեղծարարության համար և դրանով է նմանվում Աստծուն, այլ ոչ թե նրանով, որ անընդհատ հաճույքներ ստանա կյանքից:

Վիճակը բարդանում է և նրանով, որ մարդկության մեծագույն մասն ունակ չէ ընկալելու նույնիսկ այն պարզ բաները, որ մենք ասում ենք: Սակայն ստիպված կլինի: Ստիպված կլինի յուրացնել ամեն ինչի հետ հարաբերվելու նոր սկզբունքները: Միթե ակնհայտ չէ ձեզ համար, որ ձեր քաղաքակրթությունը դեմ է առել փակուղու:

Արդեն երկրորդ հարյուրամյակն է, ինչ դուք տեղում դուրս եք և առաջ չեք շարժվում:

Մենք ցույց ենք տալիս ուղին, որը կոչված է փոխելու մոլորակի իրադրությունը: Սակայն, որպեսզի մարդկությունը կարողանա ընթանալ այդ ուղով, դուք պետք է փոխեք ձեր ներքին բնույթը. հաղթահարեք ձեր էգոյի ամենացայտուն դրսևորումները՝ նախանձը, ազահությունը, ատելությունը: Այդ դեպքում դուք ունակ կդառնաք դրսևորելու Սիրո, կարեկցանքի, բարեգթության, փոխօգնության և փոխօժանդակության աստվածային հատկանիշներ:

Այսօրվա իմ գրույցի նպատակն այն էր, որ ձեր միտքն ուղղեմ դեպի այն ուղին, որով ձեզ կվիճակվի ընթանալ, եթե ուզում եք զարգանալ, այլ ոչ թե անհետ կորչել պատրանքի թավուտներում:

*ԵՍ ԵՄ Աթենաս Պալլասը*

## ՏԻՐՈՒՎԻ ԿԼԱՐԱ

15 հունիս, 2010 թ.

### ԲՈԼՈՐԴ ԷԼ ԿՎԱՍՆԵՔ ՁԵՐ ՀԱՂԹԱՆԱԿԻՆ...

ԵՍ ԵՄ Կլարան: Ես նորից կրում եմ Սուրբ Կլարայի\* ժամանակներում ունեցած իմ անունը: Սակայն ձեզնից շատերը հավանաբար ինձ ճանաչել են որպես Էլիզաբեթ Կլարա Փրոֆեթ:

Երևի գիտեք նաև, որ ամուսնուս հետ գլխավորում էի ամերիկյան «Մամմիթ Լայթհաուզ» կազմակերպությունը: Եվ հիմա իմ գիտակցության նոր մակարդակով ես հնարավորություն ունեմ շատ բաներ այլ կերպ դիտելու և ընկալելու:

Օ՛, ես չեմ խոսի այնպիսի բաներից, որոնք կարող են ստվեր գցել այդ կազմակերպության ու նրա

մարդկանց վրա՝ մարդիկ, որոնք այդ կազմակերպությանն օժանդակել են իրենց էներգիայով, իրենց դրամական միջոցներով և իրենց Սպասավորությամբ: Ինձ համար այդ ամենն արդեն անցյալում է, իսկ նրանց համար իմ ամեն մի բառը կարող է մեծ նշանակություն ունենալ: Իսկ ես չեի ուզեմ նոր կարմա ստեղծել՝ գտնվելով իմ գիտակցության համբարձյալ վիճակում:

Որոշակի դժվարություն հարուցեց այն, որ երկար ժամանակ ինձ վիճակվեց մնալ Երկնքի ու երկրի միջև: Եվ հնարավոր է, որ ձեզնից շատերը

\* Էլիզաբեթ Փրոֆեթի նախորդ մարմնավորումներից մեկը եղել է Կլարա Ասիզաջին (Կլարա Օֆրեդուչո,

1194-1253): Ֆրանցիսկ Ասիզացու միաբանության մեջ նա սկզբնավորել և ղեկավարել է միանձնուհիների ճյուղը (կլարուհիներ)

տեղյակ էին այդ մասին: Իմ կյանքի վերջին 12 տարվա ընթացքում ես այնքան էլ երկրի վրա չէի: Իմ մարմինների մի մասն ինձ հետ չէր: Մարմինների բաժանելիության հատկությունը շատ օգտակար եղավ ինձ համար: Դա իմ հոգու կատարած ընտրությունն էր: Իմ հոգին որոշում էր ընդունել երկրային կյանքիս ողջ այդ տասներկուամյա շրջանն անցկացնել հիվանդության մեջ՝ կիսագիտակցական վիճակում, իսկ կյանքիս վերջին տարիները՝ լրիվ անգիտակից վիճակում\*\*:

Շատերը նրանցից, ում հետ ես համագործակցում էի Սամմիթ Լայթհամում, ամոթ էին զգում այդ վիճակիս համար և լուռ էին իմ հիվանդության մասին:

Սակայն, ինչպես արդեն ասացի, դա իմ հոգու նախընտրանքն էր: Ես որոշում էի ընդունել, որ Մեծ Սպիտակ Եղբայրության Դեսպանորդ եղած Ժամանակ իմ ստեղծած կարմայական էներգիաների որոշ տեսակների բեռնաթափման համար չգնամ մարմնավորման: Սակայն կարմայի օրենքը պետք է բավարարվեր: Ուստի, համակերպվելով հիվանդ վիճակիս հետ, բեռնաթափեցի իմ կարմայի նշանակալի մասը, ինչի շնորհիվ էլ ազատվեցի մարմնավորվելու անհրաժեշտությունից:

Այնուհանդերձ, այն մարդկանց, որոնց հետ համագործակցում էի, պետք է վստահեցնեմ, որ առաջվա պես պատրաստ եմ աշխատելու իրենց հետ և կատարելու Եղբայրության համար անհրաժեշտ ցանկացած աշխատանք:

Արդյոք բոլորդ եք առաջվա պես համոզված, որ մենք կատարում ենք հենց այն աշխատանքը, որի կարիքն ունեն մոլորակն ու ողջ մարդկությունը:

Չեք կորցրել արդյոք ձեր մարտական ոգին...

Սամմիթ Լայթհամի պատմության մեջ եղել են ճակատագրական պահեր, երբ իմ կատարած ընտրությունը ճիշտ չի եղել: Այդ սխալ ընտրությունների կարման պետք է բեռնաթափվեր: Օրենքը դա է պահանջում: Ես չեմ ասի, թե ինչ սխալ ընտրությունների մասին է խոսքը: Որովհետև դա չէ իմ այսօրվա ուղերձի թեման: Այսօր իմ հիմնական խնդիրն այն է, որ այս ուղերձի միջոցով կապ հաստատեմ նրանց հետ, ովքեր իմ հիվանդության 12 տարիների ընթացքում հավատարիմ մնացին ինձ՝ որպես Մեծ Սպիտակ Եղբայրության Դեսպանորդի:

Վիթխարի խնդիր էր նախաձեռնված մեր կողմից: Եվ այն արձագանքը, որը մեր շարժման արդյունքում առաջացավ հասարակության մեջ, մեր շարքերը բերեց շատ մարդկանց, որոնք իրենց ներքին հատկանիշներով պատրաստ չէին այն Սպասավորությանը, որի մասին ասում են Վեհապետները: Ուսմունքի որակը միշտ ընկնում է, երբ մի բոռ նվիրյալներին ու հավատարիմներին միախառնվում է նրանց ալիքը, որոնց ցանկությունը միայն իրենց հետաքրքրասիրությանը հագուրդ տալն է: Սակայն երբեմն մարդիկ պարզապես

պատրաստ չեն լինում բարձրանալու Եղբայրությանը անշահախնդիր ու հավատարմորեն Սպասավորելու աստիճանի վրա: Եվ դրա դեմ ոչինչ հնարավոր չէ անել: Հոգին ինքը պետք է անցնի ուղու անհրաժեշտ հատվածները: Այլապես, երբ մենք ստիպողական քայլեր ենք կիրառում էվոլյուցիան արագացնելու նպատակով, որին հոգիները դեռևս պատրաստ չեն, ապա, միևնույն է, ճոճանակը վաղ թե ուշ կթեքվի դեպի հակառակ կողմը: Բարի մտադրությունները ոչ միշտ են բերում լավ արդյունքի:

Միակ բանը, որ կարող եմ ասել, այն է, որ ընդհուպ մինչև Դեսպանորդի իմ պաշտոնավարման ավարտը ես հավատարիմ եմ եղել Եղբայրությանը: Եվ դրա շնորհիվ է, որ բացառության կարգով ինձ թույլ տրվեց, առանց մարմնավորումից դուրս գալու, 12-ամյա հիվանդության ընթացքում բեռնաթափել իմ կարման:

Եվ ձեզ համար, որ առ այսօր նախկինի պես հավատարմորեն կապված եք ինձ հետ, դա մեծ հնարավորություններ բացեց: Քանզի ես իմ գիտակցության համբարձյալ դիրքից ավելի շատ բան կարող եմ անել ձեր հոգիների համար. կարող եմ ձեզ ավելի շատ օգնել և օժանդակել:

Ես անհամբերությամբ սպասում եմ ինձ ուղղված ձեր բոցավառ կանչերին: Ուժերիս ներածին չափ ամեն ինչ կանեմ, որպեսզի օգնեմ իմ սաներին, որոնք առաջվա պես ինձ իրենց Գուրուն են համարում: Իմ Գուրուի պատմունքները գործում է, և իմ աշակերտները, եթե օգնության, խորհրդի կամ օժանդակության կարիք ունեն, կարող են կանչ հղել Գուրուի իմ պատմունքին:

Ես չեմ կարող խորհուրդ տալ բառային տեսքով, բայց կարող եմ առաքել ձեզ իմ սիրո և օժանդակության ճառագայթը, որն ունակ կլինի ձեզ հաղորդելու հույսի, վստահության և հաստատակամության խթան: Ես նաև վստահ եմ՝ ամեն ոք, ով իր սրտում հավատարմություն է պահպանել իմ՝ որպես Մեծ Սպիտակ Եղբայրության Դեսպանորդի նկատմամբ, կարող է օգնության և օժանդակության հույս ունենալ ամբողջ Մեծ Սպիտակ Եղբայրության կողմից: Համբարձյալ Դասերը, որոնց կազմում նաև ես եմ հիմա, առաջվա պես սպասում են ձեր ցուցումներին և պատրաստ են ցուցաբերելու անհրաժեշտ օգնությունը:

Ահա Սանատ Կուրմարան ինձ է առաքում իր օժանդակիչ ճառագայթը: Եվ ես ավարտում եմ իմ այս կարճ ուղերձը՝ Սուտակե Ճառագայթի խտացված Միրով տոգորված:

Բոլորդ կհասնեք ձեր հաղթանակին...

Մի՛ վիհավեք հոգով և մի՛ հուսահատվեք...

Մշտապես Հաղթանակ, Մշտապես Հաղթանակ, Մշտապես Հաղթանակ...

*ԵՍ ԵՄ Կարան*

\*\* Իր կյանքի վերջին 12 տարում է. Փրոֆետը տառա-

պում էր Ալցհեյմերի հիվանդությամբ: Նա այս աշխարհից փոխվեց 2009 թ-ի հոկտեմբերի 15-ին:

## ՎԵՀԱՊԵՏ ԼԱՆԵԼԼՈ

16 հունիսի, 2010 թ.

### ՄԵՐ ԽՆԴԻՐՆ Է՝ ՃԻՇՏ ՈՒՂՂՈՒԹՅՈՒՆ ԵՎ ԿՈՂՄՆՈՐՈՇԻՉՆԵՐ ՏԱԼ ՆՐԱՆՑ, ՈՎՔԵՐ Ի ՎԻՃԱԿԻ ԵՆ ԴՐԱՆՑԻՑ ՕԳՏՎԵԼՈՒ

ԵՄ ԵՄ Լանելլոն: Այսօր ես կրկին ձեզ այցի եմ եկել, որպեսզի ուսուցանեմ ձեզ, քանի որ դրա կարիքը ձեր հոգիներն ունեն:

Ընդունված է համարել, որ Համբարձյալ Վեհապետների գիտակցության մակարդակն անհամեմատ ավելի բարձր է մարդկության գիտակցության մակարդակից: Մակայն դա այնքան էլ ճիշտ չէ: Իհարկե, մեր մեջ կան այնպիսի բարձր ոգիներ, որոնց ես ինքս երբեմն չեմ կարողանում մերձենալ, բայց և կան այնպիսիները, որ դեռ նոր են ավարտել Երկրի դպրոցը և սպասում են իրադարձությունների բարենպաստ ընթացքին, որպեսզի նորից մարմին առնեն Երկրի վրա:

Ուստի ձեզ համար հետաքրքիր կլինի, եթե նկարագրեմ իմ անձնական փորձը, թե ինչպես հասնել գիտակցության այնպիսի մակարդակի, որը թույլ է տալիս անցում կատարելուց հետո հայտնվել եթերային օկտավաներում:

Միայն կլինի կարծել, թե հոգին անցում կատարելուց հետո անմիջապես հասնում է բարձրագույն օկտավաներ: Պահանջվում է որոշակի ժամանակ՝ սովորաբար ավելի քան 40 օր, որպեսզի հոգին պատրաստվի անցնելու ավելի բարձր մակարդակի վրա: Եվ այն ծեսը, որով հոգին անցնում է եթերային օկտավաներում, վեհագույններից մեկն է: Այն թույլ է տալիս համբարձման բոցով այրել այն ամենը, ինչը խանգարում է գիտակցության համբարձյալ վիճակին հասնելուն: Ձեզնից շատերը, որ հիմա կարդում են այս տողերը, ժամանակի ընթացքում կկարողանան անցնել այդ ծեսով:

Իսկ հիմա, երբ Երկրի վրա մարմնավորման մեջ եք, պետք է կատարեք այն աշխատանքը, որի համար մարմին եք առել: Մի կարծեք, թե առջևում դեռ շատ ժամանակ ունեք: Երկրի վրա գտնվելու ամեն բոպեն թանկ է: Օրինակ՝ անցում կատարելուց և համբարձվելուց հետո նոր միայն ես սկսեցի հասկանալ, թե որքան անտեղի ժամանակ եմ վատնել իմ մարմնավորման ընթացքում... Աստծո վեհությունն ու ողորմածությունը, հիրավի, սահմաններ չեն ճանաչում:

Ուստի, եթե դուք միայն հետաքրքրությունից դրդված չեք կարդում մեր Ուսմունքները, այլ լուրջ եք տրամադրված, ապա մի՛ զլացեք վերահսկել ինքներդ ձեզ և նվազագույնի հասցնել այն ժամա-

նակը, որը ծախսում եք ձեր մարմնի ֆիզիկական պահանջմունքների բավարարման վրա:

Ամենից առավել պետք է հոգ տանեք ձեր հոգուն, որպեսզի այն զարգանա և ձերբազատվի անցյալի կարմայի այն շերտանստվածքներից, որոնք միախառնվել են ձեր էության հետ և խանգարում են ձեր առաջընթացին:

Եվ ամենադժվարը կլինի այն, որ ձեր մեջ գտնեք այն բնավորության գծերը, սովորություններն ու կապվածությունները, որոնցից հարկ է ազատվել: Քանզի ձեր մարմնական խելքը շատ հմտորեն ձեզ կվստահեցնի, թե իբր արդեն Ուղու վրա հասել եք մեծ նվաճումների, և էլ բան չի մնացել, որից հարկավոր է ձերբազատվել:

Պատրանքը ներծծվել է ձեր ստորին մարմինների մեջ: Եվ միայն Աստծո օգնությամբ կարող եք ձերբազատվել ձեր շատ ոչ աստվածային հատկանիշներից ու դրսևորումներից:

Վերջին հաշվով, ամեն ինչ տեղի է ունենում Աստծո կամքով: Ուստի ձեր ամենազլխավոր քայլն այն կլինի, որ Աստծուց օգնություն խնդրեք, որպեսզի ձեր էությունն ազատեք բոլոր այդ ոչ աստվածային հատկանիշներից ու դրսևորումներից:

Մակայն նախքան այդ քայլն անելը դուք պետք է գիտակցեք և ընդունեք, որ այնքան էլ կատարյալ չեք, որքան ձեզ է թվում:

Կա ևս մի հանգամանք, որ պետք է հաշվի առնեք: Որպեսզի ձեր գիտակցությունը պահեք ներկայումս ձեր ունեցած մակարդակի վրա, մշտապես պետք է աշխատեք ինքներդ ձեզ վրա: Դա նման է այն բանին, երբ հեծանիվով սար եք բարձրանում: Եթե ոտնակները չպտտեք, ապա հետ կզնաք դեպի ստորոտ և ստիպված կլինեք նորից սկսել ձեր վերելքը:

Դուք մշտապես պետք է աշխատեք ձեր գիտակցության վրա: Ամեն օր և օր օրի: Միայն այդ դեպքում կարող եք հուսալ, որ անցում կատարելուց հետո կհասնեք համբարձման:

Ձեզնից յուրաքանչյուրն Ուղով իր վերելքը պետք է ինքնուրույն կատարի: Եվ դեպի աստվածային գիտակցության գագաթը տանող այդ վերելքի ընթացքում պետք է լսեք ինքներդ ձեզ՝ ձեր սրտին:

Ձեր Ուղու սկզբնական թեստերից մեկն այնպիսին է, որ արտաքին աշխարհից հայտնվում է

ումն անձնավորություն, որը ձեզ համոզում է վարվել իր ասած ձևով: Կամ պնդում է, որ դուք սխալ եք վարվում: Որպես կանոն, այդ մարդը ձեզ հեղինակավոր է թվում: Այդ թեստի իմաստն այն է, որ սովորեք գործել ձեր ներքին կողմնորոշիչներին համապատասխան և հենվել միայն ներքին առաջնորդության վրա:

Շատերը, որոնք իրենց հոգևոր Ուղու առաջին քայլերն են անում, կմտածեն, որ այդ թեստը հենց իրենց է վերաբերում: Ուստի կսկսեն վարվել այնպես, ինչպես կամենում են՝ առանց հաշվի առնելու շրջապատի մարդկանց կարծիքը:

Պաշտելիներս, նախ պետք է համոզված լինեք, որ ձեր Բարձրագույն Ես-ից եք ներքին առաջնորդություն ստանում, այլ ոչ թե ձեր էգոյից:

Նորելուկները, որոնք ձեռնադրումների մասին ինչ-որ բան են լսել և առատորեն կասկածելի բնույթի գրականություն կարդացել, կարող են իրենք իրենց մեծ ձեռնադրյալներ համարել և գործել իրենց էգոյի թելադրանքով՝ հաշվի չառնելով և չլսելով ոչ մեկին:

Իսկ ինչպես սովորեք զանազանել, թե ով է ձեզ առաջնորդում՝ ձեր Բարձրագույն Ես-ը, թե՛ էգոն: Ձեր փոխարեն ես չեի ձգտի այդ հարցը լուծել միանգամից ու վերջնականորեն: Նուրբ ոլորտի ձեր ամեն մի նվաճումը պետք է իր հաստատումը գտնի ֆիզիկական ոլորտում: Եվ այն բանով, թե ինչ է դրսևորվում ֆիզիկական ոլորտում և ինչպես, դուք կարող եք դատել ձեր նվաճումների մասին:

Եվ եթե ձեր շրջապատում ոչինչ չի փոխվում. դուք շարունակում եք ձեր սիրած կամայականություններն ակոհողի, նիկոտինի և թմրանյութերի առումով կամ շարունակում եք աղմկոտ երաժշտությանը ու կերուխումով հագեցած ձեր հավաքույթները, ապա ես ձեզ խորհուրդ կտայի հիմնավորապես ու անմիջականորեն զբաղվել ձեր էգոյի հարցով:

Բայց նաև այն դեպքում, երբ ճիշտ կյանք եք վարում և վնասակար սովորություններ չունեք, Ուղու վրա ձեզ մի այլ վտանգ է սպառնում՝ հոգևոր սնապարծությունը: Ձեզ սկսում է թվալ, թե դուք շատ բանի եք հասել և ձեր շրջապատի մարդկանց հետ կիսելու շատ բան ունեք: Սակայն, եթե ոչ անմիջապես, ապա որոշ ժամանակ անց մարդիկ նկատում են ձեր սնապարծությունը և հեռանում ձեզնից: Եվ այդ դեպքում դուք մեծամտանում եք, թե ձեր հոգևոր նվաճումներն այնքան բարձր էին, որ մարդիկ չդիմացան ձեր բարձր թրթիռներին:

Ինչպես տեսնում եք, պատրանքների աշխարհում միշտ էլ հնարավոր է մոլորվել, եթե ձեր քայլերը մշտապես չճշգրտեք հուսալի կողմնորոշիչներով:

Մենք պնդում ենք, որ եթե դուք հետևեք Համբարձյալ Վեհապետների խորհուրդներին, որոնք առկա են մեր դեսպանորդի միջոցով տրված ուղերձներում, ապա ձեր ձեռքին կունենաք կողմնացույց ու քարտեզ, որոնք ձեզ դուրս կհանեն պատրանքի թավուտներից:

Սակայն, նույնիսկ կարդալով մեր ուղերձները, դուք էլի՛ հաջողեցնում եք ամեն անգամ կարմա ստեղծել, երբ ուղերձները կարդալիս ձեր մեջ արթնանում են քննադատական ոգին, մեղադրելու հակումն ու այլ բացասական դրսևորումներ: Եթե մեր ուղերձները ձեր մեջ այդպիսի բացասական բաներ են առաջացնում, ապա մի՛ կարդացեք դրանք: Գոնե այդտեղ կարմա չեք ստեղծի...

Հնարավոր չէ ուսուցանել նրան, ով չի ուզում սովորել: Ուստի մեր խնդիրն է ճիշտ ուղղություն և կողմնորոշիչներ տալ նրանց, ովքեր ի վիճակի են դրանցից օգտվելու:

Իսկ հիմա ես ձեզ հրաժեշտ եմ տալիս՝ նոր հանդիպումների ակնկալիքով:

*ԵՍ ԵՄ Լանելլոն*

## ՀՈՎՀԱՆՆԵՍ ՍԻՐԵՑՅԱԼ

17 հունիսի, 2010 թ.

### ՌԻՍՄՈՒՆՔ ԽՈՍՔԻ ՆԿԱՏՄԱՄԲ ՀՈԳԱԾՈՒ ՎԵՐԱԲԵՐՄՈՒՆՔԻ ՄԱՍԻՆ

ԵՍ ԵՄ Հովհաննես Սիրեցյալը: Եկել եմ շարունակելու Աստուծո Խոսքի մասին մեր գրույցը\*:

Այսօր կխոսենք Խոսքի աղճատումների մասին. ինչպես և ինչո՞ւ են դրանք առաջանում: Երբ դուք

որևէ խոսք եք ասում, չեք մտորում այն մասին, որ ձեր յուրաքանչյուր բառը որոշակի թրթիռներ ունի և գունազարդվում է այդ պահին ձեր ունեցած գիտակցության մակարդակով:

\*Տես՝ 2010 թ-ի հունվարի 9-ի թելադրությունը

Պահանջվում է օժտված լինել զգայունության որոշակի աստիճանով և բավարար չափով կտրված լինել աշխարհիկ ունայնությունից, որպեսզի ձեր արտաբերած բառերի հետևում նշմարվի ձեր ներքին էությունը: Փաստորեն, ելնելով այն բանից, թե ինչ եք խոսում և ինչպես եք խոսում, կարելի է իմանալ ձեր մասին ամեն ինչ: Եվ ձեր խոսքի թրթռոնները լրիվ պատկերացում են տալիս ձեր գիտակցության զարգացման աստիճանի վերաբերյալ:

Ձեր խոսքը հնազանդորեն արտացոլում է ձեր ստորին չորս մարմինների վիճակը: Այդ իսկ պատճառով Աստծո Խոսքը փոխանցելու համար միշտ ընտրվել են հատուկ պատրաստված մարդիկ, որոնց մտքրած աղավաղումներն Աստծո Խոսքի փոխանցման ընթացքում հասնում են նվազագույնի: Նաև տարբեր ժամանակներում տարբեր մեթոդներ են կիրառվել Խոսքի փոխանցման համար:

Օրինակ, երբ ես գրի էի առնում Սուրբ գրքի խոսքերը, գտնվում էի ներքին խորին անդորրության վիճակում: Ես միշտ հիշում էի ապրածս երանության այն պահերը, երբ իմ Ուսուցիչ Հիսուսն իմ կողքին էր լինում: Եվ այնպես էի ոգեկոչվում իմ Ուսուցչի մտապատկերով, որ բառերը հորդում էին իմ էության միջից և դրոշմվում թղթի վրա: Յուրաքանչյուր բառս գունազարդվում էր իմ սիրով և երանության վիճակով:

Հիրավի, դա Աստծո և բարձրագույն ուժերի հետ համատեղ արարչության մի գործընթաց էր: Եվ իմ այդ վիճակների շնորհիվ ես շատ գաղտնիքներ բացահայտեցի և դրանք հանձնեցի թղթին:

Ավելի ուշ ժամանակներում Սուրբ գրքի թարգմանության ու արտագրման գործը վստահվում էր միայն շատ մաքուր վանականներին, որոնք ամբողջովին ու լիովին իրենք իրենց նվիրաբերում էին Աստծուն ու Սպասավորությանը:

Սակայն, քանի որ ոչ մի մարդ կատարյալ չէ, ապա նույնիսկ այդ սուրբ մարդիկ էին իրենց թրթռոնները ներդնում տեքստի մեջ, և այն արդեն տարբերվում էր նախնականից:

Այժմ կուզենայի անդրադառնալ ձեր ժամանակներին: Ահավոր ժամանակներում եք ապրում... Քանզի ունակ չեք գիտակցելու այն պատասխանատվությունը, որ պահանջում է Խոսքի փոխանցումը: Եվ առանձնապես չեք մտահոգվում, թե ինչ թրթռոններ են աշխարհ մուտք գործում ձեր խոսքերով: Եվ քանի որ ժամանակակից միջոցները թույլ են տալիս հեշտորեն ու բազմակիորեն վերարտադրել դրանք, ապա խոսքի չարաշահման ձեր կարման դառնում է չափազանց ծանր: Ըստ էության, դուք ծանր ճակատագրի նախահիմքեր եք ստեղծում ինչպես ձեր, այնպես էլ ձեր մերձավորների համար:

Եթե հենց միայն աններդաշնակ մտքերը կարող են հրաբխի ժայթքման ու ժայռերի փլուզման պատճառ դառնալ, ապա կարելի է գուշակել, թե ինչ բաների են ընդունակ խոսքերը ձեր աշխարհում:

Ես կուզեի, որ ձեր աշխարհում դուք վերականգ-

նեիք Խոսքի նկատմամբ գորովալից ու հարգալից վերաբերմունքը: Որովհետև Խոսքի աղճատումն ամենաձանր մեղքերից մեկն է:

Հոգածությամբ պետք է ապրել կյանքը: Նույնիսկ մրջյունին պետք է խնայեք, երբ քայլ եք փոխում: Եվ որքան ավելի ծանրանում է ձեր կարման, երբ Խոսքն եք ի չարք գործածում:

Շատերը հատուկ ծիսական լույսություն են պահպանում: Եվ եթե այդ իմաստուն ծեսը ճիշտ կիրառվի, ապա շատ հոգիների կարելի կլինի փրկել: Ավելի լավ է ոչինչ չխոսել, քան խոսել այնպիսի բաներ, որպիսիք դուք անտեղի շաղ եք տալիս դետուդեն:

Ամենասահավորն այն է, որ երբ վրա է հասնում ձեր անխոհեմ ասված խոսքերի կարմայական հատուցման ժամը, ամեն ինչի համար դուք Աստծուն եք մեղադրում, տրտնջում եք կյանքից՝ նույնիսկ չկասկածելով, որ հատուցման օրենքը ձեզ է վերադարձրել այն, ինչ ինքներդ եք ցանել:

Ուստի այսօր ես կուզենայի ձեզ հիշեցնել, որ ձեր մի բառը, հատկապես եթե այն ուղեկցվում է ուղղորդված էներգիայի առաքմամբ, բառացիորեն կարող է ավերածության մատնել մոլորակը:

Այդ պատճառով խելամտորեն կրճատվել է այն էներգիայի հոսքը, որն Աստծո Աշխարհից գալիս և ողողում է ձեր մարմինները: Եվ այդ ստիպողական քայլն արդարացված է: Բայց և անհրաժեշտ է, որ Աստծո Խոսքը մուտք գործի ձեր աշխարհ: Այլապես դուք ձեր գիտակցությամբ չեք կարողանա պահպանել կողմնորոշիչները և կկորցնեք շարժման ուղղությունը:

Խոսքը, որ կրում են մեր ուղերձները, փոխանցվում է հատուկ եղանակով: Ուղերձի փոխանցման պահին հատուկ լույսություն է հաստատվում, և տարածությունը հնազանդորեն կրկնում է այն միտքը, որը մեր աշխարհից փոխանցվում է ձեր աշխարհին:

Խոսքի փոխանցման նման տեխնիկա նախկինում երբևէ մեր կողմից չի կիրառվել: Բայց հիմա Խոսքի առկայությունը ձեր աշխարհում ուղղակի անհրաժեշտություն է: Ուստի և մենք գործադրում ենք բոլոր հնարավոր միջոցները, որպեսզի բախենք ձեր սրտերի դռները:

Մեր ձայնն իր մեջ պարունակում է աստվածային թրթռոններ: Սակայն ձեր ականջն ունակ չէ տարբերելու այդ թրթռոնները, քանի որ դրան խանգարում են այլազան տեղեկատվական աղբյուրները, որոնց ձայնն անհամեմատ ավելի բարձրագույն է:

Սակայն այն մարդիկ, որոնց ունկերը համալարված են մեր հաճախականություն հետ, ունակ են մեզ լսելու և ճաշակելու մեր աշխարհի քաղցրությունը:

Այն ժամանակ, երբ ես գրի էի առնում Աստծո Խոսքը, ես դրան ունակ էի դառնում իմ առանձնության անդորրում: Եվ այդքան շատ աղմուկ չկար, որքան հիմա կա ձեր աշխարհում: Այնուհան-

դերձ մենք գալիս և մեր ուղերձներն ենք տալիս աշխարհին:

Քանզի ձեր աշխարհը չի կարող հարատևել, եթե թրթռանքի բավարար մակարդակ չպահպանվի մարմնավորման մեջ գտնվող թեկուզև մի քանի մարդու սրտում: Այդ սրտերը նմանվում են փոքրիկ ռադիոհաղորդիչների, որոնք աշխատում են հատուկ ալիքի վրա: Եվ աստվածային ալիքի հետ համալարված շատ հոգիներ կարող են որսալ այդ թրթիռները: Նրանցից շատերի համար դա պատրանքի աշխարհից դուրս գալու փրկարար ճոպան է դառնում: Եվ այդ ճոպանի շնորհիվ մենք պատրանքի ծովից դուրս ենք քաշում այն հոգիներին, որոնք մերն են:

## ՏԻՐՈՒՇԻ ՊՈՐՑԻԱ

18 հունիսի, 2010 թ.

### ԱՍՏԾՈՒ ՕԳՆՈՒԹՅԱՄԲ ԱՄԵՆ ԻՆՉ ՀՆԱՐԱՎՈՐ Է...

ԵՍ ԵՄ Պորցիան՝ կրկին ձեզ այցի եկածը:

Այսօր ես մտադիր եմ շարունակել ձեզ ուսուցանելու գործը և տալ ձեզ որոշ գործընթացների ըմբռնումը, որոնք հանրահայտ են մեր աշխարհում, սակայն ձեր աշխարհում այնքան էլ ընդունված չեն:

Ես Հնարավորության Աստվածուհին եմ: Եվ ահա հայտարարում եմ, որ ձեր առջև բացված են վիթխարի հնարավորություններ: Հենց ձեր քթի տակ: Եվ դրանցից դուք կարող եք օգտվել ցանկացած պահի: Մենք արդեն ձեզ համար բացահայտել ենք այն վիթխարի հեռանկարները, որոնք պատրաստ են դրսևորվելու Երկրի մարդկության առջև: Մենք պատմել ենք տելեպորտացիայի, լիտացիայի մասին, պատմել ենք նաև էներգիայի նոր աղբյուրների մասին, որոնք ձեզ հեքիաթային հրաշքներ են թվում:

Եվ ահա ես ասում եմ, որ այդ բոլորն այժմ ձեր քթի տակ են, և դուք կարող եք այդ ամենից օգտվել:

«Իսկ ինչո՞ւ մենք դրանք չենք տեսնում», - լիովին օրինական հարց է, որին ևս պատրաստ եմ պատասխանելու:

Նախ՝ ձեր արտաքին գիտակցությամբ դուք պատրաստ չեք այդ հնարավորություններն ու հրաշքները ներմուծելու ձեր կյանքի մեջ: Եվ երկրորդ՝ որպեսզի այդ ամենը դրսևորվի ձեր կյանքում, պետք է հրաժեշտ տաք ձեզ շրջապատող պատրանքին: Դուք այնպես եք խրվել շրջակա պատրանքի մեջ, այնպես է այն տիրել ձեր գիտակցությանն ու էությանը, որ այն նորը՝ պատրանքի ավելի նուրբ շղարշը, որով կարող եք մերձենալ

Երբեք հույսներդ մի կորցրեք: Եթե դուք անկեղծ եք և նվիրված Աստծուն, ապա միայն ժամանակի հարց է, թե երբ կլսեք մեր կանչը: Մեր կանչն ու մեր թրթռանքը լսելը ձեր աշխարհում հեշտ գործ չէ: Ուստի մշտապես պետք է պատրաստ պահեք ձեր ունկերը, որպեսզի ընկալեք մեր աշխարհի թրթռանքը և պաշտպանեք ձեր ունկերն այն ամենից, ինչով կարող է խլանալ աստվածային թրթռանքը: Այդքանով ինքներդ պետք է ջանք թափեք: Իսկ մենք մեր կողմից կանենք հնարավոր ամեն ինչ:

*ԵՍ ԵՄ Հովհաննես Սիրեցյալը՝  
ձեր հոգիների նկատմամբ հոգածուլթյամբ*

Աստծո Աշխարհին, ձեր գիտակցության մեջ պարզապես տեղ չի կարող գտնել:

Միայն այդ երկու պատճառներն են ձեզ բաժանում այն վիթխարի հնարավորություններից, որոնք կարող են բացվել ձեր հայացքի դեմ:

Կան և ավելի մանր հնարավորություններ, որոնք ձեր կյանքում կարող են դրսևորվել հենց այս տարվա ընթացքում: Եվ դրանք վերաբերում են ձեր կյանքի որոշ աննշան բաների: Ասենք, դուք ուզում եք բուռն ընդունվել, բայց վախենում եք չհաղթահարել մրցույթը. կամ ուզում եք ճանապարհորդել դեպի որևէ երկիր, բայց չունեք անհրաժեշտ գումարը:

Շատ ցանկություններ կան, որոնք կապված են ձեր պատրանքային աշխարհի հետ: Եվ դուք ուզում եք դրանք իրականություն դարձնել:

Նախապես պայման դնեմ, որ ձեր ցանկությունները պետք է համապատասխանեն Աստծո Կամքին, որպեսզի իրականացվեն: Եթե այդպես լինի, ապա անպայման կիրականացվեն: Իսկ ի՞նչը կարող է խանգարել ձեր ցանկությունների բավարարմանը: Ձեր կարման՝ այն էներգիաները, որոնք առկա են ձեր աուրայում և թույլ չեն տալիս, որ աստվածային հնարավորությունները ձեր կյանքում դրսևորվեն:

Ուստի երբ նամակ եք հղում Կարմայական Վարչությանը և խնդրում, որ իրականանան ձեր որոշ ցանկությունները, ես հերթով դրանք դնում եմ կշեռքի մի նժարի վրա, իսկ մյուսին՝ ձեր կարման, որը խոչընդոտում է ձեր սովյալ ցանկության իրականացման հնարավորությունը: Արդյունքում դուք կստանա՞ք ձեր խնդրածը, կամ՝ ոչ:

Սակայն կարման ինչ-որ անփոփոխ բան չէ: Այն կարող է փոխվել կան դեպի լավը, կան դեպի վատը: Երբ նամակ եք գրում Կարմայական Վարչությանը, ապա ձեր խնդրանքի բավարարման դիմաց դուք պարտավորվում եք հաջորդ կիսամյակի ընթացքում որոշակի պարբերականությամբ և որոշակի քանակությամբ աղոթքներ ու Վարդարաններ կարդալ: Եվ եթե ձեր աղոթքների էներգիան հարկ եղած ուղղվածությունն է ունենում, ապա կարմայի նժարը թեթևանում է, որի արդյունքում աստվածային հնարավորությունը կարող է գերակշռել: Դա կարող է ն տեղի ունենալ, ն ոչ: Ամեն ինչ կախված է այն կարմայի ծանրությունից, որը դրված է կշեռքի մյուս նժարի վրա:

Այնուհանդերձ ցանկացած կարմա կարող է բեռնաթափվել, և ցանկացած խոչընդոտ կարող է վերացվել: Ամեն ինչ կախված է ձեր նկրտումից:

Օրինակ՝ ես գիտեմ մարդկանց, որոնք փորձել են վերջ տալ վատ սովորությանը՝ ծխելուն: Մի ամբողջ կիսամյակ նրանք ամեն օր Վարդարան են կարդացել, բայց այդպես էլ չեն թողել ծխելը:

Այդ վատ սովորությունը ձեր ենթագիտակցության մեջ արմատավորվել է տասնամյակների ընթացքում: Ուստի շատ հազվագյուտ դեպքերում է հաջողվում դրանից ազատվել կես տարվա ընթացքում: Սակայն դուք մշտապես պետք է ամենօրյա ձգտում ցուցաբերեք, որպեսզի ազատվեք ձեր վնասակար սովորությունից:

Հասկանում եք, պետք է ամեն օր անկեղծորեն ցանկանաք ձերբազատվել վնասակար սովորությունից և խնդրեք Աստծուն, որպեսզի ձեզ օգնի:

Ես չգիտեմ, թե ձեզնից յուրաքանչյուրին ճշգրիտ որքան ժամանակ հարկ կլինի խնդրել Աստծուն, որպեսզի ձեր խնդրանքը բավարարվի, սակայն գիտեմ, որ դա անպայման տեղի կունենա, եթե ձեր խնդրանքը մշտապես ճշում գործադրի աստվածային հնարավորության նժարի վրա՝ ի հակադրություն մյուս նժարի, որի վրա դրված է ձեր այն կարման, որը միջնորմ է ձեր և աստվածային հնարավորության իրականացման միջև:

Ձեր աշխարհում ահա այդպիսին է հնարավորության իրականացման մեխանիզմը:

Եվ եթե այն նույն նախանձախնդրությամբ, ինչպես երբեմն ձգտում եք իրականացնել ձեր ցանկությունները ֆիզիկական աշխարհում, ձգտում դրսևորեք այն աստվածային հնարավորությունների նկատմամբ, որոնք սպասվում են Ոսկեդարի մարդկությանը, և եթե նման ցանկություն դրսևորի Երկրի վրա մարմնավորված մարդկանց գոնե մի քանի տոկոսը, ապա Ոսկեդարն արդեն կսկսի աստիճանաբար իջանել ֆիզիկական աշխարհ:

Աստվածային կերպերը պատրաստ են էջքի: Դրանք միայն սպասում են, որ ձեր գիտակցությունը մի փոքր ազատվի շրջակա պատրանքի վրա մշտապես սևեղվելուց, որպեսզի աստվածային կերպերը ձեր գիտակցության միջով ներթափանցեն ֆիզիկական աշխարհ:

Հավատացե՛ք ինձ, ամեն ինչ տեղի կունենա կարծես ինքնաբերաբար: Միայն պահանջվում է, որ ձեր գիտակցությունը պատրաստ լինի անցում կատարելու էվոլյուցիոն զարգացման նոր գալարի վրա:

Աստծո օգնությամբ ամեն ինչ հնարավոր է: Միայն ափսոս, որ մարդկությունն իր հիմնական մասով առաջվա պես Հավատի պակաս ունի: Այն Հավատի, որն անտեսանելիորեն ձեզ թույլ է տալիս ձեր գիտակցությամբ կառչելու ձեր հավատի առարկայից, որպեսզի այն ներքաշվի ձեր աշխարհ:

Այսօր ես ձեզ այցի եկա, որպեսզի ձեզ վստահություն ներարկեմ և ասեմ, որ դուք մենակ չեք, որ Լույսի էակների մի ամբողջ Հիերարխիա ջանք է թափում, որպեսզի կրիտիկական պահին օգնություն ցուցաբերի Երկրի մարդկությանը:

Մի՛ կորցրեք ձեր Հավատն ու Հույսը և պահպանե՛ք Սերը ձեր սրտերում: Վստահ եմ, որ ձեզ ամեն ինչ կհաջողվի...

*ԵՍ ԵՄ Պորցիան՝  
Հնարավորության Աստվածուհին*

## ՆՇԱՆԱԿԱԼԻՑ ԶՐՈՒՅՑ ԶԵՂ ՀԱՄԱՐ

ԵՍ ԵՄ Գուան Ինը: Ես եկել եմ ամառային արևադարձի և Կարմայական Վարչության նիստի նախօրյակին: Ուստի այսօրվա մեր գրույցը նշանակալից կլինի ձեզ համար, ձեր գիտակցության համար:

Նախ կուզենայի ձեր ուշադրությունը հրավիրել այն իրավիճակի վրա, որը ձևավորվել է մեր դեսպանորդի Աշրամի շուրջ: Ձեզ հայտնի է, որ արդեն երեք տարի է անցել, ինչ նա հաստատվել է այդ վայրում:

Սակայն մենք մեր խորին ափսոսանքն ենք հայտնում, որ ռուս ժողովուրդը մեզ հարկ եղած չափով չաջակցեց: Չդրսևորեց այն աջակցությունը, որը մենք ակնկալում էինք: Քանզի շատ դատարկ ու հետաքրքրասեր մարդիկ փրփուրի պես վեր ելան, բայց այն անեղծներն ու նվիրյալները, որոնք Լույսի մեր առաքելությունը կյանքի կոչելու նպատակով մարմնավորվել էին, այդպես էլ ջրի երես չբարձրացան:

Այդ պատճառով մենք հիմա որոշում ենք փոխել մեր մարտավարությունը: Մենք չենք փոխի մեր նպատակները, բայց այլևս ժամանակ չենք հատկացնի, որ ի հայտ գան նրանք, ովքեր Լույսի այս առաքելությանն օժանդակելու նպատակով մարմին են առել:

Մենք ստիպված ենք նահանջել: Եվ ակտիվ գործողությունների ժամանակահատվածն այժմ կփոխվի: Իսկ ձեզ հնարավորություն կտրվի, որ մտասևեմվեք իմ խոսքերի և Ուսմունքի բոլոր այն տեքստերի վրա, որոնք մենք փոխանցել ենք մեր դեսպանորդի միջոցով:

Մենք այսքան թանկ գին ենք վճարում ամեն մի ուղերձի համար ոչ այն նպատակով, որ դուք մատնների արանքով նայեք դրան՝ առանց խորանալու էության մեջ, և դեն նետեք այնպես, կարծես դրա մեջ ոչ մի նոր բան չեք գտել ձեզ համար:

Դուք այդպես էլ պատրանքի մեջ մի ուսմունքից մյուսին կանցնեք՝ փորձելով գտնել ինչ-որ զգայացունց հայտնություններ, քանի դեռ կանգ չեք առնի այն միակ Ուղու վրա, որը ձեր աշխարհից իրական ելքի է տանում: Իսկ այդ Ուղին հենց ձեր ներքում է: Դա ոչ թե արտաքին, այլ ներքին Ուղի է: Դրանով են ընթացել անցյալի բոլոր դեսպանորդներն ու մարգարեները, այդ Ուղին են ուսուցանել ճշմարիտ Ուսուցիչները վերջին մի քանի հազարամյակի ընթացքում:

Մարդկությունը դաս չի առնում: Նա անվերջ շարունակում է վազել արտաքին ուսմունքի հետևից,

ինչ-որ հրաշագործ գործառություններ է փնտրում, որպեսզի դրանց միջոցով հրաշքի պես հայտնվի գիտակցության նոր աստիճանի վրա:

Ցավոք, առանց սեփական հոգու զորացման հնարավոր չէ բարձրանալ գիտակցության նոր մակարդակի վրա: Միայն անձնական ջանքերի ու անձնական նվաճումների շնորհիվ դուք կարող եք վեր բարձրանալ: Այլապես ստիպված կլինեք թափառել պատրանքի մեջ:

Ոչ մի արտաքին մեթոդ չի կարող ձեզ օգնել, որ բարձրանաք գիտակցության նոր մակարդակի վրա: Միայն ձեր էության մեջ կամերտոնի պես հնչող Աստվածայինի հետ համահնչունությունն է ունակ ձեզ դուրս հանելու էվոլյուցիոն փակուղուց:

Ես եկա ոչ այնքան ուրախ ուղերձով: Սակայն, որպեսզի ըմբռնեք պարզ ճշմարտությունները, երբեմն հարկ է լինում, որ դրանք լսեք բազմաթիվ անգամներ և այն էլ՝ ոչ ամենանուրբ մատուցմամբ:

Ես ունեմ այդ իրավունքը, որ ասեմ ձեզ այս ոչ այնքան հաճելի բաները: Քանզի հարյուր հազարավոր տարիներով ծառայում եմ Երկրի մարդկության կենսահոսքերին: Այդ ընթացքում շատ անգամ եմ մարմին առել: Բուդդայականները հիշում են իմ ոչ շատ վաղ անցյալի մարմնավորումները:

Մարդկությանը մատուցվող իմ ծառայությունը հիմնված է մարդկանց հոգիների նկատմամբ կարեկցանքի վրա: Ես տեսնում եմ, թե ձեզնից շատերն ինչպիսի անտանելի տառապանքներ են կրում՝ եք չգտնելով կարմայական իրավիճակի այն թակարդից, որի մեջ հենց իրենք են ընկել, բայց դրանում մեղադրում են իրենց ողջ շրջապատին: Մոռանում են Ուսմունքի տողերը, մոռանում են այն ճշմարտությունը, որը գրված է անցյալի բոլոր սուրբ գրքերում. «Ինչ որ ցանես, այն էլ կհնձես»:

Դուրս գալ ձեզ շրջապատող իրադրության ընկալման մի այլ մակարդակի վրա՝ նշանակում է հասնել այն գիտակցությանը, որ այդ իրադրությունը հենց ինքներդ եք ստեղծել այն խոսքերով, որ ասել եք, ձեզնից բխած այն հույզերով, որոնց ազդեցության տակ մեկը մյուսի հետևից չկշռադատված արարքներ եք գործել:

Եթե գիտակցեք, որ պատրանքն իր այն դեմքով է շոռ գալիս դեպի ձեզ, որը համահունչ է ձեր անցյալի արարքներին ու նախընտրանքներին, ապա դա կլինի այս փուլի ձեր ամենամեծ նվաճումը:

Ներքին աշխատանքը պետք է համակցվի հոգևոր գործառնությունների հետ: Դուք մշտապես՝ ամեն օր, պետք է անցկացնեք այն հոգևոր գործառնությունը, որը ձեզ հոգեհարազատ է և կատարման համար հաճելի: Եթե ձեզ ամենաօրնաբար ժամանակ, լավ է՝ օրվա սկզբին, թեկուզ կարճատև՝ 10-15 րոպեով, կարողանաք պահպանել ձեր գիտակցության վսեմ վիճակը, ապա կստանաք այն փրկարար օղակը, որով կկարողանաք լողալ պատրանքի ծովի երեսին՝ առանց գլխովին դրա մեջ սուզվելու:

Ցավոք, մարդկության ընդհանուր վիճակն այնպիսին է, որ ստիպված եք լինում միայնակ դեգերել պատրանքի ծովում: Բայց դա ձեր կատարած նախընտրանքն է: Իսկ այն աստվածային հնարավորությունը, որն այս երեք տարիների ընթացքում բաց էր ձեզ համար, արդեն ավարտված է:

Նոր աստվածային հնարավորություն կարող է բացվել միայն այն դեպքում, եթե բավարար թվով անհատներ ցուցաբերեն գիտակցության այնպիսի

մակարդակ, ինչպիսին մենք ակնկալում ենք տեսնել:

Իսկ ամեն կորցրած աստվածային հնարավորությունից հետո ձեզ վիճակվում է ավելի վատ պայմաններում ամեն ինչ սկսել նորից:

Աշխարհը հակված չէ յուրացնելու այն պարզ ճշմարտությունները, որոնք մենք տալիս ենք հազարամյակների ընթացքում:

Բայց և այնպես, որպեսզի իմ այսօրվա ուղերձն ավարտեն ուրախ նոտայով, պետք է ասեմ, որ Աստված մի փոքր կիսաբաց է թողնում դուռը, որպեսզի Լույսը ձեզ տեսանելի լինի, և դուք մղվեք դեպի այն:

Արդ, կրկնեմ, որ աստվածային նոր հնարավորություն կարող է բացվել, եթե բավարար թվով անհատներ ցուցաբերեն նոր գիտակցության մակարդակ:

Իսկ այժմ թույլ տվեք հրաժեշտ տալ ձեզ:

*ԵՍ ԵՄ Գուան Ինք*

## ԲԱԲԱԶԻ

20 հունիսի, 2010 թ.

### **ԴՈՒՔ ՊԵՏՔ Է ԿՈՂՄՆՈՐՈՇՎԵՔ, ԹԵ ՈՐՆ Է ՁԵՁ ՀԱՄԱՐ ԱՎԵԼԻ ԿԱՐԵՎՈՐ՝ ՁԵՐ ԱՇԽԱՐՀԸ, ԹԵ՛ ԱՍՏԾՈ ԱՇԽԱՐՀԸ**

ԵՍ ԵՄ Բարաջին: Ես կրկին ձեզ այցի եմ եկել: Այսօր ես եկել եմ, որպեսզի լրջորեն խոսեմ ձեզ հետ: Մինչև ամառային արևադարձը հաշված ժամեր են մնացել: Եվ այն աստվածային հնարավորությունը, որը Լույսի այս առաքելությամբ մատուցվում էր մարդկությանը, արդեն հասնում է իր ավարտին:

Չգիտեմ դուք՝ ինչպես, բայց մենք տխուր ենք:

Երեք տարի է անցել այն օրից, երբ Վեհապետները հատուկ դիմեցին Ռուսաստանի ժողովրդին\*:  
Մենք դիտում էինք, թե հետո ինչ է լինելու: Ես նույնպես դիտում էի: Քանզի մինչև հիմա աչքիս առաջ է իմ վերջին մարմնավորման իրողությունը: Ես Աստծո էներգիա փոխանցելու հնարավորություն ունեի: Եվ շնորհիվ այդ էներգիայի՝ իմ կողմը գրավեցի շատ մարդկանց, որոնք դեպի ինձ էին թռչում Լույս ճաշակելու համար: Ես տեսնում էի նրանցից յուրաքանչյուրի ողջ ներաշխարհը: Ես կարողում էի նրանց մտքերը և կարող էի նրանց

հոգու մասին իմանալ նույնիսկ այնպիսի բաներ, որոնց մասին հենց իրենք չգիտեին կամ ամաչում էին իրենք իրենց դա խոստովանել:

Բոլոր այդ մարդիկ, որոնք իմ Աշրամն էին գալիս զանազան երկրներից, հիմնականում ձգվում էին դեպի Լույսը: Նաև նրանց համար հետաքրքիր էր իմ կազմակերպած բազմաթիվ գեղեցիկ ծեսերին մասնակցելն ու համատեղ քննադատներ երգելը: Իհարկե, շատ եվրոպացիների ինձ մոտ էր բերում էկզոտիկայի ծարավը: Սակայն ես միշտ առաջնորդվում էի այն ուղղությամբ, որն իմ ներսում էր: Եվ ես հանդուրժեցի բոլոր խոնարհումներն ու պաշտումները, քանի որ հասկանում էի, որ շատ մարդկանց համար արտաքինապես Գուրուին պաշտելն ուղղակի անհրաժեշտություն է: Քանզի այդպիսին է նրանց գիտակցության զարգացման մակարդակը:

Ամեն տարի մի քանի հարյուր մարդ այցի էր գալիս իմ Աշրամը: Եվ այդ հարյուրավոր մարդկանց մեջ միայն մի քանիսն էին, որոնք պաշտում

\* Դիմումի բովանդակությունը բերում ենք ստորև՝

էին ինձ որպէս իրենց Ուսուցչի՝ իրենց վրա կրելով իմ առաքելության մի մասը:

Այժմ մենք տեղափոխվել ենք մի ուրիշ երկիր՝ Ռուսաստան: Եվ մեր կողմից կիրառվող մեթոդը հիմա այլ է: Մենք ուղերձներ ենք տալիս: Քանզի մարդկանց մեծամասնությունը, որոնք օգտվում են համացանցից կամ գրքեր կարդում, էներգիան ընկալում են խոսքի միջոցով: Եվ նրանց համար ավելի կարևոր է մեր ուղերձների էներգետիկական բաղադրիչը, քան մարմնական խելքին բաժին հասնող մենտալային սնունդը:

Եվ հիմա ոչ թե հարյուրավոր մարդիկ են ընկալում մեր Ուսմունքը, այլ, երկրագնդի մասշտաբով վերցրած, տասնյակ հազարավոր մարդիկ:

Եվ ահա իրավիճակը կրկնվում է: Շատ են նրանք, ովքեր ուզում են հրաշքի ակնատես դառնալ, և շատ քիչ են նրանք, ովքեր իսկապես նվիրվում են այն գործին, որն ի կատար են ածում Վեհապետները, և էլ ավելի քիչ են նրանք, ովքեր հավատարիմ են մեր դեսպանորդին:

Հիերարխիայի արտաքին ներկայացուցիչն առանցքային դեր է խաղում այս գործընթացում: Եվ կախված այն բանից, թե մարդիկ ինչպէս են ընկալում մեր ներկայացուցչին ու այն Ուսմունքը, որը նա փոխանցում է, ողջ մարդկության զարգացման համար կան բացվում է աստվածային հնարավորություն, կան այդ հնարավորությունը հետ է վերցվում:

Եվ այսպէս, ժամկետ էր դրված՝ երեք տարի, որպէսզի ազգը հոգածություն դրսևորեր դեսպանորդի նկատմամբ: Իսկ ի՞նչ տեղի ունեցավ այդ ընթացքում: Երկու տարի մեր դեսպանորդը զբաղվեց շինարարությամբ: Երրորդ տարին անցավ չընդհատվող դատական քաջքուկների մեջ: Ընդմիջում եղած ժամանակ էլ խրվում էր տնտեսական հոգսերի մեջ. սանհանգույց էր նորոգում, մերձակա դաշտերն էր կարգի բերում՝ գործերի արանքում վերանորոգելով այն ամենը, ինչ հրատապ վերանորոգման պահանջ էր առաջացնում:

Կարելի է ասել, որ այդ գործերը, ինչպէս ընդհանրապէս ամեն մի գործ, որն ուղղված է Համընդհանուր Բարիքի ավելացմանը, անօգուտ չէին և մեր դեսպանորդի համար անանց գանձերի վերածվեցին Երկնքում:

Իսկ ի՞նչ ասենք ազգի մասին... Ազգը գրկվեց ամենակարևոր բաներից՝ կենդանի Խոսքը ստանալուց, ուսուցումից ու սեմինարներից:

Այժմ մի պահ ձեզ դրեք Համբարձյալ Վեհապետների տեղը: Արդյոք կշարունակե՞իք էներգիա ներդնել մի գործում, որը սպասվող եկամուտը չի տալիս: Իհարկէ, եկամուտը մենք այլ կերպ ենք հասկանում, քան դուք: Չգիտես ինչու, դուք ամեն ինչ փողով եք չափում. փող որ եղավ, ամեն ինչ էլ կլինի: Իսկ մեր հասկացած եկամուտն ազգի գիտակցության աճն է: Եվ ունենք չափանիշներ, որոնցով դատում ենք ձեռք բերված գիտակցության մակարդակի մասին: Դրանցից գլխավորն

այն վերաբերմունքն է, որը դրսևորվում է Խոսքը փոխանցող դեսպանորդի նկատմամբ:

Արդյո՞ք մեր ներկայացուցիչը Երկրի վրա արժանանում է հարկ եղած հարգանքին:

Կան արդյոք մարդիկ, որոնք իրենց կյանքը կառուցում են ըստ մեր տված Ուսմունքի:

Հնարավոր է, որ փորձեք ինձ համոզել, որ դուք գործում եք ստացած Ուսմունքին համապատասխան և անում եք այն ամենը, ինչ ասում են Վեհապետները. Վարդարաններ եք կարդում, բնության գրկում կացարաններ եք կառուցում, կրթում եք երեխաներին ու երիտասարդությանը:

Քուցե թե այդ ամենն իսկապէս կատարվում է: Բայց կատարվում է գեղարվեստական ինքնագործունեության մակարդակով՝ այնպէս, ինչպէս դուք դա հասկանում եք ձեր գիտակցության մակարդակով: Իսկ մենք կուզենայինք, որ այդ ամենն արվեր այնպէս, ինչպէս մենք ենք ճիշտ համարում՝ ելնելով մեր գիտակցության համբարձյալ մակարդակից: Այն է՝ կան բազմաթիվ ստորջրյա խութեր ու ջրապտույտներ, որոնք անհրաժեշտ է հաշվի առնել: Ըստ էության, ամեն մի քայլը պետք է լավ կշռադատվի և համապատասխանեցվի աստվածային ուղղությանն ու աստվածային կերպերին: Իսկ դրա փոխարեն դուք ամեն ինչում գործածում եք զուտ մարդկային չափանիշներ: Դե, ձեզ համար այդպէս ավելի հեշտ է. համարում եք, որ ներքնապէս ոչինչ հարկ չկա փոխելու: Եվ ես համոզված եմ, որ շատ շուտով չարի գործունյա ներկայացուցիչները «փակի տակ կոնեն» ձեր ստեղծած համայնքները կամ աշրամները:

Եվ հենց այդպէս էլ կլինի, քանի դեռ չեք մտածում, թե ձեր ինչին է պետք այդ ամենն առանց ամենակարևորի՝ գիտակցության մակարդակի, որին պետք ձգտեք հասնել:

Իսկ ձեր գիտակցության պատշաճ մակարդակի հայտանիշն այն է, թե ինչպէս եք վերաբերվում մեր դեսպանորդին: Անհնար է Ուսմունք ստանալ՝ միաժամանակ արհամարհական վերաբերմունք ցուցաբերելով Ուսմունքի աղբյուրի նկատմամբ: Այլապէս ինչ որ ստանաք, հենց ձեր աչքի առաջ ոսկուց կփոխակերպվի մոխրակոյտի:

Բարձրագույն աղբյուրի նկատմամբ ակնածանքի պահպանումն անհրաժեշտ պայման է:

Երեք տարի մենք Ուսմունք տվեցինք՝ ուշք չդարձնելով այն խոչընդոտներին, որոնք կանգնում էին մեր առջև: Անկախ ընթացող շինարարությունից, անկախ դատավարություններից:

Մակայն կամ արդյոք որևէ օգուտ նման ուսուցումից:

Օրենքն անխափան է գործում: Նոր գիտակցության մակարդակ կստանաք միայն այնժամ, երբ գիտելիք ստանալու ընթացքում անվերապահ սեր կտածեք Ուսուցչի նկատմամբ և կդրսևորեք ձեր նվիրվածությունը Վեհապետներին:

Եվ մեր պահանջների մակարդակը մենք չենք իջեցնի ի նպաստ այս կամ այն անհատի, որն

ուգում է և Աստծուն ծառայել, և՛ զուտ իր անձի հոգսերը հոգալ:

Դուք պետք է կողմնորոշվեք, թե որն է ձեզ համար ավելի կարևոր՝ ձեր աշխարհը, թե՛ Աստծո Աշխարհը:

Եվ նախընտրանքների այն թվացյալ բազմազանությունը, որն ամեն օր կանգնում է ձեր առջև, ի վերջո գալիս ու հանգում է այդ ամենակարևոր նախընտրանքին:

Մենք աստվածային հնարավորության դուռը ողջ այս ընթացքում բաց էինք պահում: Իսկ հիմա արդեն բոլորաշրջանը փակվեց, և սկսվեց մի ուրիշ փուլ:

Կարմայական Վարչությունն արդեն մոտակա երկու շաբաթում կանի իր եզրակացությունները և համապատասխան որոշում կընդունի:

*ԵՍ ԵՄ Բաբաջին*

## ՎԵՀԱՊԵՏՆԵՐԻ ԴԻՄՈՒՄԸ ՌՈՒՍԱՍՐԱՆԻ ԺՈՂՈՎՐԴԻՆ

(հատված Տ. Ն. Միկուշինայի ելույթից)

Մոսկվա, 24 մարտի, 2007 թ.

*Երեկ, երբ ես ներխուժեցի մեջ էի Տեր Մայր-բնեյայի ներկայությամբ, Նա ինձ հեղինակալի ասաց...*

*Բայց նախ՝ մի երկու խոսք: Ամեն անգամ, երբ ավարտվում է Վեհապետների կողմից նախաձեռնված որևէ միջոցառում, ես կանչեմ հղում իմ Ուսուցչին, և Նա ինձ ասում է, թե՛ հետո ինչին պետք է նախապարաստվել:*

*Մուր մեկ ամիս առաջ պետք է հարցում կատարեի Բուլղարիայի սեմինարի վերաբերյալ, և այն ժամանակ էլ այդ հարցը փվեցի: Եվ Տեր Մայրբնեյան տեսա թե՛ ինչ ասաց. «Այն սեմինարից հետո, որը «Ձեռնարկումների Ուղին» անունն է կրում, ամեն ինչ կարող է շար խիստ փոխվել»:*

*Ես այն ժամանակ չհասկացա, թե՛ դա ինչ է նշանակում: Եվ երեկ՝ ներխուժեցի ընթացքում, ես նորից կրկնեցի նույն հարցը. «Հետո՞ ինչ է լինելու...»*

*Քանի դեռ չես հասել փողոցի անկյունին, չի երևում, թե՛ այն կողմում ինչ կա...*

*Այնուհետև մուր մեկ ժամ շարունակ միքսերի հոսք րեդի ունեցավ, որը, սակայն, չձևավորվեց որպես թելադրություն. բայց դրանք այնպիսի միքսեր էին, որոնք ինձ չափազանց լուրջ երևացին: Եվ հիմա կարող եմ կրկնել այն ամենը, ինչ հասկացա...*

*Իրականում Մեծ Սպիրակ Եղբայրության Դեսպանորդի պարմունձանն ինձ փրկել է 2004 թ-ի մարտ ամսին: Այսպիսով, երեք փարի է անցել այն օրից, ինչ Մեծ Սպիրակ Եղբայրության Դեսպանորդն ու նրա Պարմունձանը հնարավորություն են ստացել ներկա գրնվելու Ռուսաստանում: Իսկ դա արդեն որոշակի ժամանակահատված է, որը հարկացվում է փվյալ ազգին, փվյալ երկրին:*

*Ձեզ հայրնի է, թե՛ ինչ եղավ Հիտուսի դեպքում: Նախքան ավանակի վրա նստած Երուսաղեմ մրնելը նա արդեն երեք փարի քարոզել էր Իսրայելի ժողովրդին: Քաղաքում նրան դիմավորեցին արմավենու ճյուղերով և գոչում էին. «Օվսաննա, օվսաննա...» Իսկ հետո... Ուրբաթ օրը նրան խաչեցին: Դրանով իսկ հանձինս նրանց, ովքեր բռնեցին, փանջեցին ու մահապարժի ենթարկեցին,*

*ազգը կատարեց իր ընտրությունը: Եվ Իսրայելի ժողովուրդը ցրիվ եկավ աշխարհով մեկ:*

*Ռուսաստանը շար կարևոր երկիր է: Եվ հիմա պարզ է դառնում, թե՛ ինչու: Որովհետև Ռուսաստանը 70 փարվա ընթացքում հնարավորություն է ունեցել բարձրացնելու իր գիտակցության մակարդակը՝ որպես ազգ կրելով իր փորձությունները... (Այսինքն՝ ոչ միայն առանձին անձերն են ձեռնարկումներ անցնում, այլ ամբողջական ազգերը)... Եվ Ռուսաստանը հնարավորություն ունի հասնելու գիտակցության այն մակարդակին, որի շնորհիվ հեղափոխում կկարողանար կարևոր ընտրություն կատարել:*

*Գիրեք նաև, որ Բլավատրակայան, այս Ռեբիհները չկարողացան մնալ Ռուսաստանում: Նրանք իրենց Ուսմունքը փվեցին Ռուսաստանի սահմաններից դուրս: Եվ ողջ անցյալ 20-րդ դարում Մեծ Սպիրակ Եղբայրությունն իր Ուսմունքը փվեց Ամերիկայի տարածքում: Ապա, ինչպես գիրեք Վեհապետների թելադրություններից, Լույսի կիզակներն Ամերիկայից րեդափոխվեց Ռուսաստան: Լույսի կիզակներն այնպիսի ինչ-որ բան չէ, որ կարելի լինի շոշափել: Դա այն է, ինչ ներսում է գրնվում: Դա պարզապես մի հնարավորություն է, որով մեկը կարող է Աստծո Լույս փոխանցել մի ողջ ժողովրդի:*

*2004 թիվ... Երեք փարի... Եվ փոփոխությունները, որոնք այժմ րեդի են ունենում Ռուսաստանում, նկատելի են անգն ասքով: Աստծո էներգիան ֆիզիկական ոլորտում դրսևորվում է որպես դրամական էներգիա: Եվ Ռուսաստանին կվիճակվի հարուստ երկիր դառնալ, եթե նա անցնի իր Ձեռնարկումները:*

*Երբ Ուսմունքը փրկեց Ամերիկայի տարածքում, Ամերիկան վերածվեց հարուստ երկրի: Հարցն այն էր միայն, թե՛ ազգն ինչպես կրնա օրինի իր ստացած Լույսը: Եվ Ամերիկան գնաց ոսկե հորթին պաշտելու ճանապարհով: Այսինքն ողջ այն Լույսը, որն ամբողջ 20-րդ դարում Վեհապետ-*

ները Կրկեցին Ամերիկային, հարկացվեց այն բանին, որ մարդիկ ընտրեն արտաքինը, ընտրեն այս աշխարհի ճոխությունները և ծառայեն դրանց:

Իսկ հիմն արդեն ժամանակ չի մնացել: Եվ այն, ինչ Ամերիկայում փասնայակ փարիներ է փել, Ռուսաստանին փրվեց այս ընթացքում: 3 փարի, և երկիրն արդեն կանգնած է ընտրության առաջ: Եվ, ինչպես Ամերիկայի դեպքում էր, Ռուսաստանն էլ պետք է կարարի իր ընտրությունը: Բնչը կընտրվի: Հոգևոր, աստվածային Ուղի՞ն, թե՛ ոսկե հորթին պաշտելը: Սա է այն երկրներս, որն այժմ դրված է ազգի առջև:

Ես հարց փրկեցի՝ ինչ է լինելու հետո: Հունիս-հուլիս ամիսների համար պլանավորված էր թե-լադրությունների ամառային շրջան, պետք է նաև սեմինար փրկի ունենար: Բայց Մայրերյան թույլ չի փայլիս: Երանք ինձ աշխատելու հնարավորություն չեն փայլիս: Երանք ասում են, որ... Ռուսաստանն այս ընթացքում ոչինչ չփրկեց ինձ: Ես նույնիսկ փրկ չունեմ ապրելու համար: Թե ինչպես է ժողովուրդը վերաբերվում Վեհապետների Գեսպանորդին, շարք բան է ասում... Բանը կոնկրետ

իմ անձի մեջ չէ: Իրականում ինձ համար շարք ծանր է այս ամենի մասին հիմն խոսելը: Քանզի մարդկային մակարդակով թվում է, թե ես ինձ համար եմ ինչ-որ բան փնտրում: Այնինչ ինձ ոչինչ պետք չէ: Իսկ հարցը, իրոք, շարք լուրջ է դրված:

Եվ եթե Վեհապետները հետ վերցնեն Լույսի կիզակետը, ապա դա կնշանակի, որ Ռուսաստանը չի հանձնել իր թեարը: Սովորաբար ազգն իր ընտրությունը մարդկանց միջոցով է կարարում, այն մարդկանց միջոցով, որոնք ներկա էին Հիտուսի մահապարժին, և այն մարդկանց միջոցով, որոնք հնարավորություն ունեցան մասնակցելու սույն հանդիպմանը: Նշանակում է՝ Աստված խոսում է ձեզ համար:

Աստված խոսում է ձեզ համար...

Աստված խոսում է ձեզ համար...

Հնարավոր է, որ այս հանդիպումը վերջինը լինի: Չգիտեմ...

Սիս սա է այն ամենն, ինչ երեկ ես հասկացա Տեր Մայրերյայի ներկայությամբ ունեցած իմ ներխուկման ընթացքում:

*Տառյանա Միկուշինա*

## ՎԵՀԱՊԵՏ ԷԼ ՄՈՐԻԱ

21 հունիսի, 2010 թ.

## ԵԶՐԱՓԱԿԻՉ ՈՒՂԵՐՉ

ԵՍ ԵՄ Էլ Մորիան:

Վշտացած եմ տալիս այսօրվա իմ ուղերձը...

Ձեզ հայտնի է, որ հենց ես էի, որ Մեծ Կենտրոնական Արևից ձմեռային շրջանի ուղերձները տալու թողության շնորհ ձեռք բերեցի: Ես պայքարեցի նաև այս ամառային շրջանի թելադրությունները տալու հնարավորության համար:

Սակայն մեր ուղերձներն առաքելու աստվածային հնարավորությունն արդեն սպառված է:

Դուք հավանաբար կարծում էիք, թե մեր էներգիան անվերջ կստանանք ու կստանաք...

Բայց մի մոռացեք, որ մենք, ինչպես և դուք, պատասխանատու ենք Աստծո էներգիայի ծախսման հարցում: Եվ ամեն մի թողության շնորհ, Աստծո ամեն մի ողորմածություն նախքան շնորհվելը համաձայնեցման մանրագնի գործընթաց է անցնում Տիեզերական Հիերարխիայի բոլոր մակարդակներում:

Ձեզնից ոչ ոք չի կարող դժգոհել, որ այս վեց տարիների ընթացքում, երբ մենք տալիս էինք մեր ուղերձները, երբևէ նեղացված է եղել: Մենք լայնորեն տվեցինք մեր Ուսմունքն ամենամատչելի մակարդակով: Մենք բառացիորեն ձեզ գրալով

կերակրեցինք, ինչպես մանուկների, և հիմա իրավունք ունենք ակնկալելու որոշակի արդյունք մեր ջանքերի դիմաց: Քանզի, եթե մեր ջանքերն անտեղի են եղել, մեզնից կպահանջվի համապատասխան կարմայի բեռնաթափում:

Ուստի մենք անհամբերությամբ սպասում էինք մեր ջանքերի պտուղներին: Եվ այսօր ես պետք է նշեմ այն վշտալի փաստը, որ մենք սպասված արդյունքին չհասանք, և ռուս դեսպանորդի միջոցով ուղերձներ փոխանցելու աստվածային հնարավորությունը մոտեցավ իր ավարտին:

Թե ինչպես եք վերաբերվում մեր դեսպանորդին և մեր Ուսմունքին, դրանից նաև ձեզ կարմա է ավելանում: Եվ ողջ այն Լույսը, որը բխում էր մեզնից ու չէր օգտագործվում ըստ նշանակության, այն է՝ ձեր գիտակցության աճի համար, մարդկության համար հսկայական կարմա ստեղծեց:

Այդ իսկ պատճառով, որպեսզի փոքրացնեք մեր ուղերձներում պարունակվող էներգիայի սխալ դասակարգման հետ կապված մարդկության կարման, մենք այժմ ստիպված ենք դադարեցնել մեր ուղերձների փոխանցումը:

Թե ինչպես կզարգանան հետագա իրադար-

ծությունները, կորոշեն Կարմայական Վարչությունն ու Բարձրագույն Տիեզերական Խորհուրդը:

Ես իմ կողմից պատրաստ եմ շարունակելու իմ Սպասավորությունը մարդկությանը, սակայն չեմ կարող դուրս գալ այն սահմանափակումների շրջանակներից, որոնք դուք ստեղծել եք Խոսքի նկատմամբ ձեր սխալ վերաբերմունքով:

Ֆիզիկապես ձեզ համար ոչինչ չի փոխվի: Որոշ ժամանակ դուք դեռ կշարունակեք ձեր գոյությունը: Բայց այն, ինչի մասին մենք շարունակ զգուշացնում էինք և փորձում մարդկությանը գերծ պահել դրանից, անխուսափելիորեն տեղի կունենա: Եվ այստեղ մենք չենք կարող ասել, թե ոչինչ չենք արել և չենք նախաձեռնել բոլոր հնարավոր և անհնարին միջոցները:

Ազատ կամքի օրենքը մեզ թույլ չի տալիս ձեզ կանգնեցնել, եթե որոշել եք սխալ դեպի անդունդ: Իսկ մարդկությունը հիմա հենց դա է անում:

Ուստի այն հատիկները, որ այս ընթացքում մենք ցանեցինք մարդկանց հոգիներում, անկտան միայն այն դեպքում, եթե բարենպաստ պայմաններ ստեղծեք դրա համար:

Իսկ մենք ստիպված ենք մի կողմ քաշվել և լինել դիտորդների դերում:

Ամենացավալին այն է, որ Երկրի համար այս ամենադժվարին ժամանակներում մարմնավորվել են մարդկության լավագույն ներկայացուցիչները: Եվ որքան ծանր է մեզ համար դիտելը, թե ինչպես են նրանք հնազանդորեն, ինչպես օձերը սրինգի նվազի տակ, կատարում այն նույն շարժումները, որոնք ընդունված են հասարակության մեջ. կարծես կախարդված լինեն պատրանքի մոգական ուժով:

Պահանջվում է պոռթկում իրականացնել գիտակցության մեջ, քանզի առանց դրա մարդկությունը դատապարտված է: Դուք կամ կհետևեք այն ուղուն, որը համապատասխանում է էվոլյուցիայի պահանջներին, կամ էլ ձեզնով կլրացնեք պատմության աղբանոցը՝ որպես ևս մեկ քաղաքակրթություն, որը չի դիմացել պատրանքի կախարհիչ ուժին:

Այլևս դժվար թե հաջողվի ավելի պարզ ու

մատչելի ձևով շարադրել մեր Ուսմունքի հիմնարար դրույթները:

Ես խնդրում եմ, որ ամենայն ուշադրությամբ վերաբերվեք իմ խոսքերին և մնացած ժամանակի ընթացքում մանրազնի կերպով կշռադատեք դրանք:

Ես անհանգիստ եմ իմ այն սաների համար, որոնք մարմնավորման մեջ են, և որոնց համար ես կարմայական պատասխանատվություն եմ կրում: Հավանաբար սա իմ վերջին դիմումն է՝ ուղղված ձեզ, որը դուք կարող եք կարդալ ու ընկալել ձեր արտաքին գիտակցությամբ: Իսկ ինչ վերաբերում է Դարջիլինգյան սրբազան Մենաստանում տարվող աշխատանքին, ապա այնտեղ դուք կկարողանաք հանդիպել ինձ հետ և Ուսմունք ստանալ: Սակայն պատրանքի քողն այնքան թանձր է, որ հազիվ թե կարողանաք ձեր արտաքին գիտակցությամբ մտաբերել այն խոսքերը, որոնք ինձնից կլսեք իմ Մենաստանում:

Քանի որ, ինչպես երևում է, ձեզ ժամանակ է պետք, որպեսզի կշռադատեք և յուրացնեք մեր Ուսմունքը, ապա իմացեք. հենց որ ձեր հոգին այնքան կհասունանա, որ ձեզ շրջապատող ամեն ինչը կտեսնեք ձեր Բարձրագույն Ես-ի աչքերով, ապա միշտ հիշեք, որ մենք հոգատար դայակների պես ձեր կողքին կանգնած կլինենք և կօժանդակենք անհրաժեշտ ամեն ինչով, որպեսզի դուրս գաք պատրանքից:

Իսկ եթե հույսեր եք կապում, թե մենք կծառայենք ձեր էգոյին և կբավարարենք նրա բոլոր քմահաճույքները, ապա խորապես սխալվում եք: Մենք չենք կարող Աստծո էներգիայով անվերջ կերակրել ձեր էգոյին:

Չէ՛-որ ասված է՝ Մի՛ նետեք ձեր մարգարիտները խոզերի առաջ\*:

Եվ այսպես, կատարեք ձեր ընտրությունը և որոշում կայացրեք: Ձեր գիտակցության յուրաքանչյուր առողջ շիվը խնամքով կպահպանվի:

Իսկ մարդկային գիտակցության բոլոր մուլախոտերը կնետվեն տիեզերական աղբանոց:

*ԵՍ ԵՄ ԷՆ Մորիան*

\*Մտք. 7:6

# ՄԻՋԱՆԿՅԱԼ ՈՒՂԵՐՁ

## ՍԱՆԱՏ ԿՈՒՄԱՐԱ

16 նոյեմբերի, 2010 թ.

## ԳԵՐՀՐԱՏԱՊ ՈՒՂԵՐՁ

ԵՍ ԵՄ Սանատ Կումարան: Այս օրով ես կրկին եկա, որպեսզի անհրաժեշտ գրույց վարեմ, և կարծում եմ, որ այս տողերն ընթերցող ձեզնից շատերը հավանաբար կտարակուսեն: Սակայն ժամանակն այլևս հապաղում չի հանդուրժում: Ուստի ես կսկսեմ:

Վերջին ժամանակներում մենք թելադրություններ չէինք տալիս մեր դեսպանորդի միջոցով: Եվ դա լիովին արդարացված էր, քանի որ իմաստ չունի Գիտելիք տալ նրանց, ովքեր այդ Գիտելիքն ընկալելու և յուրացնելու ունակ չեն:

Իսկ այսօրվա իմ գալստյան իմաստն ու նպատակն այն է, որ դիմեմ այն քչերին, որոնք մարմնավորման մեջ են և կարող են լսել ինձ: Ահա ձեզ է, որ դիմում եմ:

Դուք քիչ եք, իսկ կյանքի հանգամանքներն ավելի ու ավելի են բարդանում: Մարդկության կարման թանձրանում է և իր հետևից քաշում նրանց, ովքեր ստիպված են հետևել մարդկանց ընդհանուր գանգվածին:

Հարկ է, որ կանգ առնեք: Թող մարդկային ամբոխն աղմկի, բայց ամենայն ունայն բան թող լռի ձեր էության ներսում:

Հասել է ձեր հերթը: Դուք մարմնավորվել եք մի առաքելության համար, որի ժամանակն արդեն եկել է:

Հարկ է, որ դուրս գաք ամբոխի միջից, հարկ է, որ առանձնանաք ու դառնաք այն, ինչ իրականում կաք՝ Լույսի փոխանցիչ, Լույսի էլեկտրոդ: Ձեր միջոցով, ձեր փոխանցումների միջոցով է, որ պետք է համակշռություն հաստատվի Երկիր մոլորակի վրա:

Խստագույն ժամանակներ են մոտենում: Եվ ընդամենը մի քանի մարդիկ կան մարմնավորման մեջ, որոնք ունակ են այդ աշխատանքը կատարելու մեզ համար:

Կյանքի ունայնությունը պետք է նահանջի: Ամեն ինչ պետք է լռի ձեր ներսում: Ձեր ժամանակն է հասել: Եվ հիմա, երբ ձեզ ընկալունակ դարձրի, պետք է ասեմ ևս մեկ կարևոր բան: Դուք

բոլորդ դառնում եք Եղբայրության գործուն աշխատակիցները Երկրի վրա: Եվ հենց ձեզ համար եմ հիմա ես խոսում: Դուք պետք է կենտրոնանաք ներքին աշխատանքի վրա, որպեսզի համակշռեք մոլորակում տիրող իրավիճակը:

Այլ ելք չկա: Մոլորակի դրությունը երբեք այսքան ծանր չէր եղել:

Համակշռությունը պետք է վերականգնվի: Աղոթքների գնով, ներքին անդորրության ու խաղաղության հաստատման գնով:

Դուք քիչ եք, և միայն ներքին աշխատանքի վրա անհավատալի կենտրոնացման գնով, ողջ օրվա ընթացքում Բարձրագույնի վրա կենտրոնանալով գնով է հնարավոր պահպանել համակշռությունը:

Ուշադրություն մի դարձրեք այն ամենին, ինչ տեղի է ունենում ձեր շուրջը: Կենտրոնացեք միայն ձեր սրտերի, այն Աստծու վրա, որ ներկա է ձեր ներսում:

Քամին էլ փչի, հողմն էլ ոռնա, հրդեհներ էլ տարածվեն, աշխարհն էլ քանդվի, մինևույնն է. եթե թեկուզ մի քանի հոգու ներսում հուրը վառվում է հավասարաչափ, և խաղաղությունն ու ներդաշնակությունն են թագավորում, ապա հնարավոր է ամեն ինչ փոխել:

Ես լռության կոչ եմ անում: Ես կոչ եմ անում, որ աղոթեք: Կոչ եմ անում ներխոսման: Կոչ եմ անում, որ դառնաք այն, ինչ իրականում կաք՝ Աստծո ուսուրերն ու դուստրերը: Երբ ամեն ինչ խաղաղվի ձեր ներսում, աստիճանաբար խախտված հավասարակշռությունը կսկսի վերականգնվել:

Իսկ հիմա ես պատրաստ եմ ասելու ևս մեկ բան. մի վախեցեք ոչնչից: Այն ամենավատը, որ կարող էր տեղի ունենալ, արդեն տեղի է ունեցել: Մնացյալ ամեն ինչը տեղի ունեցածի հետևանքը կլինի միայն:

Այսօր ես եկա, որպեսզի նրանք, ովքեր պատրաստ են ինձ լսելու, կարողանան կատարել իրենց պարտքը:

*ԵՍ ԵՄ Սանատ Կումարան: ՕՄ*